

bwe eu berwöt mae ien Ij itok, ta men in iböm? kwon lor Iö.

Mat. 16. 23. 1 Kor. 4. 5. & 11. 26. Rev. 2. 25. & 3. 11. & 22. 7. 20.

23 Inem nan in ebuñbuñlok iben jimjān jimjāten, bwe dri kalor in e jamin mij: a Jisōs e jab ba ñōn e, E jamin mij; a, Elañe I kōnan bwe en berwöt mae ien Ij itok, ta men in iböm?

24 Dri kalor in eo ej kennan men kein, im ar jeje men kein: im je jela bwe an kennan emol.

jap. 19. 35. 3 Jon 12.

25 Im bar elōñ men ko Jisōs e ar kōmōni, im elañe rej jeje men ko otemjej jelok, ij lemnok lōl e jab maroñ in drebij buk ko re naj jeje kake.

jap. 20. 30. Amos 7. 10.

JERBAL KO AN RO DRI JILIK.

JAPTER 1.

BUK eo mokta I ar kōmōnmōn, O Teopilōs, kin men otemjej Jisōs e ar jino in kōmōn im katakin.

Luk 1. 3.

2 Ñōn ran eo ran in bōkliñlok E ñōn lōñ, elikin An lelok kien ko kin Jitōb Kwojarjar, ñōn dri jilik ro E ar kålet ir:

Mark 16. 19. Luk 9. 51. & 24. 51. 1 Tim. 3. 16. Mat. 23. 19. Jon 20. 21. jap. 10. 42.

3 Im E mōke kwalok E ñōn ir im mour elikin An iñtan, kin elōñ kakōle remol otem mol, im weaktok ñōn ir iomin eñoul ran, im Ej konono men ko an ailifi in Anij;

Mark 16. 14. Luk 24. 36. Jon 21. 1, 14. 1 Kor. 15. 5.

4 Im ke Ej kweloklok ibeir, Ej jiroñ ir bwe ren jab ilok jen Jerusalem, a kōtar an Jemen kalimur, eo, Ej ba, kom ar roñ jen Iö:

Luk 24. 49. Jon 14. 16, 26. & 15. 26. jap. 2. 33.

5 Bwe emol Jon e ar baptais kin dren, a e jab elōñ ran tokelik kom naj baptais ilo Jitōb Kwojarjar.

Mat. 3. 11. jap. 2. 4. & 11. 16.

6 Inem ke rej kweloklok, rej kajitōk iben im ba, Iroi, kwoj bar karōk ailifi in Israel ien in ke?

Mat. 24. 3.

7 Im Ej ba ñōn ir, E jab emōn ami jela ien ko, ak tere ko Jema e ar likiti ilo An kajur.

Mat. 24. 36. Mark 13. 32. 1 Tes. 5. 1.

8 A kom naj bōk maroñ ñe emwij

an Jitōb Kwojarjar itok iomi: im kom naj Aō dri kennan ilo Jerusalem, im i aolepen Judia, im i Sameria, im ñōn eneo etolok tata i lōl. jap. 2. 1-4. Luk 24. 48. Jon 15. 27. jap. 2. 32.

9 Im ke emwij An konono men kein, ke rej kalimjeke, ar bōkliñlok E, im juōn kōro ej bōk E jen mejeir.

Luk 24. 51. Jon 6. 62.

10 Im ke rej kanuij ejer im kalimjek ilōñ ke Ej wōnliñlok, ruo armij rej jutōk iturir, emouj nuknuk ko air;

Mat. 28. 3. Mark 16. 5. Luk 24. 4. Jon 20. 12. jap. 10. 30.

11 Im re ba, Kom, armij in Galili, etke komij jutōk im reilok wōt ñōn lōñ? Jisōs in, eo emwij bōkliñlok jen kom ñōn lōñ, E naj itok einwōt, ilo wāwen drein ami lo An ilok ñōn lōñ.

jap. 2. 7. & 13. 31. Mat. 24. 30. 2 Tes. 1. 10.

12 Inem rej jeblak ñōn Jerusalem jen tol eo etan Olivet, joñon etal ilo ran in Sabat jen Jerusalem.

Luk 24. 52.

13 Im ke rej dreloñ, rej wōnliñlok ñōn juōn bo, ijo Piter im Jon im Jemes im Andru, Pilip im Tomas, Bartolomu im Matu, Jemes nejn Alpiōs, im Saimōn dri Zelōt, im Judas jātin Jemes, rej ber ie.

jap. 9. 37, 39. & 20. 8. Mat. 10. 2-4. Luk 6. 15. Jud 1.

14 Rein otemjej rej ber im buruelr wōt juōn ilo air jar im kajitōk, kab

kōra ro, im Meri jinen Jisōs, kab ro jātin man.

Jap. 2. 1. 46. Luk 23. 49, 55. & 24. 10.

15 Im ilo ran ko Piter ej jutōk iolapin ro dri kalor, im ba (im jar eo rej kweloklok e nañin jibuki im roñoul armij.)

Rev. 3. 4.

16 Kom jeiō im jātiō, emōn ren kamol Jeje in, an Jitōb Kwojarjar konono mokta iluñin Devid kin Judas, eo e ar tel ro r'ar jibwe Jisōs.

Sam 41. 9. Luk 22. 47. Jon 13. 18. & 18. 3.

17 Bwe ar bwine na iber, im e ar bōk mōtōn jermal in.

Mat. 10. 4. Luk 6. 16. jap. 20. 24. & 21. 19.

18 Inem armij in e ar wiaik juōn wāto kin wōnan an nana, im ej bufitake bōran, im erup lojien, im mōjñōl otemjej re wutlok.

Mat. 27. 7. Mat. 28. 15.

19 Im ir otemjej r'ar ber i Jerusalemlen re jela; im r'ar likit etan wāto eo ilo air in nan, Wāto in bōtōktōk.

20 Bwe ar jeje ilo buk in Sam ko, Mweo imōn en jeebeplok, im ejelok armij en jokwe ilan; im, Bar juōn en bōk jermal eo an.

Sam 69. 25. & 109. 8.

21 Inem jen armij rein ro r'ar ber iber ien otemjej ke IroiJ Jisōs e ar itoitōk iolaper,

22 Jinoin jen an Jon baptais ñōn ran eo wōt ran in bōklifōk E jen kij, emōn juōn iair en dri kennan iber kin An jerkakbiji.

Mark 1. 1. Jon 15. 27. jap. 4. 33.

23 Im r'ar kajutōk ruo, Josep etan Barsebas, āt eo juōn Jōstōs, im Matatas.

jap. 15. 22.

24 Im rej jar, im ba, Kwe, IroiJ, kwoj jela buruen armij otemjej, kwon bakajen wōn iairro Kwoj kālet e,

1 Samuel 16. 7. jap. 15. 8. Rev. 2. 23.

25 Bwe en bōk mōtōn jermal in im jermal an dri jilik, men eo Judas e ar buñ jen e bwe en ilok ñōn jikin.

26 Im rej likit kakōlairro; im bōk

kakōlōn Mattaias; im rej bwine na iben joñoul im juōn dri jilik.

JAPTER 2.

IM ke emwij an itok ran in Pente-kost, ir otemjej rej ber ilo juōn jikin, burueir wōt juōn.

Levai 23. 15. jap. 20. 16. jap. 1. 14.

2 Im emōkōJ an juōn ainiken itok jen lōñ, einwōt aire, im ej kobrōk aolepen mweo ijo rej jijōt ie.

jap. 4. 31.

3 Im lo ko romiōñe einwōt urur, rej weaktok ñōn ibeir, im jok loir otemjej :

4 Im ir otemjej rej obrōk kin Jitōb Kwojarjar, im jino air konono kin bar jet loir, einwōt Jitōb ej lelok ñōn ir bwe ren konono.

Jap. 1. 5. Mark 16. 17. jap. 10. 46. & 19. 6. 1 Kor. 12. 10, 28, 30. & 13. 1. & 14. 2.

5 Im jet dri Ju ro, armij dri kabuñ, jen ailiñ otemjej iomin lōñ rej jokwe i Jerusalem.

6 Im ke r'ar roñ ainiken in, jar eo rej kweloklok, im elap air leññoñ, bwe jabrewōt iair ej roñ air konono ilo an in nan.

7 Im ir otemjej rej lokjenair im bwilōñ, im ba ñōn dron, Lo, rein otemjej rej konono, re jab dri Galili ke?

jap. 1. 11.

8 Im ekijkan jej roñ ilo ar in nan, ijo j'ar lotak ie?

9 Dri Partia, im dri Midia, im dri Ilam, im ro rej ber i Mesopotemia, im i Judia, im Kapedusia, i Pontōs im Esia,

10 Prijia im Pampilia, i Ijipt, im ilo jet mōtōn ko an Libia iturin Sairine, im ro rua jen Rom, dri Ju ro, im ro dri prosilaht,

11 Dri Krit im dri Arebia, jej roñ air konono ilo ar in nan men ko relap an Anij.

12 Im ir otemjej rej lokjenair, im berre, im ba ñōn dron, Ta melemen men in?

13 Im bar jet rej kajirere im ba, Armij rā remāt kin wain ekal.

14 A Piter ej jutōk iben joñoul im juōn, im koutiej ainiken, im ba

ññon ir, Kom, armij in Judia, im kom otemjej komij ber i Jerusalem, komin jela men in, im karoñjake nan ko ađ;

15 Bwe lõmarä re jab karek, ein ami lemnok drein, bwe auđ in ken ka druatinjuñon wõt ilo ran.

1 Tes. 5. 7.

16 A men in men eo dri kanan Joel e ar konono kake;

17 Im Anij ej ba, Ilo ran ko elik-tata, I naj lutök ađ Jitöb ion kõniek otemjej: im ro nejemi man im ro nejemi kõra re naj drikanij, im likao ro ami re naj lo vlñon ko, im lõlap ro ami re naj tñnak tñnak ko.

Isa. 44. 3. Joel 2. 28-32. jap. 10. 45. & 21. 9.

18 Im ilo ran ko I naj lutök ađ Jitöb ion ro dri korijera man im ion ro dri korijera kõra; im re naj drikanij.

jap. 21. 4. 9, 10.

19 Im I naj kwalok men in bwi-lõñ ko i lõñ, im kaköle ko i lõl; bötöktök, im kijeek, im tap in bat:

20 Al e naj erom marok, im aliñ erom bötöktök, mokta jen ran in Iroj ej itok, ran eo elap im men in bwilõñ;

Mat. 24. 29.

21 Im jabrewõt eo e naj jar ilo etan Iroj e naj mour.

Rom 10. 13.

22 Kom, armij in Israel, komin roñjake nan keln; Jisös dri Nazeret, juñon eman Anij e ar kakölön emön ññon kom kin jermal ko relap im men in bwilõñ ko im kaköle ko, men ko Anij e ar kõmõnmõni kin E iolapemi, einwõt ami jela:

Jon 3. 2. & 14. 10, 11. jap. 10. 38. Hib. 2. 4.

23 Leo, Anij e ar ketök E ilo An bebe im An jela mokta, Eo kin armij renana kom ar drebail im mñon E;

Mat. 23. 24. Luk 22. 22. jap. 4. 28. & 5. 30.

24 Eo, Anij e ar kejerakbiji, ke emwij An jelate iñtan ko an mij; bwe mij e jab maroñ in drebij E.

jap. 3. 15. & 4. 10. & 10. 40. & 13. 30, 34. & 17. 31.

1 Kor. 6. 14. & 15. 15. 2 Kor. 4. 14. Gal.

1. 1. Ep. 1. 20. Kol. 2. 12. 1 Pit. 1. 21.

25 Bwe Devid ej konono kin E, I ar lo Iroj ien otemjej iman meja; bwe Ej ber i anbijmaroñiđ bwe in jab makötkit.

Sam 16. 8-11.

26 Inem e ar mñonñon buruđ im lõñliñ loiđ; im bar jet, kõniekiđ e naj bareinwõt jokwe ilo kejatirik-rik;

27 Bwe Kwo jamin likit ađ ilo Hedis, im Kwo jamin lelok am Dri Kwojarjar bwe En lo köt.

28 Kw'ar kwalok ial in mour ko ññon iđ; Kwo naj kobrök iđ kin mñonñon ilo mejöñ.

29 Armij jeļiđ im jätiiđ, in konono alikar ññon kom kin Devid dri petri-ark, bwe e ar mij, im ar kalibwin e, im lüp eo lüpön ej ber iher ññon ran in.

jap. 13. 36.

30 Inem bwe e dri kanan, im jela bwe Anij e ar kanöñnij ññon e kin juñon kanöñnij, bwe jen ian ro nejn, E naj kajijöt juñon ion tron eo an;

Sam 132. 11. Luk 1. 32. Rom 1. 3.

31 Ke e ar lo men in mokta, e ar konono kin an Kraist jerkakbiji, bwe E ar jab ber iloan Hedis, im kõniekin e ar jab lo köt.

jap. 13. 35.

32 Anij e ar kejerakbiji Jisös in, kim otemjej dri kennan kake.

jap. 1. 8.

33 Anij e ar koutiej E kin anbijmaroññon, im E ar bök jen Jemen kalimur kin Jitöb Kwojarjar, inem E ar lutök men in, men eo komij loe im roñjake.

jap. 5. 31. Pil. 2. 9. Hib. 10. 12. Jon 14. 26.

jap. 1. 4. & 10. 45.

34 Bwe Devid e ar jab wñliñlok ññon lõñ ko; bwe e möke ba, Iroj e ar ba ññon ađ Iroj, Kwon jijöt i anbijmaroñiđ.

Mat. 22. 44. 1 Kor. 15. 25.

35 Ññon ien eo I naj likit Am dri kijirät eran neñm.

36 Inem ro nukin Israel otemjej ren kanuij jela, bwe Anij e ar kõmñnmñon Jisös eo bwe En Iroj im Kraist, eo kom ar drebail E.

jap. 5. 31.

37 Im ke rej roñjake men in, elil burueir, im rej ba ñõn Piter im dri jilik ro jet, Kom ro jeim im jätim, ta eo kimin kõmõne?

Luk 3. 10. jap. 9. 6. & 18. 30.

38 Inem Piter ej ba ñõn ir, Kom otemjej komin ukwelok ibemi, im baptais ilo etan Jisõs Kraist bwe En julok jerawiwi ko ami, im kom naj bõk men in letok eo, Jitõb Kwojarjar.

Luk 24. 47. jap. 3. 19.

39 Bwe kalimur eo ñõn kom, im ñõn ro nejemi, im ñõn ro otemjej retolok, ro jabrewõt Iroi ar Anij e naj kir ñõn E.

Joel 2. 28. jap. 3. 25. & 10. 45. & 11. 15. 18. & 14. 27. & 15. 3, 8, 14. Ep. 2. 13, 17.

40 Im kin bar elõñ nan ko ej kenan im kowe ir, im ba, Komin mõke lomoremì jen ebeben in ankeke.

41 Inem ro rej bõk nan eo an, rej baptais: im ilo ran eo e nañin jilu tausand armij rej koba na ibeir.

42 Im rej ber im bin ilo katak im komao iben dron an ro dri jilik, im ilo ruji bred, im ilo jar ko.

jap. 1. 14. Rom 12. 12. Ep. 6. 18. Kol. 4. 2.

43 Im mijõk ej itok ioir otemjej: im dri jilik rej kõmõnmõn elõñ men in bwilõñ ko im men in ka-kõle ko.

jap. 5. 12.

44 Im ro otemjej rej tõmak rej ber iben dron, im men otemjej ibeir, air.

jap. 4. 32.

45 Im rej wiakaki men ko im mweiluk ko mweieir, im kajime air ajej ñõn ir otemjej, einwõt jabrewõt armij ej aikwij.

46 Im ilo ran otemjej rej ber im bin, im burueir wõt juõn, iloan tempel, im ruji bred iloan imweir, im rej mõña kijeir ilo mõnõnõ im emõn burueir,

jap. 1. 14. Luk 24. 53. jap. 5. 42. & 20. 7.

47 Im wijtake Anij, im kabuñ-buruen armij otemjej. Im Iroi ej kobaik na ibeir ro re naj mour, ilo ran otemjej.

Luk 2. 52. jap. 4. 33. & 5. 14. & 11. 24.

JAPTER 3.

IM kiõ Piter im Jon rej wõnliñlok ñõn iloan tempel ilo auõ in jar, auõ eo jilu.

jap. 2. 46. Sam 55. 17.

2 Im juõn armij e kirro jen lojen jinen, im ar bõktok im likit e ran otemjej na iturin aur in tempel, etan aur eo Wõleo, bwe en kajitõk mweien tiriamo jen ro rej dreloñ iloan tempel;

jap. 14. 8. Jon 9. 8.

3 Ke ej lo Piter im Jon re nañin dreloñ iloan tempel, ej kajitõk mweien tiriamo.

4 Im Piter ej kalimjeke kab Jon, im e ba, Kwon lala kimro.

5 Im ej eoroñ irro, im lemnok e naj bõk men eo jabrewõt jen ir.

6 A Piter ej ba, ejelok silver ak gold iba; a men eo eor iba, ij lewoj ñõn yuk: Ilo etan Jisõs, dri Nazeret, kwon jutõk im etal.

jap. 4. 10.

7 Im ej kapjere anbijmaroñõn, im kajutõk e: im emõkõj an bin neen im kõbkõb in neen.

8 Im ej kaiure im jutõk, im etetal, im ej dreloñ ibeirro na iloan tempel; ej etetal, im kãki, im wijtake Anij.

jap. 35. 6.

9 Im armij otemjej rej lo an etetal im wijtake Anij:

jap. 4. 16, 21.

10 Im re kill bwe e eo e kar jlijõt kin mweien tiriamo iturin aur Wõleo in tempel; im rej obrõk kin bwilõñ im lokjenair kin men eo e ar itok ñõn e.

11 Im ke ej drebij Piter im Jon, armij otemjej rej etõrtok ñõn ibeir iomin portiko etan an Solomõn, im elap air bwilõñ.

Jon 10. 23. jap. 5. 12.

12 Im ke Piter ej lo men in, ej uak ñõn jar eo, Kom, armij in Israel, etke komij bwilõñ kin lein? ak etke komij kalimjek kim, einwõt elañe kimro ar kõmõnmõn armij in, bwe en etetal kin amro kajur ak kwojarjar?

13 Anij an Ebream, im Aisak, im Jekōb, Anij an ro jimar, E ar kaibujuij Nejin, Jisōs; eo kom ar ketōk E im karmijete iman mejen Pailat, ke e ar lemnok bwe en kōtlok E.

jap. 5. 30. Jon 7. 39. & 12. 16. & 17. 1. Mat. 27. 2. 20. Mark 15. 11. Luk 23. 18-21. Jon 18. 40. & 19. 15. jap. 13. 28.

14 A kom ar karmijete Dri Kwojarjar im Emōn, im kajitōk bwe en lewōj dr'uror ñōn kom;

Mark 1. 24. jap. 4. 27. & 7. 52. & 22. 14.

15 Im kom ar mōn Iroj in mour, eo Anij e ar kejerkakbiji jen ro remij; im kim dri kennan kake.

Hib. 2. 10. 1 Jon 5. 11.

16 Im etan, ilo liki etan, e ar kakajur armij in, eo komij loe im jela: aet, liki eo ej ilo E e ar lelok ñōn lein mour otem mour iman mejemi otemjej.

Mat. 9. 22. jap. 4. 10.

17 Im kiō ro jeō im jātīō, I jela bwe kom ar kōmōn men in ilo ami jaje, im bareinwōt iroj ro ami.

Jon 16. 3. jap. 13. 27. 1 Kor. 2. 8. 1 Tim. 1. 13.

18 A men ko, Anij e ar kwalok mokta kin loñin dri kanan ro An otemjej, bwe Kraist eo An E naj iñtan, ein drein An kajejit.

jap. 26. 22. Sam 22. Isa. 50. 6. & 53. 5. Dan. 9. 26. 1 Pit. 1. 10, 11.

19 Inem komin ukwelok ibemi, im bar oktōk, bwe en jeorlok jerawiwi ko ami, im bwe en walok ien aimlolo ko jen iman mejen Iroj:

jap. 2. 38.

20 Im bwe En jilkintok Dri Kraist, eo ar likit E ñōn kom mokta, aet, Jisōs,

21 Eo lōñ en bōk E, ñōn ien ko ien karōk men otemjej Anij e ar konono kaki, kin loñin dri kanan kwojarjar ro An otemjej jen ien maktata.

jap. 1. 11. Mat. 17. 11. Luk 1. 70.

22 Bwe emol an Moses ba, Juōn Dri Kanan, einwōt ña, Iroj Anij e naj kajutōk ñōn kom jen ro jeōmi im jātōmi; kom naj eoroñ E kin men otemjej jabrewōt E naj ba ñōn kom.

Dut. 18. 15, 19. jap. 7. 37.

23 Im armij otemjej ro re jab eoroñ Dri Kanan eo, re naj joko jen armij rōn.

24 Aet, dri kanan otemjej jen Samuel, im ro elikin, ir otemjej r'ar konono, ein drein air kennan kin ran kein.

25 Kom ro nejin dri kanan ro, im dri jolit kalimur eo Anij e ar kōmōn iben ro jimami, im ba ñōn Ebream, Im ilo ineōm naj kamōnōnōik nukin otemjej i lōl.

jap. 2. 39. Rom 9. 4. & 15. 8. Jen 12. 3. & 22. 18. & 26. 4. & 28. 14. Gal. 3. 8.

26 Ñōn kom mokta, emwij an Anij kejerkakbiji Nejin, Jisōs, E ar jilkin E woj bwe En kamōnōnōik kom, kin An ukot kom otemjej jen jerawiwi ko ami.

Mat. 1. 21. & 10. 5. & 15. 24. Luk 24. 47. jap. 13. 22, 46.

JAPTER 4.

IM ke rej konono ñōn armij rōn, pris ro, im iroj in tempel, im Saddusi ro, rej kālōk ioir,

Luk 22. 4. jap. 5. 24.

2 E iñtan burueir kin airro katakin armij, im kwalok kin Jisōs jerkakbiji jen ro remij.

Mat. 22. 23. Jerb. 23. 8.

3 Im rej jibwe ir, im likit ir iloan prisōn ñōn ran eo ilju; bwe ejota kiō.

4 A eloñ ian ro r'ar roñ nan, rej tōmak: im oran armij ro e nañin lailim tausan.

5 Im ke ilju, iroj ro air, im elder ro, im skraib ro,

6 Im Annas pris eo elap, im Keiapas, im Jon, im Alexander, im ir otemjej ro nukin pris eo elap, rej kweloklok ilo Jerusalem.

Luk 3. 2. Jon 18. 13.

7 Im ke emwij air kajutōk ir iolap, rej kajitōk, Ilo an wōn kajur, ak ilo etan wōn, kom ar kōmōn men in?

Eks. 2. 14. Mat. 21. 23. jap. 7. 27.

8 Inem Piter, eobrōk kin Jitōb Kwojarjar, e ba ñōn ir, Kom iroj æn armij rōn, im elder ro,

9 Elañe komij kajitōk ibem, iomin ran in, kin men eo emōn kim ar

kōmōne ñōn armij e kirro, ta eo lein ej mour kake;

10 Emōu komin otemjej jela, kab armij in Israel otemjej, bwe ilo etan Jisōs Kraist Dri Nazeret, Eo kom ar dreball E, Eo Anij e ar ke-jerkakbiji jen ro remij, aet ilo E armij in ej jutōk im mour iman mejemi.

jap. 2. 24.

11 Ein ejman eo, kom dri kal ar kejekron E, eo emwij kōmōn E jabōn im.

Sam 118. 22. Mat. 21. 42.

12 Im mour ilo ejelok bar juōn: bwe ejelok bar juōn āt iomin lōñ, im letok ñōn armij bwe jen mour ilo E.

Mat. 1. 21. 1 Tim. 2. 5.

13 Im ke rej lo an Piter im Jon beran, im ar kill bwe re dri jab kaktak im dri jab meletlet, re bwilōñ; im rej jela kajeir bwe re kar ber iben Jisōs.

Mat. 11. 25.

14 Im kin air lo armij eo r'ar kemour e, ej jutōk ibeirro, ejelok ibeir bwe ren konono nae men in.

jap. 3. 11.

15 Im ke emwij air jiroñ ir bwe ren ilok jen jar eo, rej bebe iben dron,

16 Im ba, Ta eo jen kōmōn ñōn armij rein? bwe emol r'ar kōmōn juōn kakōle elap, im ej alikar ñōn ir otemjej rej jokwe i Jerusalem: im jej ban karmijete,

Jon 11. 47.

17 A bwe en jab buñibuflok wōt ñōn armij, jen kanuij kaleññoñ ir, bwe ren jab bar konono ñōn jabrewōt armij ilo āt in.

18 Im rej kirtok ir, im jiroñ ir bwe ren jab konono ñōn jirik im jab katakin ilo etan Jisōs.

19 A Piter im Jon re uak im ba ñōn ir, Elañe ejime iman mejen Anij bwe kimin eoroñ kom elap jen Anij, komin ekajete.

jap. 5. 29.

20 Bwe kim jab maroñ in jab konono men ko kim ar loi im roñjaki.

jap. 1. 8. & 2. 32. & 22. 15.

21 Im ke emwij air bar kaleññoñ

ir, rej kōtlok ir, bwe re jab lo ekijkan air dreñlokwe ir, kin armij rōn; bwe armij otemjej rej wijtake Anij kin men eo r'ar kōmōne.

Mat. 21. 26. Luk 20. 6, 19. jap. 3. 7, 8. & 5. 26.

22 Bwe armij in ridtōn eñoul yiō im jima, eo ar kōmōn kakōle in ion im kemour e.

23 Im ke ar kōtlok ir rej ilok ñōn ro jerair, im kwalok men otemjej, pris ro relap im elder ro r'ar ba ñōn ir.

24 Im ke emwij air roñjaki, rej jimor koutiej ainikeir ñōn Anij, im ba, O Iroi, Kwe kw'ar kōmōnmōn lōñ, im lōl, im lometo, im men otemjej ilo ir:

2 Kin 19. 15.

25 Kwe kw'ar ba kin loñin jiman Devid, dri korijerōm, Etke dri ailiñ ko r'ar buroñ, im armij ro rej lōkōm men ko men in jekron?

Sam 2. 1.

26 Kiñ ro i lōl rej jutōk, im iroi ro rej kabata nae Iroi im Eo E ar kabit E.

27 Bwe emol, Herōd, im Pontjōs Pallat, im dri ailiñ ko, im armij in Israel r'ar kabata ilo jikin kwelok in nae Jisōs Dri Korijerōm ekwojarjar, Eo Kw'ar kabit E,

28 Bwe ren kōmōnmōn men eo jabrewōt Peōm im Am lemnok r'ar bebe mokta bwe ren walok.

jap. 2. 23. & 3. 18.

29 Im kiō, O Iroi, kwon lale air nan in kaleññoñ: im letok ñōn ro dri korijerōm, bwe kin elap beran ren kwalok Am in nan,

jap. 9. 27. & 13. 46. & 14. 3. & 19. 8. & 26. 26.

30 Ke Kwoj erlokwe peōm bwe en kemour; im bwe ren kōmōnmōn men in kakōle ko im men in bwilōñ ko ilo etan Jisōs, Dri Korijerōm ekwojarjar.

jap. 2. 43. & 3. 6. & 5. 12.

31 Im ke emwij air jar, jikin eo rej kweloklok ie e makōtkit; im ir otemjej robrōk kin Jitōb Kwojarjar, im kin air beran rej kwalok nan in Anij.

jap. 16. 26.

32 Im jar eo rej tōmak, burueir wōt juōn; im ejelok juōn iair e ba, mweiuk iben mweien wōt, bwe mweiuk ko mweieir otemjej.

Pl. 1. 27. 1 Pit. 3. 8. jap. 2. 44.

33 Im ro dri jilik kin elap kajur rej kwalok air kennan kin an IroiJ Jisqs jerkakbiji: im elap joij ioir otemjej.

jap. 1. 8, 22. & 2. 47.

34 Bwe ejelok iair e aikwij; bwe ro eor air wāto ak imweir rej wia-kaki, im bōktok wōnan men ko,

jap. 5. 2. & 6. 1.

35 Im likite na iturin neen ro dri jilik: im rej ajej ñōn kaju iair ein-wōt air aikwij.

jap. 5. 2.

36 Im Joses, eo dri jilik rej likit etan Barnebas, (ukotōn nan in Ne-jin kowe), Dri Livai armij in Sai-prōs,

37 Wāto eo an, e ar wiakake, im bōktok mōnni, im likite na iturin neen ro dri jilik.

JAPTER 5.

A JUŌN eman etan Anenaiōs, kab Sappaira lio belen, ej wiakake juōn wāto.

2 Im ej kijenek wōnan, im lio e bareinwōt jelakake, im ej bōktok mōtōn wōnan, im likite na iturin neen ro dri jilik.

jap. 4. 37.

3 A Piter ej ba, Anenaiōs, etke Setan ej kobrōk buruōm bwe kwon riōp ñōn Jitōb Kwojarjar, im kijenek wōnan wāto eo.

Bwin. 30. 2. Dut. 23. 21. Ekl. 5. 4. Luk 22. 3.

4 Ke ej ber e jab am wōt ke? im elikin wiakake e jab ilo am marōñ ke? etke kw'ar lemnok men in ilo buruōm? kw'ar jab riōp ñōn armij rōn, a ñōn Anij.

5 Im ke Anenaiōs ej roñ nan kein e buñ im mij. Im elap lelñōñ ej itok ion ro otemjej rej roñ men kein.

6 Im likao ro re jutōk, im kitimi, im bōklok, im kalibwin e.

Jon 19. 40.

156

7 Im auō ko jilu tokelik, lio ej itok, im e jaje men ko ar kōmōn-mōni.

8 Im Piter e uak e, Kwon ba ñōn iō, komro ar wiakake wāto eo kin men in wōt ke? Im ej ba, Aet, kin men in wōt.

9 Inem Piter ej ba ñōn e, Ekijkan, etke komro ar bebe iben dron bwe komin mone Jitōb ōn IroiJ? lo neen ro r'ar kalibwin leo beleōm, rej ber ilo kejem, im re naj bōklok yuk

Mat. 4. 7.

10 Inem emōkōj an buñ na iturin neen im mij; im likao rej dreloñ, im lo an mij, im rej bōklok, im kalibwin e na iben leo.

11 Im elap lelñōñ ej itok ion dri eklisia otemjej, im ion ro otemjej rej roñ men kein.

jap. 2. 43. & 19. 17.

12 Im kin peiu ro dri jilik elōñ kakōle im men in bwilōñ ar kōmōnmōni iben armij rōn; im ir otemjej rej jimor ilo portiko an Solomōn burueir wōt juōn.

jap. 2. 43. & 14. 3. & 19. 11. Rom 15. 19. Hib. 2. 4. 1 jap. 3. 11. & 4. 32.

13 A lan rojet ejelok juōn armij e beran bwe en koba na ibeir; a armij rōn rej nebar ir.

Jon 9. 22. jap. 2. 47. & 4. 21.

14 Im ro dri tōmak rej koba im orlok na iben IroiJ, elōñ man im kōra;

15 Inem rej bōklok ro dri nañinmij ilo ial ko, im likit ir na ion ken babu ko air im kinir, bwe anōñin Piter, ke ej kijon ir, en kalur jet iair.

Mat. 14. 36.

16 Im bar elōñ rej itok ñōn Jerusalem jen jikin kwelok ko iturin, im bōktok ro re nañinmij, im ro rej abnōñō kin jitōb r'ōtton; im rej kemour ir otemjej.

Mark 16. 17, 18. Jon 14. 12.

17 A pris eo elap e jutōk, im ro otemjej rej ber iben, (eo jaran Sad-dusi ro) im rej obrōk kin illu,

jap. 4. 1, 2, 6.

18 Im likit peir na ion ro dri jilik, im likit ir na ilon prisõn.

Luk 21. 12.

19 A enjel in Iroi j ilo boñ ej kebelok aur ko ilo prisõn, im añinlok ir, im ba,

jap. 12. 7. & 16. 23.

20 Komin ilok, im jutõk im konono ilon tempel ñõn armij rõn, nan otemjej an Mour in.

Jon 6. 68. & 17. 3. 1 Jon 5. 11.

21 Im ke rej roñ, rej dreloñ ilon tempel ke ejiboñ im katakin. A pris eo elap ej itok, im ro rej ber iben, im kokweloktok ro dri bebe, im elder ro nej in Israel, im jilkinlok ñõn prisõn in añintok ir.

jap. 4. 5, 6.

22 A ke dri kabwjrõk rej itok, re jab lo ir ilon prisõn, im re jeblak, im kennanek,

23 Im ba, Emol kim ar lo prisõn eo ekilik im bin, im dri lale prisõn rej jutõk iturin aur ko: a ke kim ar kebelok, kimij lo ejelok armij ilon.

24 Im ke iroi in tempel im pris ro relap rej roñ men kein, re berre e naj kijkan men in.

jap. 4. 1.

25 Inem juõn ej itok im kennanek ir, im ba, Lo, armij rõn kom ar likit ir ilon prisõn, rej jutõk ilo tempel, im katakin armij ro.

26 Inem iroi kab dri kabwjrõk rej ilok, im añintok ir im jab kamõkit ir; bwe rej mijõk armij, ñe r'ab kare ir.

Mat. 21. 26.

27 Im ke emwij air añintok ir, rej kajutõk ir iman mejen ro dri bebe; im pris eo elap ej kajitõk ibeir,

28 Im ba, Kim ar kanuij jiroñ kom bwe komin jab katakin ilo at in, im lo, kom ar kobrõk Jerusalem kin ami katak, im kõnan bõk-tok dran armij in iom.

jap. 4. 18. jap. 2. 23, 36. & 3. 15. & 7. 52. Mat. 23. 35. & 27. 25.

29 Inem Piter in ro jet dri jilik rej uak im ba, Emõn jen bokake Anij elap jen armij.

jap. 4. 19.

30 Anij an ro jimar E ar kejerkak-biji Jisõs, eo kom ar mõne im to-toik e ilo wijki.

jap. 3. 13. & 22. 14. jap. 10. 39. & 13. 29. Gal. 3. 13. 1 Pit. 2. 24.

31 Anij e ar koutlej E kin anbij-marõõn bwe en Iroi im Dri Lom-mor, bwe En lelok ukwelok ñõn Israel, im julok jerawiwi ko.

jap. 2. 33. Hib. 2. 10. & 12. 2. Mat. 1. 21. Luk 24. 47. jap. 3. 26.

32 Im kim dri kennan kin men kein; im bareinwõt Jitõb Kwojar-jar, eo Anij e ar lelok ñõn ro rej bokake E.

Jon 15. 26, 27.

33 Ke rej roñ men kein, bukwe burueir, im re kõnan mõn ir.

jap. 2. 37. & 7. 54. & 22. 3.

34 A juõn e jutõk ilo jar eo, e Parris etan Gameliel, dri kaki in kien, eo armij otemjej rej nebar e, im ej jiroñ bwe ren likit ro dri jilik Inabij jirik ien.

35 Im e ba ñõn ir, Kom armij in Israel, komin kejbãrok kom kin men eo komij iten kõmõn e ñõn armij rein.

36 Bwe mokta jen ran kein, Tudas e ar jutõk, im mõke ba e juõn; jet armij, e nañin abuki, rej mõke koba na iben; e ar joko, im ir otemjej ro r'ar lore r'ar jibliklok, im joko.

37 Elikin armij in, Judas dri Galili, e jutõk ilo ran ko, ran in jeje at ko, im ej kañõl jet armij ilokõn: bareinwõt e ar joko; im ir otemjej ro r'ar bokake, re jibliklok.

38 Im kiõ ij ba ñõn kom, Komin ilok jen armij rein, im ren berwõt: bwe elañe bebe in, ak jerbal in jen armij rõn, e naj joko.

Pro. 21. 30.

39 A elañe e jen Anij, kom jab maroñ in kokkure; ñe r'ab lo kom tõrinaek Anij.

Luk 21. 15. 1 Kor. 1. 25. jap. 23. 9.

40 Im rej lemnok einwõt e: im ke emwij air kirtok ro dri jilik, im dreñlok ir, rej jiroñ bwe ren jab konono ilo etan Jisõs, im rej kõtlok ir.

jap. 4. 18. Mat. 10. 17. & 23. 34. Mark 13. 9.

41 Im rej flok jen iman mejen ro dri bebe, im lõñliñ bwe emwij likit ir im tellokõn kin air iñtan kin Ät eo.

Mat. 5. 12. Pil. 1. 29. 1 Pit. 4. 13, 16.

42 Im ran otemjej iloan tempel, im ilo jikir e jab mwij air katakin im kwalok Jisõs bwe E dri Kraist.

Jap. 2. 46. & 4. 20, 29.

JAPTER 6.

IM ilo ran ko, ke orlok ro dri ka-lor, ro dri Grik rej lotan dri Hibru, bwe re jab lale kõra ro air ejoko beleir, ke rej ajej ilo ran otemjej.

Jap. 2. 41. & 4. 4. & 5. 14. 1 Jap. 4. 35. & 9. 29. & 11. 20.

2 Inem joñoul im ruo rej kirtok jaran dri kalor ñõn ir, im ba, E jab emõn bwe kimin likit nan in Anij, im jerbale tebel ko.

Eks. 18. 17.

3 Inem koin jelm im jätim, komin kabukot jiljilimjuõn armij, e alikar air emõn, im r'obrök kin Jitõb Kwojarjar in meletlet, ro kim naj likit ir ion jerbale in.

Dut. 1. 13. Jap. 16. 2. 1 Tim. 3. 7.

4 A kim naj möke ninkik ien otemjej ilo jar, im ilo kwalok nan.

Jap. 2. 42.

5 Im nan in ej kabuñburuen jar eo otemjej: im rej kälet Stipen, juõn armij e obrök kin tömak im Jitõb Kwojarjar, im Pilip, im Prokorõs, im Nikenor, im Taimon, im Parminas, im Nikolas eo e proselait jen Antlok.

Jap. 11. 24. & 8. 5, 26. & 21. 8. Rev. 2. 6, 15.

6 Rej likit ir iman ro dri jilik: im ke emwij air jar rej likit peir na ioir.

Jap. 1. 24. & 13. 3. 1 Tim. 4. 14. & 5. 22. 2 Tim. 1. 6.

7 Im nan in Anij elaplok; im oran dri kalor elap an orlok i Jerusalem; im elap jaran pris ro rej bõkake tömak eo.

Jap. 12. 24. & 19. 20. Jon 12. 42.

8 Im Stipen, eobrök kin joij im kajur, ej kõmõnmõn men in bwi-lõñ ko relap im kakõle ko iben armij rõn.

9 A jet ian imõn kwelok an ro dri Libertin, im dri Sairine, im dri Alexandria, im jet ian ro jen Saisia im Esia, rej jutõk im akwaile Stipen.

10 Im re ban jumae meletlet im Jitõb eo ej konono kake.

Luk 21. 15. Isa. 54. 17.

11 Inem rej kariõp armij ro rej ba, Kim ar roñ an konono nan ko nan in blaspm jumae Moses im jumae Anij.

1 Kin 21. 10, 13.

12 Im rej bliuktõki armij im elder ro, im skraib ro, im rej kälok ion im jibwe, im añintok e ñõn ro dri bebe,

13 Im rej kajutõk ro dri kennan riõp, rej ba, Armij in e jab mwij an konono nan ko renana jumae jikin kwojarjar in im kien:

14 Bwe kim ar roñ an ba, bwe Jisõs in dri Nazeret e naj kokkure jikin in, im e naj ukot mõnit ko Moses e ar letok ñõn kij.

Jap. 25. 8. Dan. 9. 26.

15 Im ir otemjej rej jljõt ijo, dri bebe, rej kalimjeke, im lo turin mejen, einwõt turin mejen enjel.

JAPTER 7.

IM pris eo elap e ba, Ein drein men kein ke?

2 Im e ba, Kom jeiõ im jätio, im ro jema, komin karoñjake: Anij e aibujuij e ar weaktok ñõn jimar Ebream, ke e ar ber i Mesopotemia, mokta jen an jokwe i Heran,

Jap. 22. 1.

3 Im ba ñõn e, Kwon flok jen eneo eneom im jen ro nukum, im ilok ñõn eneo I naj bakajen ñõn yuk.

Jen. 12. 1.

4 Inem ej itok jen eneo an dri Kaldia, im jokwe i Heran: im jen ijo, ke emij jemen, Ej añintok e ñõn enin, ijin komij jokwe kiõ.

Jen. 11. 31. & 12. 4, 5.

5 Im E jab lelok mõtõn enin ñõn e, jab ridtõn jenkwõn neen; im Ej kalimur bwe En lelok enin ñõn e

bwe en enen inen elikin, ien eo ke ejelok nejin.

Jen. 12. 7. & 13. 15. & 15. 3. 18. & 17. 8.

6 Im Anij e ar konono ein drein, bwe inen e naj ber i enen drua; im re naj kamakokoik ir, im kaiñtan ir iomin äbuki yiö.

Jen. 15. 13. 14. Eks. 12. 40.

7 Im Anij e ba, I naj ekajet dri ailiñ eo re naj kamakokoik ir: im tokelik re naj itok, im jermal ññn Iö ilo enin.

Eks. 3. 12.

8 Im E ar lelok ññn e bujen in mijmij: im ein drein an Ebream keutak Aisak, im möjit e ilo ran ken ka dualitök; im Aisak e ar keutak Jeköb; im Jeköb e ar keutak joñoul im ruo petriark.

Jen. 17. 9-12. & 21. 2-4. & 25. 26. & 29. 31-35. & 30. 5-24. & 35. 18. 23-26.

9 Im ro jimar, kin air bane, r'ar wiakake Josep ññn Ijpt; a Anij ej ber iben,

Jen. 37. 4, 11, 28. Sam 105. 17. I Jen. 39. 2, 21, 23.

10 Im lomoren e jen iñtan otemjej an, im lelok ññn e joij im meletlet iman mejen Pero, kiñ in Ijpt; im ej likite bwe en iroj ion Ijpt, im ion aolepen mweo imöñ.

Jen. 41. 37. & 42. 6.

11 A iñtta ej itok ion aolepen Ijpt im Kenan, im elap iñtan: im ro jimar ejelok kijeir.

Jen. 41. 54.

12 A ke Jeköb ej roñ bwe eor korn i Ijpt, ej jilkinlok ro jimar mokta.

Jen. 42. 1.

13 Im ilo ien ken ka ruo, ar kwalok Josep ññn ro jein im jätin; im kwalok nukin Josep ññn Pero.

Jen. 45. 4, 16.

14 Im Josep ej jilkinlok, im bukotok Jeköb jemen, im nukin otemjej, jiljilimjuöññoul im lailim armij.

Jen. 45. 9, 27. & 48. 27. Dut. 10. 22.

15 Im Jeköb e ar wönlöllok ññn Ijpt, im emij, e kab ro jimar,

Jen. 46. 5. & 49. 33. Eks. 1. 6.

16 Im ar bökkok ir ññn Šikem, im likit ir ilolan lüp eo Ebream e ar wiaik e kin wönan silver jen lömaro ro nejin Hemor ilo Šikem.

Eks. 13. 19. Jos. 24. 32. Jen. 23. 16. & 33. 19.

17 A ke ebak ien kalimur eo Anij e ar lelok ññn Ebream, armij rej edrek im orlok na i Ijpt,

Jen. 15. 13. Eks. 1. 7. Sam 105. 24.

18 Ññn ien eo bar juöñ kiñ ej walo, eo e jaje Josep.

19 E in ej kömön mon ññn nuker, im kaiñtan ro jimar, bwe ren jolok niññiñ ro nejir, bwe ren jab mour.

Eks. 1. 22.

20 Ilo ien eo Moses e ar lotak, im e kanuij wölio, im ar kaninnin e iomin jilu aliñ ilolan imöñ jemen.

Eks. 2. 2. Hib. 11. 23.

21 Im ke r'ar jolok e, köra nejin Pero ej bök e, im kökajiriri e bwe en nejin.

Eks. 2. 3-10.

22 Im Moses e ar katak ilo meletlet otemjej an dri Ijpt, im e kajur ilo nan im ilo jermal ko.

Luk 24. 19.

23 Im ke e nañin ridtön eñoul yiö, ej lemnok ilo buruen bwe en ilen lale ro jein im jätin, ro nejin Israel.

Eks. 2. 11, 12.

24 Im ke ej lo juöñ iair e iñtan im ejelok ruöñ, ej jiböñ e, im ekwi kake eo ej iñtan, im möñ dri Ijpt.

25 Bwe ej lemnok ro jein im jätin re jela kijkan Anij ej kötlök ir kin pein; a re jab jela.

26 Im ran eo ilju ej möke kwalok e ññn ir ke rej iri, im ej könan kainemön ir, im ba, Armij, kom jimjän jimjätin; etke komij kömön nana ññn dron?

Eks. 2. 13.

27 A eo ej kömön nana ññn dri turin, ej jibellok e, im ba, Wön e ar kairoj yuk im likit yuk iroj in ekajet iom?

Luk 12. 14.

28 Kwo könan möñ iö, einwöt kw'ar möñ dri Ijpt inne ke?

29 Im Moses ej ko kin nan in, im e drua maijet i ene Midian, ijo e ar keutak ruo nejin man.

Eks. 2. 15, 22. & 4. 20. & 18. 3, 4.

30 Im ke ejejit eñoul yiö, juöñ enjel e ar weaktok ññn e ilo ene jemaren an tol Sainai ilo urur in kijeek ilo jul.

Eks. 3. 2-7.

31 Im ke Moses ej lo e, e bwilōñ kake: im ke ej kebake bwe en aluij, ainiken Iroi ej Itok,

32 Ña Anij an ro jimam, Anij an Ebream, im Anij an Aisak, im Anij an Jekōb. Inem Moses e wuririr, im e jab beran in kalimjeke.

33 Inem Iroi e ba ñōn e, Kwon wutik am juj jen neōm, bwe ijene kwoj jutōk ie e kwojarjar.

Jos. 5. 15.

34 Emol I ar lo iñtan an ro druō ro rej ber i Ijipt, im I ar roñ air ñijlok, im emwij Aō wōnlōltak bwe In kōtlok ir. Im kiō kwon itok, I naj jilkinlok yuk ñōn Ijipt.

35 Moses in eo r'ar joloke im ba, Wōn e ar kairoi yuk im likit yuk iroi in ekajet? E in Anij e ar jilkinlok bwe en iroi im dri lomor, kin pein enjel eo e ar weaktok ñōn e ilo jul.

Bwin. 20. 16.

36 Lein ej añintok ir ke emwij an kōmōnmōn men in bwilōñ ko im kakōle ko i ene Ijipt, im ilo lomalo Ekilmir, im ilo ene jemaren iomin eñoul yiō.

Eks. 7. & 8. & 9. & 10. & 11. & 14. & 12. 41. & 33. 1. Sam 105. 27. I Eks. 14. 21. 27. Eks. 16. 1. 35.

37 Moses in, eo e ar ba ñōn ro nejin Israel, Juōn Dri Kanan einwōt ña, Anij e naj kwalok ñōn kom jen ro jeimi in jātimi.

Dut. 18. 15. jap. 3. 22.

38 Le in eo ej ber ilo eklisia ilo ene jemaren iben enjel eo ej konono ñōn e ilo tol Sainai, im iben ro jimar: ej bōk nan in mour ko bwe en letok ñōn kij.

Eks. 19. 3. 17. Isa. 63. 9. Jon 1. 17. Rom 3. 2.

39 Ñōn eo ro jimar re jab kōnan kible, a rej jolok e jen ir, im ilo burueir rej bar jeblak ñōn Ijipt, 40 Im ba ñōn Aron, Kwon kōmōnmōn anij ko ñōn kim bwe ren ilok imamlok: bwe Moses in eo ej añintok kim jen ene Ijipt, kim jaje ijo ej ber ie.

Eks. 32. 1.

41 Im rej kōmōn kon in kau ilo ran ko, im bōktok men in jurtak

ñōn ekjōp eo, im lōñliñ ilo jermal ko an peir wōt.

Sam 106. 19.

42 A Anij ej oktōk im ketōk ir bwe ren jermal ñōn men ko ror i lōñ; einwōt emwij jeje ilo buk an dri kanan ro, O kom ro nukin Israel, kom ar katok kin kiru ko remij im men in jurtak ko ñōn Iō iomin eñoul yiō ilo ene jemaren ke? Sam 81. 12. Ezek. 20. 39. Dut. 4. 19. Jer. 19. 13. I Amos 5. 25-27.

43 Im kom ar kwōtōke imōn kabernan Molok, im iju an anij Ripan, ekjōp ko kom ar kōmōni bwe kommin kabuñ ñōn ir: im I naj añinlok kom etolok jen Babulōn.

44 Imōn kennan ilo ene jemaren e ar ber iben ro jimar, einwōt E ar likite, Eo ej konono ñōn Moses, bwe en kalek e einwōt ken kajeon eo e ar loe.

Eks. 25. 40.

45 Men eo ro jimar elikir rej bōk im bōktok iben Jošua ke rej dreloñ ilolan ene ko an dri ailiñ ko, ro Anij e ar ubaklok ir iman mejen ro jimar, ñōn ran ko ran in Devid;

Jos. 3. 14. Sam 44. 2. jap. 13. 19.

46 Eo ej lojoij iman mejen Anij, im kajitōk bwe en lo juōn mwēo imōn Anij an Jekōb.

2 Samuel 7. 1. jap. 13. 22. 1 Kin 8. 17. 1 Kron. 22. 7.

47 A Solomōn e ar kalek im ñōn E.

1 Kin 8. 20. 1 Kron. 17. 12. 2 Kron. 3. 1.

48 A Eo eutiejtata E jab jokwe ilolan mo ko pā ko rej kalek; einwōt dri kanan ej ba,

1 Kin 8. 27. 2 Kron. 2. 6. & 6. 18. jap. 17. 24.

49 Lōñ Aō tron, im lōl eran nelō. Ie wāwen im kom naj kalek ñōn Iō? Iroi ej ba; ak ewi jikin Aō kakije?

Isa. 66. 1, 2.

50 Peiō e ar jab kōmōnmōn men kein otemjej ke?

51 Komeo ekijñeñi kenwami im jab mōjiti buruemi im lojiliñimi, ien otemjej komij jumae Jitōb Kwojarjar; einwōt jememi r'ar kōmōn, ein drein kom.

Eks. 32. 9. Isa. 48. 4. Levai 28. 41. Dut. 10. 16. Jer. 4. 4. Ezek. 44. 9.

52 Wōn ian ro dri kanan ro jeme-mi r'ar jab matōrtōre? im r'ar mōn ro r'ar kwalok mokta kin an itok Eo ewānik; Eo komij dri ketōk E im dri urōt E:

2 Kron. 36. 16. Mat. 21. 35. jap. 3. 14.

53 Komeo kom ar bōk kien eo ein-wōt enjel r'ar likit e, im kom ar jab kejbārok e.

Gal. 3. 19. Hib. 2. 2.

54 Ke rej roñ men kein, bukwe bu-rueir, im rej kijdreken ñiir ñōn e.

jap. 5. 33.

55 A Ej obrōk kin Jitōb Kwojar-jar, im ej kalimjeke lōñ, im lo aibu-juij an Anij, im Jisōs ej jutōk i an-bijmarōñōn Anij,

jap. 6. 5.

56 Im e ba, Lo, ij lo lōñ ebellok, im Nejin armij ej jutōk i anbijma-roñōn Anij.

Ezek. 1. 1. jap. 10. 11. Dan. 7. 13.

57 A rej lamij im elap ainikeir, im rej binej lojiliñiir, im jimor kālok ion,

58 Im jolok e jen jikin kwelok, im kare: im ro dri kennan rej likit nuknuk ko air na i neen juōn likao, etan Saul.

Levai 24. 16. Dut. 13. 9, 10, & 17. 7. Luk 4. 29.

jap. 8. 1. & 22. 20.

59 Im rej kare Stipen, ke ej jar, im ba, O Iroi Jisōs, kwon bōk aō.

jap. 9. 14. Sam 31. 5.

60 Im ej bukwelōlōl, im lamij im elap ainiken, O Iroi kwon jab na-rueir ilo jerawiwi in. Im ke emwij an ba nan in, ej kiki.

jap. 9. 40. & 20. 36. & 21. 5. Mat. 5. 44.

JAPTER 8.

IM Saul ej bōk ñōn burueir kin an mij. Im ilo ien eo ej walok elap matōrtōr ñōn eklisia eo i Jeru-salem; im ir otemjej rej jibliklok ilo ene ko i Judia im Sameria, ro dri jilik wōt rej ber.

jap. 7. 58. & 22. 29. & 11. 19.

2 Armij emōn mwilir rej kalibwin Stipen, im elap air liājlol kin e.

Jen. 23. 2. & 50. 10. 2 Samuel 3. 31.

3 A Saul ej kokkure eklisia, ej dreloñ iloa im otemjej, im ej ke-

[Marshall Islands.] 6T

kake man im kōra im likit ir na iloa prisōu.

jap. 9. 1, 13, 21. & 22. 4. & 26. 10, 11. 1 Kor. 15. 9. Pil. 3. 6. 1 Tim. 1. 13.

4 Inem ro r'ar jibliklok, rej etetal im kwalok nan.

Mat. 10. 23. jap. 11. 19.

5 Im Pilip ej wōlōllok ñōn jikin kwelok eo Sameria, im kwalok nan ñōn ir.

jap. 6. 5.

6 Im jar ko rej jimor eoroñ men ko Pilip ej konono kaki, ke rej roñ-jaki im lo kakōle ko ej kōmōnmōni.

7 Bwe jitōb ōtton, ke rej lamij im elap ainikeir, rej jutōklok jen elōñ ro re kar miok na enbwiniir: im ar kemour elōñ ro r'akā, im kirro ro.

Mark 16. 17.

8 Im elap lōñliñ ilo jikin kwelok eo.

9 A juōn eman, etan Saimōn, eo mokta ilo jikin kwelok eo, ej marmir, im kabwilōñ ro dri Sameria, im mōke ba e juōn Elap.

jap. 13. 6. & 5. 36.

10 Eo ir otemjej jen riktata ñōn laptata rej eoroñ e, im ba, Lein kajur eo an Anij im naetan Elap.

11 Im rej eoroñ e, bwe eto an kabwilōñ ir kin marmir ko an.

12 A ien eo rej tōmak Pilip ke ej kwalok nan emōn kin ailiñ in Anij, im etan Jisōs Kraist, rej baptais, man im kōra.

jap. 1. 3.

13 Inem bareinwōt Saimōn ej tōmak: im ke ej baptais, ej mok Pilip, im bwilōñ ke ej lo kakōle ko im kajur ko relap ej kōmōnmōni.

14 Im ke ro dri jilik rej ber i Jeru-salem rej roñ bwe Sameria e ar bōk nan in Anij, rej jilkinlok Piter im Jon ñōn ir.

15 Ke rejro wōnlōllok, rej jar kin ir, bwe ren bōk Jitōb Kwojarjar:

jap. 2. 38.

16 Bwe E jañin buñ loir: rej baptais wōt ilo etan Iroi Jisōs.

Mat. 28. 19.

17 Inem rejro likit peir loir, im rej bōk Jitōb Kwojarjar.

jap. 6. 6. & 19. 6. Hib. 6. 2.

18 Im ke Saimōn ej lo bwe kin an dri jilik likit peir, ar' lelok Jitōb Kwojarjar, ej kōnan lelok mōnni nōn ir,

19 Im ba, Bareinwōt komin letok kajur in nōn iō, bwe jabrewōt eo ij likit peļō ion en bōk Jitōb Kwojarjar.

20 A Piter e ba nōn e, En joko am silver im kwe, bwe kw'ar lemnok in wiak meninaurōk an Anij letok, kin mōnni.

Mat. 10. 8. Jap. 2. 38.

21 Ejelok am mōtōn ak jolit ilo nan in; bwe buruōm e jab jime iman mejen Anij.

22 Inem kwon ukwelok ibōm kin nana in am, im akwelap nōn Anij elafie bwelen En jolok lemnok in buruōm.

Dan. 4. 27. 2 Tim. 2. 25.

23 Bwe ij lo kwoj ber ilo at emeo, im ilo kworōk enana.

Hib. 12. 15.

24 Im Saimōn e uak, im ba, Komin jar nōn Iroi kin iō bwe ejelok ian men kein komij konono kaki en itok iō.

Eks. 2. 8. Jem. 5. 16.

25 Im ke enwij airro kennan im kwalok nan in Iroi, rej jeblak nōn Jerusalem, im kwalok nan emōn ilo elōñ jikin kwelok redrik an dri Sameria.

26 Im enjel in Iroi ej konono nōn Pilip, im ba, Kwon jutōk im ilok nōn rōk, nōn ial eo ej wōnlōl jen Jerusalem nōn Geza, eo ene jemen.

27 Im ej jutōk im ilok: im lo, juōn armij in Itiopia, e eunōk im eutie iben Kandase, liroi in Itiopia, eo ej lale mwelen otemjej, im e kar itok nōn Jerusalem bwe en kabuñ,

Zep. 3. 10. Jon 12. 20.

28 Ej jeblak, im jijōt iloan jariōt eo an im konono ilo buk in dri kanan Aisaia.

29 Inem Jitōb ej ba nōn Pilip, Kwon kebak im ber iben jariōt en.

30 Im Pilip ej tōr nōn e, im roñ-

162

jake an konono ilo dri kanan Aisaia, im ej ba, Kwoj melele ke men eo kwoj konono kake?

31 Im e ba, Ekijkan aō maroñ, elafie ejelok en ej tel iō? Im ej akwelap nōn Pilip bwe en uwe im jijōt iben.

32 Mōtōn jeje eo ilo Balbel ej konono kake, eñin. Ar tellok E einwōt šip nōn mij; im einwōt kon in šip iman dri mijbar ej ikōñ, ein drein E jab walōñi loñin:

Isa. 53. 7, 8.

33 Ilo An etā ar jolok An ekajet; im wōn e naj kwalok An ebeben? bwe ar jolok An mour jen lōl.

34 Im eunōk ej uak Pilip im ba, Ij kajitōk ibōm, kin wōn an dri kanan konono men in? kin e mōke ak kin bar juōn armij ke?

35 Inem Pilip ej walōñi loñin, im jino jen jeje in, im kwalok Jisōs nōn e.

Luk 24. 27. Jap. 18. 28.

36 Im ke rej ilok ilo ial eo lok, rej itok nōn juōn dren: im eunōk e ba, Lo dren e; ta ej bōprae iō bwe in jab baptais?

Jap. 10. 47.

38 Im e jiroñ bwe jariōt en bwi-jrōk. Im rejro wōnlōl nōn loan dren, Pilip im eunōk eo; im ej baptais.

39 Im ke rejro ato jen dren, Jitōb ōn Iroi ej bōklok Pilip, im eunōk eo e jamin bar lo e; im ej lōñliñ im ilok ilo ial eo an.

1 Kin 18. 12. 2 Kin 2. 16. Ezek. 3. 12, 14.

40 Im ar lo Pilip i Azotōs: ke ej driblok ej kwalok Gospel ilo jikin kwelok otemjej, nōn ien ej itok nōn Sесeria.

JAPTER 9.

A SAUL, ke ej buñañōn kalel-ñōñ im uror nōn ro dri kalan Iroi, ej ilok nōn pris eo elap,

Jap. 8. 8. Gal. 1. 18.

2 Im kajitōk letter ko nōn imōn kwelok ko i Damaskōs, bwe elafie ej lo jabrewōt ro air ial in, man ak

kōra, en liabe ir im bōktok ir nōn Jerusalem.

jap. 19. 9. 23.

3 Im ke ej ilok ielok, ej kebak Damaskōs: im emōkōj an juōn maram jen lōñ romak iturin.

jap. 22. 6-11. & 23. 12-18. 1 Kor. 15. 8.

4 Im ej buñ ion brij, im roñ juōn ainiken ej ba nōn e, Saul, Saul, etke kwoj matōrtōr Iō?

5 Im e ba, Iroi, wōn Kwe? Im Iroi e ba, Ŋa Jisōs, eo kwoj matōrtōre:

6 A kwon jerkak im dreloñlok ilo jikin kwelok en, im naj kennanek yuk men eo kwon kōmōnmōne.

Luk 3. 10.

7 Im armij ro rej ilok ibenlok rej jutōk im ikōñ; rej roñ ainiken, a re jab lo armij.

Dan. 10. 7.

8 Im Saul ej jerkak jen brij; im ke ebellok mejen, e jab lo jabrewōt; im rej tel e kin pein, im añinlok e nōn Damaskōs.

9 Im ej ber iomin jilu ran im jab lolokjen, im ej jab mōña ak irak.

10 Im juōn dri kalor ej ber i Damaskōs, etan Anenaiōs; im Iroi e ba nōn e ilo viōn, Anenaiōs. Im e ba, Lo, Iroi, ña e.

jap. 22. 12.

11 Im Iroi e ba nōn e, Kwon jutōk, im ilok ilo ial eo etan Jime, im kajitōk iloan imōn Judas kin juōn en etan Saul, dri Tarsōs, bwe lo ej jar,

jap. 21. 39. & 22. 3.

12 Im e ar lo ilo viōn juōn armij etan Anenaiōs ej dreloñ, im likit pein ion, bwe en lolokjen.

13 A Anenaiōs e uak, Iroi, I ar roñ jen elōñ kin armij in, ie lap en nana e ar kōmōne nōn ro Am remōn i Jerusalem.

14 Im ijin eor nan iben jen pris ro relap bwe en liabe ir otemjej rej jar ilo Etōm.

jap. 7. 59. & 22. 18. 1 Kor. 1. 2. 2 Tim. 2. 22.

15 A Iroi e ba nōn e, Kwon ilok: bwe e juōn Aō jābi eo Ij kālet e, bwe en bōklok eta iman mejen dri

ailiñ ko, im kifi ro, im ro nejn Israel:

jap. 13. 2. & 22. 21. & 23. 17. 1 Kor. 15. 10. Gal. 1. 15. Ep. 3. 7. 1 Tim. 2. 7. 2 Tim. 1. 11. Rom. 1. 1, 5. & 11. 13. jap. 25. 22, 23. & 26. 1.

16 Bwe I naj kwalok nōn e men ko relōñ e naj iñtan kaki kin eta.

jap. 20. 23. & 21. 11. 2 Kor. 11. 23.

17 Im Anenaiōs ej ilok, im dreloñ iloan mweo; im ej likit pein ion im ba, Jātiō Saul, Iroi, Jisōs eo E ar weaktok nōn yuk ilo ial eo ke kw'ar itok, Ej jilkinwōj iō, bwe kwon bar lolokjen, im obrōk kin Jitōb Kwojarjar.

jap. 22. 13. 1 jap. 2. 4.

18 Im kiōkiō re buñ jen mejen einwōt kilin iik, im ej lolokjen; im ej jutōk im baptais.

19 Im ke emwij an mōña, ej kajurlok. Im iomin jet ran ej ber iben ro dri kalor rej ber i Damas-kōs.

jap. 26. 20.

20 Im emōkōj an kwalok Jisōs iloan imōn kwelok ko, bwe E Nejin Anij.

21 A ir otemjej rej roñjake re bwi-lōñ, im re ba, E in e jab eo e ar kokkure ro r'ar jar ilo āt in i Jerusalem ke? im ein drein an itok nōn enin bwe en liabe im bōklok ir nōn pris ro relap.

jap. 8. 3. Gal. 1. 13, 23.

22 A Saul elap an kajurlok, im e lajur an in nan nōn dri Ju ro rej jokwe i Damaskōs, im kamol bwe E in dri Kraist.

jap. 18. 23.

23 Im ke elōñ ran remotelok, dri Ju ro rej bebe iben dron bwe ren mōn e.

jap. 23. 12. & 25. 3. 2 Kor. 11. 26.

24 A Saul e jela kajen air bebe. Im rej kebak ilo kejem ko ran im boñ bwe ren mōn e.

2 Kor. 11. 32.

25 A dri kalor ej añintok e ilo boñ, im rej drorlōllok e ilikin worwor ilo kilōk.

Jos. 2. 15. 1 Samuel 19. 12.

26 Im ke emwij an itok nōn Jerusalem, ej kajeoñ bwe en mōke koba

iben ro dri kalor: im ir otemjej rej mijök e, im jab tömak bwe e juön dri kalor.

jap. 22. 17. Gal. 1. 17, 18.

27 A Barnebas ej böök e, im aňin-tök e ñön ro dri jilik, im bwebwe-nato ñön ir kijkan an lo Iroi j ilo ial eo, im kijkan e beran in kwalok i Damaskös ilo etan Jisös.

jap. 4. 36.

28 Im ej ber ibeir im itoitök i Jerusalem.

Gal. 1. 18.

29 Im ej beran im konono ilo etan Iroi j, im aitueroke ro dri Grik: a rej kabukot bwe ren mön e.

jap. 6. 1. & 11. 20.

30 A ke jimjān jimjāten re jela, rej aňinlöllok e ñön Seseria, im jil-kinlok e ñön Tarsös.

31 Inem eklisia eo ilo aolepen Juda im Galili im Sameria ej aine-mön, im edreklok; im ej etetal ilo mijök Iroi j im ilo ainemön jen Jitöb Kwojarjar, im ej orlok.

jap. 8. 1.

32 Im ke Piter ej etal ilo ene ko otemjej, ej wönlöl ñön iben ro remön rej jokwe i Lidda.

jap. 8. 14.

33 Im ijo ej lo juön armij etan Inias, eo e kar babu ion kinien iomin dualitök yiö, im e naňinmij kin akā.

34 Im Piter ej ba ñön e, Inias, Jisös Kraist ej kemour yuk: kwon jerkak im erök kiniöm. Im emököj an jerkak.

jap. 3. 6, 16. & 4. 10.

35 Im ir otemjej rej jokwe i Lidda im Šaron rej lo e, im rej oktök ñön Iroi j.

1 Kron. 5. 16. jap. 11. 21.

36 A juön dri kalor ej ber i Joppa etan Tabita, r'ar ukot nan in im naetan Dorkas; köra in eobrök kin jermal ko remön im mweien tiriamo ko ej kömöni.

1 Tim. 2. 10. Tait. 3. 8.

37 Im ilo ran ko, e naňinmij im mij. Ke emwij air katutu e, rej likit e na ilo bo.

jap. 1. 13.

164

38 Bwe Lidda ebake Joppa, im dri kalor r'ar roñ bwe Piter ej ber ijo, rej jilkinlok ruo armij ñön e, im akwelap ñön e bwe en jabrumijtok ñön ir.

39 Inem Piter ej jutök im ilok ibeirlok. Ke e mottok, rej aňinliñlok e ñön bo eo: im köra ro otemjej ejoko beleir rej jutök iben im jöñ, im kwalok nuknuk ko im kobe ko Dorkas e ar kömöni ke e kar ber ibeir.

40 A Piter ej kadrioi jlok ir otemjej, im bukwelölö, im jar; im ej oktök ñön ubön im ba, Tabita, kwon jerkak. Im ebellok mejen; im ke ej lo Piter, ej jerkak.

Mat. 9. 25. Mark 5. 41, 42. jap. 7. 60.

41 Im ej lelok pein ñön e, im kajutök e; im ke emwij an kirtok ro remön, im köra ro ejoko beleir, ej kwalok e im ejmour.

42 Im re jela ilo aolepen Joppa: im elöñ rej tömak Iroi j.

Jon 11. 45. & 12. 11.

43 Im iomin elöñ ran ej berwöt ilo Joppa iben juön Saimön dri tanner.

jap. 10. 6.

JAPTER 10.

JUÖN eman i Seseria etan Korniliös, senturiön an jar eo etan jar in Itelia.

2 Emön mwillin, im e mijök Anij, kab ro nukin otemjej, im ej lelok elöñ mweien tiriamo ñön armij ro, im jar ñön Anij ien otemjej.

jap. 22. 12.

3 Ej lo ilo višön alikar, e naňin jilu auö ilo ran, juön enjel in Iroi j ej dreloñ ñön iben, im e ba ñön e, Korniliös.

jap. 11. 13.

4 Im ke ej kalimjeke, ej lelñöñ, im ba, Ta eo Iroi j? Im e ba ñön e, Jar ko am, im mweien tiriamo ko am rej wöñliñlok men in keme-mej iman mejen Anij.

5 Im kiö kwon jilkinlok jet armij ñön Joppa, im bukkotok juön Saimön, ät eo juön Piter.

6 Ej ber iben juön Saimön dri tan-
ner, mweo imön ej ber iturin lojit.
jap. 9. 43. jap. 11. 14.

7 Im ke ej ilok enjel eo, e ar ko-
nono ñön Korniliös, ej kirtok ruo
dri korijeran, im juön dri törinae
emöu mwilin eo ian ro rej ber iben
ien otemjej;

8 Im ke emwij an kennanek ir
men kein otemjej, ej jilkinlok ir
ñön Joppa.

9 Ke ilju, ke rej ilok ilo ial eo air
lok, im kebak ñön jikin kwelok eo,
Piter ej wönlilok ion mweo bwe
en jar ilo jofoul im ruo auö:

jap. 11. 5-14.

10 Im elap an kwuli, im e kñan
mōña; a ke rej kapojök, ej buñ
iloan trans.

11 Im ej lo löñ ebellok, im juön
jābi ej wönlöltak, einwöt juön koj
elap, ar dror e kin emen jabön ion
löi:

jap. 7. 56.

12 Rej ber iloan kiru ko emen ue
im men ko retobölböl i löi im bao
ko i mejatoto wāweir wāwen otem-
jej.

13 Im juön ainiken ej itok ñön e,
Piter, kwon jerkak, mōni im mōña.

14 A Piter e ba, Iroj, en jab ein
drein, bwe I ar jab mōña men eo
emo im jab erreö.

Leval 11. 2-47. & 20. 25. Dut. 14. 4-20. Ezek.
4. 14.

15 Im ainiken ej bar konono ñön
e ken ka ruo, Men eo Anij e ar kar-
reoik e, kwon jab kōmön e emo.

Mat. 15. 11. Rom 14. 14, 17, 20. 1 Kor. 10. 25.
1 Tim. 4. 4. Taít. 1. 15.

16 Men in ar kōmönmöne alen
jilu: im bar bökliñlok jābi eo ñön
löñ.

17 Im ke Piter ej möke berre ta
meleen višön eo e ar loe, lo, armij
ro ar jilkinlok ir jen Korniliös, re
kar kajitök ewi imön Saimön, im
rej jutök iturin aur eo,

18 Im kir, im kajitök elañe Sai-
mön, ät eo juön Piter ej ber i
mwin ke?

19 Ke Piter ej lemnok kin višön

eo, Jitöb e ba ñön e, Lo, jilu armij
rej kabukot yuk.

20 A kwon jerkak, im wönlöl, im
ilok ibeir lok, im jab berre, bwe I
ar jilkinwoj ir.

jap. 15. 7-9.

21 Inem Piter ej wönlöl ñön armij
ro, ar jilkinlok ir ñön e jen Korniliös;
im ba, Lo, ña e eo komij bu-
kot e, komij iten it?

22 Im re ba, Korniliös senturiön,
armij emöu mwilin, im e juön ej
mijök Anij, im dri ailiñ in Ju ro
otemjej re ba e emön; Anij e ar
kowe kin enjel ekwojarjar, bwe
en jilkinwoj bwe kwon itok ñön
mweo imön, bwe en roñ nan ko
jen yuk.

23 Inem ej kadreloñ ir, im lale ir.
Im ke ilju ej jutök im ilok ibeir
lok, im jet jimjān jimjāten jen
Joppa rej etal iben.

24 Im ran eo tokelik rej dreloñ
iloan Seteria. Im Korniliös ej kō-
tar ir, im e kar kirtok ro nukin im
ro jeran.

25 Im ke Piter ej dreloñ, Korniliös
ej wōnmae, im e buñ na iturin
neen, im kabuñ.

26 A Piter ej kejerkak e, im ba,
Kwon jutök; ña bāreinwöt juön
armij.

jap. 14. 15. Rev. 19. 10. & 22. 9.

27 Im ke ej konono iben, ej dre-
loñ, im lo elöñ ro r'ar kweloklok.

28 Im ej ba ñön ir, Kom jela emo
an dri Ju kōmao ak itok ñön iben
dri bar juön ailiñ; a Anij e ar ka-
takin iö bwe in jab likit jabrewöt
armij emo ak jab erreö.

Jon 4. 9. & 18. 28. jap. 11. 3. Gal. 2. 12, 14.

29 Kin men in ij mōkōjtök, ke
kw'ar jilkitök bwe in iwij. Inem
ij kajitök, etke kom ar jilkitök
ñön iö?

30 Im Korniliös e ba, Ilo ran eo
ken k'emen mokta I ar jitlok ñön
auö in; im ke jilu auö I ar jar iloan
mwin imö, im lo, juön armij e ju-
tök iman meja, emouj nuknuk ko
an,

jap. 1. 10. Mat. 28. 3.

31 Im ba, Korniliös, emwij roñ-jake jar eo am, im mweien tiriamo ko am re men in kememey iman mejen Anij.

32 Inem kwon jilikilok ñõn Jop-pa, im kirtok Saimõn, at eo juõn Piter: ej ber iloan imõn juõn Saimõn dri tanner ituriu lojit.

33 Inem emõkõj aõ jilikwoj ñõn yuk: im emõn am kõmõnmõn bwe kw'ar itok. Inem kiõ kim otemjej ber ijin iman mejen Anij, bwe kimin roñ men otemjej Anij e ar jiroñ yuk kaki.

34 Inem Piter ej walõñi loñin, im ba, Emol, ij killi bwe Anij e jab lemnok kin okõtõn armij:

Dut. 10. 17. 2 Kron. 19. 7. Job 34. 19.

35 A ilo ailifñ otemjej eo ej mijõk E, im jerbale kwojarjar, ej kabuñ-buruen.

Jap. 15. 9. Rom 2. 13. 27. & 3. 22. 29. & 10. 12. 13. 1 Kor. 12. 13. Gal. 3. 23. Ep. 2. 13. 18. & 3. 6.

36 Nan eo E ar jilkinlok ñõn ro nejn Israel, im kwalok gospel eo kin Jisõs Kraist: (E Iroijs ion otemjej:)

Kol. 1. 20. Mat. 28. 18. Rom 10. 12. Rev. 17. 14. & 19. 16.

37 Komij jela nan eo ar kwalok e i aolepen Judia, im jino jen Galili, elkin baptais eo Jon e ar kwalok e,

Luk 4. 14.

38 Ekijkan an Anij kabit Jisõs dri Nazeret kin Jitõb Kwojarjar im kin kajur; Eo ej etetal im kõmõnmõn emõn, im kemour r'otemjej devil e ar kebioup ir; bwe Anij iben.

Jap. 2. 22. & 4. 27. Jon 3. 2.

39 Im kim dri kennan kin men otemjej E ar kõmõni ilo ene an dri Ju ro, im iloan Jerusalem: Eo r'ar mõne im totoike ilo wiki:

Jap. 2. 32. & 5. 30.

40 Anij e ar kejerkakbiji E ilo ran eo ken ka jilu, im kwalok E alikar;

Jap. 2. 24.

41 Jab ñõn armij otemjej, a ñõn ro dri kennan Anij e ar kãlet ir mokta, aet, ñõn kim, kim ar mõña

im irak iben elikin An jerkakbiji jen ro remij.

Jon 14. 17. 22. Jap. 13. 31. Luk 24. 30. 43. Jon 21. 13.

42 Im E ar jiroñ kim bwe kimin kwalok ñõn armij rõn, im kennan bwe E in Eo Anij e ar likit E bwe En Dri Ekajet ro remour im ro remij.

Mat. 28. 19. 20. Jap. 1. 8. Jon 5. 22. 27. Jap. 17. 31. Rom 14. 9. 2 Tim. 4. 1. 1 Pit. 4. 5.

43 Ro dri kanan otemjej r'ar kennan kin E, bwe kin etan jabrewõt eo ej liki E, e naj bõk jurlok jera-wiwi ko an.

Isa. 53. 11. Jer. 31. 34. Dan. 9. 24. Mika 7. 18. Jap. 26. 22. 1 Jap. 15. 9. & 26. 18. Rom 10. 11. Gal. 3. 22.

44 Ke Piter ej konono nan kein, Jitõb Kwojarjar Ej buñ ioir otemjej rej roñjake nan.

Jap. 11. 15.

45 Im ro dri mijmij ro rej tõmak re bwilõñ, ir otemjej rej itok iben Piter tok, bwe bareinwõt emwij lutõk meninaurõk an Jitõb Kwojarjar ion dri ailifñ ko.

Jap. 11. 18.

46 Bwe rej roñ air konono kin lo ko, im wijtake Anij. Im Piter ej uak,

47 Ewi armij ej maroñ in bõprae dren, bwe rein ren baptais, ro r'ar bõk Jitõb Kwojarjar elnwõt kim?

Jap. 11. 17. & 15. 8. 9. Rom 10. 12.

48 Im ej jiroñ bwe ren baptais ir ilo etan Iroijs. Inem rej akwelap ñõn e bwe en berwõt iomin jet ran.

1 Kor. 1. 17. Jap. 2. 38. & 8. 16.

JAPTER 11.

IM ro dri jilik im jimjãn jimjãten i Judia, rej roñ bwe dri ailifñ ko r'ar bareinwõt bõk nan in Anij.

2 Im ke emwij an Piter wõnliñlok ñõn Jerusalem, jet ian dri mijmij rej akwail e,

Jap. 10. 45. Gal. 2. 12.

3 Im ba, Kw'ar dreloñ ñõn iben armij ro re jab mijmij, im mõña ibeir.

Jap. 10. 28.

4 A Piter ej kwalok men in, im

kemeleleik e jimewöt ñön ir jen jinoin, im ba,

Luk 1. 3.

5 I ar ber i jikin kwelok Joppa im jar; im ilo trans I ar lo juön višön, juön jäbi ej wönlöltak einwöt juön koj elap, drorlöi e jen löñ kin emen jabön; im ej itok ñön iö:

jap. 10. 9-32.

6 Im ke I ar kalimjeke, ij kalomönlokjen, im lo kiru ko in löi emen ne, im kiru ko r'awia, im men ko retobölböl, im bao ko i mejatoto.

7 Im I ar bareinwöt roñ ainiken e ba ñön iö, Piter, kwon jerkak; möni im köñi.

8 A I ar ba, Iroi, en jab ein drein: bwe ejelok men eo emo ak jab erreo e ar dreloñ iloan löñiö jabrewöt ien.

9 A ainiken ej bar uak iö jen löñ, Men eo Anij e ar karreo, kwon jab kömöne emo.

10 Im men in ar kömöne alen jilu: im ir otemjej bar töpi ñön löñ.

11 Im lo, emököj an jilu armij jutök iturin mweo I ar ber ie, ar jilik-tok ir jen Seseria ñön iö.

12 Im Jitöb ej jiroñ iö bwe in ilok ibeir lok, im jab lemnok kin elikin armij. Im bareinwöt rein jiljino jeiö im jätiö r'ar etal iba, im kim ar dreloñ iloan imön armij eo.

jap. 10. 23.

13 Im e ar kwalok ñön kim kijkan an lo juön enjel iloan mweo imön, eo e jutök im ba ñön e, Kwon jilkinlok jet armij ñön Joppa, im kirtok Salmön, ät eo juön Piter;

14 E naj kennanek yuk nan ko naj lomoröm im ro nukum otemjej kin ir.

15 Im ke I ar jino in konono, Jitöb Kwojarjar ej buñ ioir, einwöt ioer ilo jinoin.

jap. 2. 4.

16 Im I ar kememej nan in Iroi, ekijkan An ba, Emol, Jon e ar baptais kin dren; a naj baptais kom kin Jitöb Kwojarjar.

Mat. 3. 11. jap. 1. 5. & 19. 4.

17 Inem elañe Anij e ar lelok ñön ir meninaurök eo einwöt E ar letok ñön kijeo, ke jar liki Iroi Jisös Kraist, Wön ña bwe in maroñ in jumae Anij?

jap. 10. 47. & 15. 8, 9.

18 Ke rej roñ men kein rej iköñ, im rej wijtake Anij, im ba, Inem Ej bareinwöt lelok ñön ro dri ailñ ko ukwelok bwe ren mour.

19 A ro r'ar jibliklik kin matörtör eo e ar walok kin Stipen, r'ar ilok ñön Pinišia, im Saiprüs, im Antiok, rej kwalok nan ñön ejelok armij a ñön dri Ju ro wöt.

jap. 8. 1.

20 Im jet lair dri Saiprüs im dri Sairine, ke rej itok ñön Antiok, rej bareinwöt konono ñön ro dri Grik, im kwalok Iroi Jisös.

jap. 6. 1. & 9. 29.

21 Im pein Iroi ej ber ibeir: im eloñ ro rej tömak, rej okötök ñön Iroi.

Luk 1. 66. jap. 9. 35.

22 Inem nan kin ir ej itok ñön lójiliñin eklisia eo i Jerusalem; im rej jilkinlok Barnebas bwe en ilok ñön Antiok.

jap. 9. 27.

23 Ke e mottok, im lo an Anij joij, ej löñliñ, im ej kowe ir otemjej, bwe en rim burueir, im errep ñön Iroi.

jap. 13. 43. & 14. 22.

24 Bwe e juön armij emön, im eobrök kin Jitöb Kwojarjar, im kin tömak: im eloñ armij rej koba iben Iroi.

jap. 6. 5.

25 Im Barnebas ej ilok ñön Tarsös, bwe en bukot Saul;

jap. 9. 30.

26 Im ke e ar lo e, ej ašintok e ñön Antiok. Im iomin aolepen juön yiö rej jimor kweloklok iben ro dri eklisia im katakin eloñ armij. Im ro dri kalor, ar naetair dri Kristian mokta i Antiok.

27 Ilo ran kein jet dri kanan rej itok jen Jerusalem ñön Antiok.

jap. 13. 1. & 15. 32. & 21. 9. 1 Kor. 12. 28. Ep.

4. 11.

167

28 Im juōn iair, etan Agebōs, e ju-tōk im kwalok kin Jitōb bwe e naj űitta elap i ene otemjej i lōl; eñiu e ar walok ilo ran ko an Klaudiōs.

jap. 21. 10.

29 Im ro dri kalor otemjej r'ar bebe bwe einwōt air maroñ ren jil-kinlok men in jibōñ jīmjan jīmjan rej jokwe i Judia.

30 Im r'ar kōmōn men in im jil-kinlok e ñōn elder ro kin pein Bar-nebas im Saul.

jap. 12. 25.

JAPTER 12.

IM ebak ien eo Herōd kiñ ej erlo-kwe pein bwe en kañtan jet ian dri eklisia.

2 Im ej mōn Jemes jātīn Jon kin jāji.

Mat. 4. 21. & 20. 23.

3 Im ke ej lo bwe men in ej kalōñ-līñ dri Ju ro, ej bareinwōt jibwe Piter. Im ran ko ran in bred e jab leven.

Eks. 12. 14, 15. & 23. 15.

4 Im ke emwij an jibwe, ej likit e iloan prisōn, im ketōk e ñōn jo-ñoul im jiljino dri tōrinae bwe ren bar e; ej bebe ñe ejemlok kwojkwōj in kijone, e naj añintok e ñōn armij rōn.

5 Inem rej bar Piter iloan prisōn; a elap an eklisia jar ñōn Anij kin e.

2 Kor. 1. 11. Ep. 6. 18.

6 Im ke Herōd e kōnan añintok e, boñin in Piter ej kiki iolapin ruo dri tōrinae, ej illuk kin ruo tomere: im dri lale prisōn iturin aur eo rej bar prisōn.

7 Im lo, enjel in Iroiñ ej weaktok, im maram ej romak iloan prisōn eo, im ej ubrare katin Piter im kworuj e, im ba, Kwon jerkak kiōkiō. Im tomere ko an rej wutlok jen pein.

jap. 5. 19.

8 Im enjel ej ba ñōn e, Kwon ka-ñōrñōr, im lukwoj am sandal; im ej kōmōn einwōt. In ej ba ñōn e, Kwon kobebe kin am kobe, im lor iō.

9 Im ej drioiñlok im lore; im e

168

jaje mol ke jab ke an enjel kōmōn; a ej lemnok ej lo juōn viōn.

Sam 126. 1. jap. 10. 3, 17. & 11. 5.

10 Ke rejro kijone dri bar mokta, im dri bar ken ka ruo, rej itok ñōn aur mal iman ial ñōn jikin kwe-lok; eo e mōke bellok ñōn ir: im rejro drioiñlok, im driblok juōn ial; im emōkōj an enjel ilok jen e.

jap. 16. 28.

11 Im ke Piter e jelalokjen, e ba, Kiō I jela emol Iroiñ e ar jilkintok an enjel, im kōtlok iō jen pein Herōd, im jen kōtōmene otemjej an dri Ju ro.

Job 5. 19. Sam 33. 18, 19. & 34. 22. & 41. 2 & 97. 10. 2 Kor. 1. 10.

12 Im ke emwij an kalomōnlokjen kin men eo, ej itok ñōn mweo imōn Meri jinen Jon āt eo juōn Mark; ijo elōñ rej kwelok ie im jar.

jap. 4. 23. jap. 15. 37.

13 Im ke Piter ej kalōllōl ilo aur eo erik, juōn jiroñ ej iten uak, etan Roda.

14 Im ke ej kill aīniken Piter, e jab kebellok aur kin an lōñlīñ, a etōr iloan, im kennanek ekijkan an Piter jutōk ilikin aur.

15 Im re ba ñōn e, Kwo uriekak. A ebin an ba emol otem mol. Inem re ba, Enjel eo an.

Mat. 18. 10.

16 A Piter ej kalōllōl wōt: im ke emwij air kebellok, im lo e, re bwi-lōñ.

17 A ke emwij an bōprae ir kin pein bwe ren ikōñ, ej kennanek ir kijkan an Iroiñ añintok e jen prisōn. Im e ba, Komin ilem ken-nanek men kein ñōn Jemes, im ñōn jīmjan jīmjan. Im ej ilok im etal ñōn bar juōn jikin.

jap. 13. 16. & 19. 33. & 21. 40.

18 Im ke e rantak, elap jānene iben dri tōrinae kin an Piter ber ia.

19 Im ke emwij an Herōd kabu-kot e, im jab lo e, ej ekajet dri bar ro, im jiroñ bwe ren mōn ir. Im ej wōñlōllok jen Judia ñōn Seseria, im jokwe ijo.

20 Im elap an illu ñōn ro dri Tair im Saidon: im ke emwij air jeraik

dri lale bo an kiñ eo, rej jimor itok ñõn iben, im kajitök iben kin aine-mõn; bwe eneo an kiñ ej najirik eneo eneir.

1 Kin 5. 9, 11. Ezek. 27. 17.

21 Im ilo juõn ran e kar kälet e, Heröd ej kõnök nukuuk an kiñ wõt, im jijõt ion tron eo, im kwalok konono elap ñõn ir.

22 Im armij rej lamij, im ba, A-niken anij, im e jab an armij.

23 Im emököj an enjel in Iroi j mõn e, bwe e ar jab wijtake Anij: im likacrök rej kõñe, im e mij.

1 Samuel 25. 38. 2 Samuel 24. 17. Sam 115. 1.

24 A nan in Anij ej edreklok im orlok.

jap. 6. 7. & 19. 20. & 11. 29.

25 Im Barnebas im Saul rejro je-blak jen Jerusalem, ke emwij air kamol jermal eo air, im rej añintok ibeir Jon, ät eo juõn Mark.

jap. 13. 5, 13. & 15. 37.

JAPTER 13.

A ILO eklesia i Antiok jet dri kanan im dri kaki; etair Barnebas, im Simeõn eo etan Naijer, im Lusiõs dri Sairine, im Meneen eo jein im jätin Heröd titrak, im Saul.

jap. 11. 22-27. & 14. 26. & 15. 35. Rom 16. 21.

2 Ke rej jermal ñõn Iroi j im jitolok, Jitõb Kwojarjar ej ba, Komin kamökelok lair Barnebas im Saul ñõn Iõ kin jermal eo I ar kirtok ir ñõn e.

Bwin. 8. 14. jap. 9. 15. Mat. 9. 38. jap. 14. 28. Rom 10. 15. Ep. 3. 7, 8. 1 Tim. 2. 7. 2 Tim. 1. 11. Hib. 5. 4.

3 Im ke emwij air jitolok im jar, im likit peir ioir, rej jilkinlok ir.

jap. 6. 6.

4 Inem, bwe Jitõb Kwojarjar ej jilkinlok ir, rejro wõnlõllok ñõn Silusia; im jen ljo rej jerök ñõn Sairpõs.

jap. 4. 36.

5 Im ke rejro ber i Salemis, rej kwalok nan in Anij iloan imõn kwelok ko an dri Ju ro: im bareinwõt Jon ej dri jermal ñõn ir.

jap. 42. 25.

6 Im ke emwij air driblok aolepen allin eo ñõn Pepos, rej lo juõn dri [Marshall Islands.] 6T*

marmir, dri kauan riõp, dri Ju, etan Barjisõs.

jap. 8. 9.

7 E ar ber iben prokonsõl, etan Serjiõs Paulõs, e dri jelalokjen; ej kirtok Barnebas im Saul ñõn iben, im kõnan roñ nan in Anij.

8 A Elimas dri marmir, (bwe eñin ukõtõn etan) ej jumae ir, im kõnan kajeõr prokonsõl jen tõmak.

Eks. 7. 11. 2 Tim. 3. 8.

9 Inem Saul, bareinwõt naetan Paul, eobrök kin Jitõb Kwojarjar, ej kalimjeke,

jap. 4. 8.

10 Im ba, O kw'obrök kin mon otemjej im nana otemjej, nejin devil, dri kijiräte men otemjej remõn, kwo jamin kamwijlok am kankeke ial ko rejime an Anij ke?

Mat. 13. 38.

11 Im kiõ, lo, pein Iroi j iom, im kwo naj bilo, im jamin lo al ñõn juõn ien. Im emököj tap im marok rej buñ ion; im ej etetal, im kabukot jabrewõt dri tel e kin pein.

1 Samuel 5. 6.

12 Inem prokonsõl eo, ke ej lo men eo kõmõnmõne, ej tõmak, im e bwilõñ kin katak an Iroi j.

13 A Paul im ro iben rej jerök jen Pepos im itok ñõn Perga i Pampilia: im Jon ej ilok jen ir im jeblaklok ñõn Jerusalem.

jap. 15. 38.

14 Im ke emwij air driblok Perga, rej itok ñõn Antiok i Pisidia, im ej dreloñ iloan imõn kwelok ilo ran Sabat, im jijõt.

jap. 16. 13. & 17. 2. & 18. 4.

15 Im elikin konono ilo kien im dri kanan ro, iroi j ro an imõn kwelok rej jiliklok ñõn ir, im ba, Komeo, jeim in jätim, elañe jabrewõt nan in kowe armij rön ibemi, komin kwalok mõk.

Luk 4. 16. Hib. 13. 22.

16 Im Paul ej jutök im boprae kin pein, im ba, Armij in Israel, im komeo komij mijök Anij, karõñjake.

jap. 12. 17. & 10. 35.

17 Anij an armij in Israel E ar kälet ro jimar, im koutiej armij ro ke

169

r'ar jokwe einwöt ro drua i ene Ijipt, im kin pein eutiej E ar aňintok ir jen e.

Dut. 7. 6, 7. Eks. 1. 1. Sam 105. 23, 24. jap. 7. 17. Eks. 13. 14, 16.

18 Im iomin enaňin eňoul yiö E ar kōkajiriri ir ilo ene jemaren.

Eks. 16. 35. Bwin. 14. 33, 34. Sam 95. 9, 10. jap. 7. 36.

19 Im ke emwij an kōkkure jiljil-imjuön alliň ilo ene Kenan, Ej lelok ene eo air řnön ir air jolit, iomin enaňin ābuki im limňoul yiö:

Dut. 7. 1. Jos. 14. 1. 2. Sam 78. 55.

20 Im elikin men kein E ar lelok řnön ir ro iroiř in ekajet řnön ien eo an Samuel, dri kanan.

Ekaj. 2. 16. 1 Samuel 3. 20.

21 Im tokelik rej kajitōk juön kiň: im Anij e ar lelok řnön ir Saul nejin Kiš, juön armij jen bwijin Benjamin, iomin eňoul yiö.

1 Samuel 8. 5. & 10. 1.

22 Im ke emwij an jolok e, E ar koutiej Devid bwe en air kiň; im Ej kwalok nan in kennan řnön e, im ba, Emwij ađ lo Devid nejin Jesse, armij buruen einwöt buruö, eo e naj kōmōn ankil Ađ otemej.

1 Samuel 15. 23, 26, 28. & 16. 1, 13. 2 Samuel 2. 4. & 5. 3. Hos. 13. 11. Sam 89. 20. 1 Samuel 13. 14. jap. 7. 46.

23 Jen inen armij in, Anij, ekar řnön kalimur eo, E ar aňintok řnön Israel juön Dri Lomor, Jisōs:

Luk 1. 32, 69.

24 Ke Jone ar kwalok baptais kin ukwelok řnön armij in Israel otemej, mokta jen An itok.

Mat. 3. 1.

25 A ke Jon ej kōmōn jerbāl eo an, e ba, Wōn řa ilo ami lemnok? řa I jab E. A lo, juön ej itok elikiö, ballin neen ij betkake bwe in jelate.

Mat. 3. 11.

26 Komeo, jeiö im jätio, ro nejin Ebream, im ro jabrewöt iami rem'jōk Anij, jilkintok nan in lomor in řnön kij.

jap. 3. 26.

27 Bwe ro rej jokwe ilo Jerusalem, im iroiř ro air, kin air jaje E, im jaje ainiken dri kanan ro, konono

170

ilo buk ko air ran Sabat otemej, r'ar kamol i kin air liakelok E.

Luk 23. 34. jap. 3. 17. 1 Kor. 2. 8. Luk 24. 20, 44. jap. 26. 22.

28 Im meňe r'ar jab lo ruön bwe En mij, r'ar akwelap řnön Pallat bwe En mij.

Mat. 27. 22. Mark 15. 13, 14. Luk 23. 21, 22. jap. 3. 13, 14.

29 Im ke emwij ar kamol men otemej ar jeje kin E, rej dror E jen wijki, im likit E na iloan lūp.

Luk 18. 31. & 24. 44. Jon 19. 23, 30, 36, 37. Mat. 27. 59. Mark 15. 46. Luk 23. 53. Jon 19. 38.

30 Im Anij e ar kejerkakbiji E jen ro remij.

Mat. 28. 6. jap. 2. 24.

31 Im ro r'ar itok iben tok jen Galili řnön Jerusalem r'ar lo E eloň ran, im ir An dri kennan řnön armij řnön.

1 Kor. 15. 5-7. jap. 1. 3, 8, 11. & 2. 32.

32 Im kim kwalok řnön kom nan in loňliň ko emwij lelok řnön ro jimar, Jen. 12. 3. & 22. 18. jap. 26. 6. Rom 4. 13. Gal. 3. 16.

33 Ekijkan an Anij kamol men in řnön kij ro nejiir, kin An kejerkakbiji Jisōs: einwöt jeje ilo Sam ken ka ruo, Kwe Nejiö man, I ar keutak Yuk ranin.

Sam 2. 7. Hib. 1. 5. & 5. 5.

34 Im kin An kejerkakbiji E jen ro remij, im e jamin bar jeblak řnön kōt, E ar ba nan kein, I naj lewoj řnön Yuk men ko rokwojar-jar im remol an Devid.

Isa. 55. 3.

35 Kin men eo, Ej barelnwöt ba ilo bar juön Sam, Kwo jamin lelok Am Dri Kwojarjar bwe En lo kōt.

Sam 16. 10.

36 Bwe elikin an Devid bokake ankil an Anij ilo ebeben eo an, e mīj, im r'ar likit e iben ro jemen, im ej lo kōt,

1 Kin 2. 10. jap. 2. 29.

37 A Eo Anij e ar kejerkakbiji E, E ar jab lo kōt.

38 Kin men kein, kom jeiö im jätio, komin jela bwe kin armij in kim kwalok řnön kom jurlok jera-wiwi ko.

Jer. 31. 34. Dan. 9. 24. Luk 24. 47. 1 Jon 2. 12.

39 Im kin E, ir otemjej rej tōmak, emwij kowānik ir jen men otemjej, men ko kien Moses e jab maroñ in kowānik ir kaki.

Isa. 53. 11. Rom 3. 28. & 8. 3.

40 Kin men eo, komin kejbārok kom ñe men eo ab itok iomi, men eo dri kanan ro r'ar konono kaki;

Isa. 29. 14. Hab. 1. 5.

41 Lo, komeo dri kejekron, kom bwilōñ im joko: bwe Ij jerbale juōn jerbale ilo ran ko ami, jerbale eo kom kanuij jamin tōmak, elañe juōn armij ej kennanek kom.

42 Im ke emwij air droiōjlok, rej akwelap bwe ren kwalok nan kein ñōn ir ilo Sabat e naj itok.

43 A ke emwij kōtlok jar eo iloan imōn kwelok, elōñ ian dri Ju ro, im dri proselait emōn mwilir rej mok Paul im Barnebas; ke rejro konono ñōn ir, rej kowe ir bwe ren berwōt ilo joiñ in Anij.

jap. 11. 23. & 14. 22. Tait. 2. 11. Hib. 12. 15. 1 Pit. 5. 12.

44 Im ke Sabat ej itok, enañin aolepen jikin kwelok rej kweloklok bwe ren roñjake nan in Anij.

45 A ke dri Ju ro r'ar lo jar ko, r'obrōk kin bōn, im rej konono nae men ko Paul ej konono kaki, im blaspim.

jap. 18. 6. 1 Pit. 4. 4. Jud 10.

46 Inem Paul im Barnebas elap air beran, im re ba, Emōn jen kwalok nan in Anij ñōn kom mokta; a kin ami julok jen kom im mōke ekajete kom betkake jen mour in drio, kimijoktōk ñōn ro dri ailiñ ko.

47 Bwe ein drein an Iroj jiroñ kim, im ba, I ar likit Yuk maram ñōn dri ailiñ ko, bwe Kwon binmour ñōn jabōn lōl etoloktata.

Isa. 42. 6. & 49. 6. Luk 2. 32.

48 Im ke dri ailiñ ko rej roñjake men in, rej lōñliñ im wijtake nan in Iroj; im ro jabrewōt ar likit ir bwe ren mour in drio, rej tōmak.

jap. 2. 47.

49 Im nan in Iroj ej berijōke ilo aolepen ene eo.

50 A dri Ju ro rej biuktōk ro liā-tōktōk im ro leātōktōk ilo jikin kwelok, im kōmōn bwe ren matōrtōre Paul im Barnebas, im jolok irro jen ene ko eneir.

2 Tim. 3. 11.

51 A rej joiñ bōñōñlōñ in neir nae ir, im itok ñōn Aikoniōm.

Mat. 10. 14. Mark 6. 11. jap. 18. 6.

52 Im ro dri kalor rej obrōk kin lōñliñ, im kin Jitōb Kwojarjar.

Mat. 5. 12. Jon 16. 22.

JAPTER 14.

IM ke rej ber iloan Aikoniōm, rejro dreloñ iloan imōn kwelok an dri Ju ro, im elōñ dri Ju kab ro dri Grik rej tōmak kin air in nan.

2 A dri Ju, ro re jab tōmak, rej biuktōk buruen ro dri ailiñ ko, im kananaik ir nae jimjān jimjāten.

3 Inem eto air ber ijo, im re beran im konono ilo Iroj, eo Ej kennan kin nan in joiñ eo An im lelok kakōle ko, im men in bwilōñ ko kin peir.

Mark 16. 20.

4 A jar in jikin kwelok e jibil; im jet iben dri Ju ro, im jet iben ro dri jilik.

jap. 13. 3.

5 Im ke dri ailiñ ko, im dri Ju ro kab Iroj ro air, rej teltiltok ir, bwe ren kokkure ir im kare ir,

2 Tim. 3. 11.

6 Re jela kajen im ko ñōn Listra im Derbe, ruo jikin kwelok in Laikeonia, im ñōn eneo iturin.

Mat. 10. 23.

7 Im ijo rej kwalok gospel.

8 Im ilo Listra juōn emān ej jijōt, emōjino kin neen, ekirro jen lojen jinen, e ar jab etetal:

jap. 3. 2.

9 Lein ej roñ an Paul konono, eo ej kalimjeke, im kili bwe eor an tōmak bwe en mour,

10 Im e ba kin ainiken elap, Kwon jutōk jeme kin neōm. Im ej kākī im etetal.

11 Im ke armij rej lo men eo Paul e ar kōmōnmōne, rej koutiej aini-keir, im ba ilo kajen Laikeonia,

anij ro rej wõnlõltak ñõn kij, im einwõt wāwen armij.

jap. 8. 10. & 28. 6.

12 Im Barnebas rej likit etan Jupiter; im Paul rej naetan Mer-kuriõs, bwe e lukuwõn in konono.

13 Inem pris an Jupiter, tempel eo an ej iturin jikin kwelok, ej bõktok kau koman ko, kab wut ko belir ñõn kejem ko, e kab armij rõn re kõnan katok.

Dan. 2. 46.

14 Ke ro dri jilik, Paul im Barnebas, rej roñjake, rej kekel nuknuk ko air, im tõr ilo bwiljin armij, im lamij,

Mat. 26. 65.

15 Im ba, Lõma etke komij kõmõnmõn men kein? Kimro armij wõt im einwõt kom, im kimij kwalok ñõn kom bwe komin oktõk jen men kein jekron ñõn Anij Emol, eo e ar kõmõnmõn lõñ, im lõl, im lometo, im men otemjej ilo ir:

jap. 10. 28. Jen. 5. 17. 1 Samuel 12. 21. 1 Kor. 8. 4. Jen. 1. 1. Sam 146. 6. Rev. 14. 7.

16 Ilo ten ko mokta E ar kötlok dri ailiñ otemjej bwe ren etal ilo ial ko air.

Sam 81. 12. jap. 17. 30. 1 Pit. 4. 3.

17 A E ar jab mõke likit E im ejelok men in kennan kake, bwe E ar kõmõnmõn emõn, im lewoj ñõn kom wut jen lõñ, im ien ko elõñ ekõn, Ej kobrõk buruemi kin kijiemi im lõñliñ.

jap. 17. 27. Rom 1. 20. 1 Levai 26. 4. Job 5. 10. Sam 68. 9. Mat. 5. 45.

18 Im kin nan kein re nañin jab drebij armij jen air katok ñõn ir.

19 A jet dri Ju rej itok jen Antiok im Aikoniõm, rej karel jar ko, im ke emwij air kare Paul, rej iber e jen jikin kwelok, im rej lemnok emij.

jap. 13. 45. 2 Kor. 11. 25. 2 Tim. 3. 11.

20 A ke dri kalor rej jutõk im kabol e, ej jerkak im dreloñ illoan jikin kwelok eo. Im ke ilju e kab Barnebas rejro ilok ñõn Derbe.

21 Im ke emwij airro kwalok nan in emõn ilo jikin kwelok eo, im kõmõn bwe elõñ dri kalor, rej bar je-

blak ñõn Lистра, im Aikoniõm, im Antiok.

Mat. 23. 19.

22 Im rej kabin buruen ro dri kalor, im kowe ir bwe ren berwõt ilo tõmak eo, im bwe jen dreloñ ilo ailiñ in Anij kin elõñ iñtan.

jap. 11. 23. & 13. 43. Luk 22. 28. 29. Rom 8. 17. 2 Tim. 2. 11, 12. & 3. 12.

23 Im ke emwij air likit elder ro ñõn ir ilo eklisia otemjej, im jar im jitlok, rejro lelok ir ñõn Iroi, eo re kar liki E.

24 Im elikin air driblok Pisidia, rej itok ñõn Pampilia.

25 Im ke emwij air kwalok nan ilo Perga, rej wõnlõllok ñõn At-telia;

26 Im jen ijo rej jerõk ñõn Antiok, jen ijo kar likit irro ilo joi in Anij kin jermal eo rej kamwijlok.

jap. 13. 1. 3. & 15. 40.

27 Im ke re mottok, im emwij air kokweloklok eklisia, rej kennanek ir men otemjej an Anij kõmõnmõn kin irro, im ekijkan kebellok aur in tõmak ñõn ro dri ailiñ ko.

jap. 15. 4, 12. & 21. 19. 1 Kor. 16. 9. 2 Kor. 2. 12. Kol. 4. 3.

28 Im eto air ber ijo iben ro dri kalor.

JAPTER 15.

IM jet armij rej wõnlõltak jen Judia im katakin jimjān jimjāten, im ba, Elañe kom jab mijmij im einwõt mõnit an Moses, kom ban mour.

Gal. 2. 12. Pil. 3. 2. Kol. 2. 11. Levai 12. 3.

2 Im ke elap an Paul im Barnebas akwai ir im aituerõk ibeir, ar likit bwe Paul im Barnebas, im bar jet iair, ren wõnliñlok ñõn Jerusalem, ñõn iben ro dri jilik im elder ro kin men in kajitõk in.

Gal. 2. 1.

3 Inem eklisia rej jibõñ ir kin air ilok, im rej driblok Pinaise im Sameria, im kennanek kin an dri ailiñ ukwelok ibeir: im elap air kabuñburuen jimjān jimjāten otemjej.

Rom 15. 24. 1 Kor. 16. 6, 11. jap. 14. 27.

4 Im ke re mottok ñõn Jerusalem, eklisia eo kab ro dri jilik im elder

ro, rej bök ir, im rejro kennanek ir men otemjej Anij e ar kömönmöni kin ir.

jap. 14. 27. & 21. 19.

5 A jet ian jar an Parisi ro, dri tōmak, re jutōk, im ba, Emōn möjit ir, im jiroñ ir bwe ren bokake kien Moses.

6 Im ro dri jilik im elder ro rej kweloklok bwe ren bebe kin men in.

7 Im ke elap air aituerōk, Piter e jutōk, im ba ñōn ir, Komeo, jeiō im jātīō, kom jela bwe moktata Anij e ar kălet jen iber, bwe jen loñiō dri ailiñ ren roñ nan in gospel im tōmak.

jap. 10. 20. & 11. 12.

8 Im Anij eo e jela buruen armij, Ej kennan ñōn ir kin An lelok Jitōb Kwojarjar ñōn ir, einwōt ñōn kij;

1 Kron. 28. 9. jap. 1. 24. & 10. 44.

9 Im E jab kaljiklok kij jen ir, im Ej karreo burueir kin tōmak.

jap. 10. 15, 28, 43. 1 Kor. 1. 2. 1 Pit. 1. 22.

10 Inem kiō, etke komij kaillu Anij kin ami likit ine i aieran dri kalor, men eo ro jimar kab kij je jab maroñ in kaberber kij kake?

Mat. 23. 4. Gal. 5. 1.

11 A jej tōmak bwe, kin joij an ar IroiJ Jisōs Kraist, je naj mour im einwōt ir.

Rom 3. 24. Ep. 2. 8. Taht. 2. 11.

12 Inem jar otemjej rej ikōñ, im karoñjake Barnebas im Paul, ke rejro bwebwenato kin kakōle ko im men in bwilōñ ko an Anij kömönmōn iben dri ailiñ kin irro.

jap. 14. 27.

13 Im ke rejro ikōñ, Jemes e uak, im ba, Komeo jeiō im jātīō, komin karoñjak iō;

jap. 12. 17.

14 Simeōn e ar kennanek kijkan an Anij ilok mokta ñōn iben dri ailiñ ko, bwe En bök armij jen ir kin etan.

15 Im ekar ñōn men in nan ko an ro dri kanan; einwōt ar je,

16 Elikin men in I naj jeblak, im bar kalek imōn kabēr an Devid, eo

e ar buñ; im I naj bar kalek mweo emor, im I naj kajuri;

Amos 9. 11, 12.

17 Bwe armij rōn mātōn mij ren bukot IroiJ, im dri ailiñ otemjej, ioir rej ba eta,

18 Ein drein IroiJ ej ba, Eo ej kwalok men kein jen ien moktata.

19 Kin men eo aō bebe bwe jen jab kamakoko ro jen ian dri ailiñ rej oktōk ñōn Anij;

1 Tes. 1. 9.

20 A jen jeje ñōn ir bwe ren kej-bārok ir jen men ko retton an ekjōp ko, im jen lūñ, im jen men ko remij kin lukwoj burueir, im jen bōtōktōk.

Jen. 35. 2. Eks. 20. 3, 23. Ezek. 20. 30.

1 Kor. 6. 18. 1 Tes. 4. 3. 1 Pit. 4. 3.

1 Jen. 9. 4. Levai 3. 17.

21 Bwe jet an Moses jen ebeben ko mokta, rej kwalok e iloan jikin kwelok otemjej, im rej konono ilo buk eo an iloan imōn kwelok ko ran Sabat otemjej.

jap. 13. 15, 27.

22 Ien eo ro dri jilik im elder ro, kab dri eklisia otemjej, rej lemnok emōn bwe ren kălet armij jen jar eo air im jilkinlok ir iben Paul im Barnebas ñōn Antlok; etair Judas āt eo juōn Barsebas, im Sailas, routiēj iben jimjān jimjāten;

jap. 1. 23.

23 Im rej jejelok na ibeir einwōt nan kein; Ro dri jilik im elder ro, jimjān jimjāten ñōn jimjān jimjāten jen dri ailiñ ilo Antlok, im Siria im Silisia, Yokwe kom:

24 Bwe kim ar roñjake bwe jet ian ro r'ar ilok jen kim rej kamako-koik kom kin nan ko, im kokkure buruemi, im ba, Emōn komin möjit, im bokake kien, im kim ar lelok ñōn ir ejelok kien;

Gal. 2. 4. & 5. 12. Taht. 1. 10.

25 Ke buruem wōt juōn, kim ar lemnok, emōn bwe kimin kălet armij ro im jilkinwoj ir ñōn kom, iben Barnebas im Paul ro jitenburu ibem,

26 Armij ro r'ar kejekron air mour kin etan ar IroiJ Jisōs Kraist.

jap. 14. 19. 1 Kor. 15. 30.

27 Inem kim ar jilkinwoj Judas im Sailas, im re naj bareinwöt kenanek kom men kein kin air in nan.

28 Bwe Jitöb Kwojarjar im kim ar lemnok, emön bwe kimin jab likit iomi men ko relap jen men kein remön:

29 Bwe komin kejbärok kom jen men in katok ñön ekjöp ko, im jen böttöktök, im jen men ko remij kin lukwoj burueir, im jen lüñ: elañe komij kejbärok kom jen men kein, e naj emön ibemi. Yokwe Kom.

jap. 21. 25. Rev. 2. 14, 20.

30 Inem ke emwij kötlok ir, rej itok ñön Antiok; ke emwij air koweloktok jar eo, rej lelok letter eo.

31 Ke emwij air konono ilo e, rej löñliñ kin nan in kainemön eo.

32 Im Judas im Sailas, rejro dri kanan, rej kowe jimjän jimjäten kin elöñ nan, im karim burueir.

jap. 14. 22.

33 Im elikin air ber ie jet ien, rej kötlok ir ilo ainemön jen jimjän jimjäten ñön ro re kar jilkinlok ir.

1 Kor. 16. 11. Hib. 11. 31.

35 A Paul im Barnebas rej berwöt i Antiok, im katakin im kwalok nan in Iroi, kab bar elöñ.

jap. 13. 1.

36 Im elikin jet ran, Paul ej ba ñön Barnebas, Emön jenro jeblaklok im lolok ro jeer im jäter ilo jikin kwelok otemjej, jar kwalok nan in Iroi, ie, im jela kajeir.

jap. 13. 4, 13, 14, 51. & 14. 1, 6, 24, 25.

37 Im Barnebas ej lemnok renro añintok ibeir tok Jon, ät eo juön Mark.

jap. 12. 12.

38 A Paul ej lemnok e jab emön añintok e na ibeir, bwe e ar ilok jen ir i Pampilla, im jab ilok ibeir lok ñön jermal eo.

jap. 13. 13.

39 Im elap airro akwaile dron, inem rej jibil jen dron; im Barnebas ej böc Mark im jerök ñön Sai-prös.

40 A Paul ej kälet Sailas, im ilok,

im jimjän jimjäten rej lelok irro ñön joij in Anij.

jap. 14. 28.

41 Im ej driblok Siria im Silisia, im kabin eklisia ko.

jap. 16. 5.

JAPTER 16.

IM ej bareinwöt itok ñön Derbe im Listra; im lo, juön dri kalor ej ber ijo, etan Timote, nejin juön köra dri Ju, eo ej tömak; a jemen dri Grik.

jap. 14. 6. & 19. 22. Rom 16. 21. 1 Kor. 4. 17. Pil. 2. 19. 1 Tes. 3. 2. 1 Tim. 1. 2. 2 Tim. 1. 2, 5.

2 Jimjän jimjäten i Listra im Aikoniöm rej nebar e.

jap. 6. 3.

3 Paul e könan bwe en ilok iben lok; im ej böc e im möjit e, kin dri Ju ro rej ber ijo ko: bwe ir otemjej re jela bwe jemen dri Grik.

1 Kor. 9. 20. Gal. 2. 3. & 5. 2.

4 Im ke rej etal lok ilo jikin kwelok ko, rej lelok ñön ir kien ko bwe ren lale, ro dri jilik im elder ro rej ber i Jerusalem r'ar kaifi.

jap. 15. 28, 29.

5 Inem eklisia ko rebinlok ilo tömak, im orair e orlok ran otemjej.

jap. 15. 41.

6 Im rej driblok Prijia im Pampilla, a Jitöb Kwojarjar ej jiroñ ir bwe ren jab kwalok nan i Esia;

7 Im ke emwij air itok ikijen Misia, rej kajeon bwe ren ilok ilo Bitinia, a Jitöb an Jisös e jab kötlok ir.

8 Im rej kijone Misia im wönlöltak ñön Troas.

2 Kor. 2. 12. 2 Tim. 4. 13.

9 Im juön višön ej weaktok ñön Paul ilo boñ; juön armij dri Masedonia e jutök, im akwelap ñön e, im ba, Kwon itok ñön Masedonia im jiböñ kim.

jap. 10. 30.

10 Im elikin an lo višön eo, emököj am bukot bwe kimin ilok ñön Masedonia; kim lemnok bwe Iroi e ar kirlok kim bwe kimin kwalok gospel ñön ir.

2 Kor. 2. 13.

11 Inem ke kimij jerök jen Troas, kimij tartok jimewöt ñön Samotresla, im ran eo ilju ñön Niapolis;

12 Im jen ijo ñön Pilippai, jikin kwelok mokta ilo bukwön eo, i Masedonia, ene ekäl an Rom: im iomin jet ran kim ber ilo jikin kwelok eo.

Pil. 1. 1.

13 Im ilo ran Sabat kim ar ilok jen jikin kwelok na iturin river, ijo kim ar lemnok jikin jar; im kimij jijöt im konono ñön köra ro rej kweloklok ijo.

14 Im juön köra etan Lidia, juön dru wia kin nuknuk eñij, jen jikin kwelok Taletaira, ej dri kabuñ ñön Anij, im ej roñjake kim: Iroi ej kebellok buruen, bwe en eoroñ nan ko Paul ej konono kaki.

Luk 24. 45.

15 Im ke emwij baptais, im ro nukin, ej akwelap ñön kim, im ba, Elasse komij lemnok bwe ij tiljek ñön Iroi, komin dreloñ iloa mweo imö, im berwöt. Im ej drebij kim.

Jen. 19. 3. Luk 24. 29.

16 Im ke kimij ilok ñön jikin jar, juön jiroñ, jitöb öñ marmir ej miok na enbwinin, ej wonmae kim, e ar böc elöñ mweien ñön iroi ro an kin an drikanij.

1 Samuel 28. 7. jap. 19. 24.

17 Liin ej lor Paul im kim, im lamij, im ba, Armij rein dron Anij Eutlej tata, rej bakajen ñön kom ial in mour.

18 Im ein drein an kömöñ iomin elöñ ran. A Paul, kin an iñtan buruen, ej öktök im ba ñön jitöb eo, Ij jiroñ yuk, ilo etan Jisöb Kraist, bwe kwon jutöklok jen e. Im ej ilok jen e ilo auö eo.

Mark 1. 34. & 16. 17.

19 A ke iroi ro an rej lo bwe ejo-ko kötömene kin mweieir lok, rej jibwe Paul im Sailas, im kekake ir ñön jikin wia, iman iroi röñ,

jap. 19. 25. 26. Mat. 10. 18.

20 Im añintok ir ñön pritor ro, im ba, Armij rein, dri Ju ro, elap air kananaik ar jikin kwelok,

1 Kin 18. 17. jap. 17. 6.

21 Im rej kwalok möñit ko emo ar böki, ak bokaki, bwe kij dri Rom.

22 Im jar eo rej jimor jumae ir; im pritor ro rej kekel nuknuk ko air, im jiroñ bwe ren drenlok ir kin alal ko.

2 Kor. 6. 5. & 11. 23. 1 Tes. 2. 2.

23 Im ke elöñ alen air dreñlok, rej jolok ir na iloa prisöñ, im jiroñ dri lale prisöñ bwe en kanuij bar ir.

24 Ke ej roñ nan in, ej iunlok ir ñön loan prisöñ eo iolap, im kabij neir na ilo ra ko.

25 A ke ilukwön boñ, Paul im Sailas rej jar, im al nan in wijtake Anij, im dri prisöñ rej roñjake ir.

26 Im emököj elap an löl maköt- kit, einwöt bwe foundesöñ ko in prisöñ re maköt kit: im kiökiö aur otemjej rebellok, im men ko lukwojen armij otemjej remjöl.

jap. 4. 31. & 5. 19. & 12. 10.

27 Im dri lale prisöñ e ruj, im ke ej lo aur in prisöñ otemjej rebellok, ej nure jäji eo an, im nañin möke möñ e, kin an lemnok dri prisöñ r'ar ko.

28 A Paul ej lamij kin elap ainiken, im ba, Kwon jab kaiñtan yuk: bwe kim otemjej berwöt ijin.

29 Inem ej kirtok romak ko, im kälök iloa, im e wurirrir, im buñ iman mejen Paul im Sailas,

30 Im añintok ir, im ba, Iroi rärä, ta eo in kömöñmöñe bwe in mour?

Luk 3. 10.

31 Im re ba, Kwon liki Iroi Jisöb, im kwo naj mour, kwe im ro nukum.

Jon 6. 47.

32 Im rej konono ñön e nan in Iroi, im ñön ro otemjej rej ber iloa mweo imöñ.

33 Im ej böc ir ilo auö eo ilo boñ, im kwole ijo r'ar dreñlok ir; im ej baptais, e im ro nukin otemjej kiökiö.

34 Im ke emwij an añintok ir iloa mweo imöñ, ej likit kijeir imair, im ej löñilñi, kab ro nukin otemjej, rej tömak Anij.

35 Im ke ej rantak, pritör rön rej jilkinlok dri kabwijrök, im ba, Kwon kötlök armij ro.

36 Im dri lale prisön ej kennanek Paul nan in, Pritör rön r'ar jilkinlok bwe in kötlök kom: inem komin ilok ilo ainemön.

37 A Paul e ba fiön ir, R'ar drefi-
lokwe kim ilo bwilij, im jab liake-
lok kim, armij dri Rom, im r'ar
jolok kim iloan prisön; im kiö re
könan noj air kadrioljlok kim ke?
O jab; ren möke itok im aäinlok
kim.

jap. 22. 25.

38 Im dri kabwijrök rej kennanek
pritör rön kin nan kein: im rej
mijök ke rej roñjake bwe irro dri
Rom.

39 Im rej itok im akwelap fiön ir,
im aäinlok ir, im kajitök ibeir bwe
ren ilok jen jikin kwelok eo.

Mat. 8. 34.

40 Im rej drioljlok jen prisön, im
dreloñ iloan imön Lidia: im ke
emwij air lo jimjän jimjäten, rej
kainemöne ir, im rej ilok.

JAPTER 17.

KIÖ ke emwij air driblok Ampis-
polis im Apolonia, rej itok fiön
Tessalonika, ijo juön imön kwelok
an dri Ju ro:

2 Im Paul, einwöt an kömön ien
otemjej, ej dreloñ fiön ibeir, im ilo
jilu Sabat ej kemelele fiön ir jen
Jeje ko.

jap. 9. 20. & 13. 5.

3 Ej kemeleleik im kamol, bwe
ekar an dri Kraist iñtan, im jer-
kakbiiji jen ro remij; im bwe Jisös
in Eo ij kwalok fiön kom E dri
Kraist.

Luk 24. 26, 46. jap. 18. 48.

4 Im jet lair e rel burueir, im rej
kömao iben Paul im Sailas, kab
elöñ ian ro dri Grik emön mwilir,
im jab eiet ian ro liätöktök.

jap. 28. 24. & 15. 22.

5 A dri Ju, ro re jab tömak, kin
air junmar, rej bök jet dri nana ian
dri jowön, im kokweloklok juön

176

jar, im kakeroro aolepen jikin kwe-
lok eo, im dreloñ iloan imön Jeson,
im bukot bwe ren böktok ir fiön
armij rön.

Rom 16. 21.

6 Im ke re jab lo ir, rej kekake
Jeson im jet jimjän jimjäten fiön
iroij in jikin kwelok ro, im lamij,
Lömaren r'ar uköje löl, rej kab
itok fiön ijin;

jap. 16. 20.

7 Jeson ej bök ir: im rein otemjej
rej kömön nae kien ko an Sizar, im
ba bar juön Kifi, E Jisös.

Luk 23. 2. Jon 10. 12.

8 Im rej kejänene armij im iroij
in jikin kwelok ro, ke rej roñjake
men kein.

9 Im ke emwij air bök sikuriti jen
Jeson im ro jet, rej kötlök ir.

10 Im emököj an jimjän jimjäten
jilkinlok Paul im Sailas ilo boñ fiön
Beria. Ke rej itok rej dreloñ iloan
imön kwelok an dri Ju ro.

jap. 9. 25.

11 Lömaren remön jen ro i Tessa-
lonika, bwe emököj air bök nan im
mönönö, im bukot ilo Jeje ko ran
otemjej, bwe ren jela men kein re-
mol ke jab ke.

Isa. 34. 16. Luk 16. 29. Jon 5. 39.

12 Inem elöñ iair rej tömak; kab
ian liätöktök im leätöktök ro dri
Grik, jab eiet.

13 A ke dri Ju ro i Tessalonika
re jela bwe Paul ej kwalok nan i
Beria, rej kab itok fiön ijin, im ke-
jänene armij rön im biuktök ir.

14 Inem emököj an jimjän jim-
jäten jilkinlok Paul bwe en ilok
fiön lomalo: a Sailas im Timote
rej berwöt ijo.

15 Im ro rej tellok Paul rej aäin-
tok e fiön Atens: im ke rej bök
nan fiön Sailas im Timote bwe en
mököj airro itok fiön e, rej ilok.

jap. 18. 5.

16 A ke Paul ej kötar ir i Atens, e
biuk buruen ke ej lo jikin kwelok
eobrök kin ekjöpo ko.

17 Inem ej aätuerök dri Ju ro im
armij emön mwilir ilo imön kwe-

lok, im ro ej lon ir ilo jikin wia, ran otemjej.

18 Inem jet dri meletlet ian dron Epikurōs, im ian dri Stoik, rej ak-wail e. Im jet re ba, Ta eo koarofi-roñ in ej ba? bar jet re ba, E einwōt ej kwalok anij ro drua: bwe ej kwalok Jisōs ñōn ir, im jerkakbiji.

19 Im rej bōk e, im afintok e ñōn Areopegōs, im ba, Kim maroñ in jela ke nan in ekāl kwoj konono kake?

20 Bwe kwoj bōk men ko drua ñōn lojiliñim: inem kim kōnan jela re naj it men kein.

21 (Bwe dri Athens otemjej, im ro drua majet rej ber ijo, ejelok bar juōn air kōmōn, a rej berwōt im kennanek ak roñjake jabrewōt men eo ekāl.)

22 Inem Paul ej jutōk ilukwōn Areopegōs, im ba, Komeo, dri Athens, ij lo elap ami lale men in kabuñ ko otemjej.

23 Bwe ke I ar itoitok, im lo kabuñ ko ami, I ar lo juōn lokatok im jeje in ion, ÑŌN ANIJ EO JE JAJE KAKE. Inem Eo komij kabuñ im jaje kake, E in ij kwalok ñōn kom.

2 Tes. 2. 4.

24 Anij eo E ar kōmōnmōn lōl im men otemjej ilōan, E Iroj in lōñ im lōl, E jab jokwe ilōan tempel pā ko rej kōmōnmōni;

jap. 14. 15. Mat. 11. 25. jap. 7. 48.

25 Im ejelok an pein armij jermal ñōn E, einwōt elañe Ej aikwij men eo jabrewōt, bwe Ej lelok ñōn otemjej mour, im menono, im men otemjelok;

Sam. 50. 8. Jen. 2. 7. Bwin. 16. 22. Job. 27. 3.

26 Im E ar kōmōnmōn jen juōn wōt, dri ailiñ kōn otemjelok rej jokwe i mejen lōl, im E ar likit ien ko ar jiroñ kaki mokta, im tōrerene ene ko eneir,

Dut. 32. 8.

27 Bwe ren bukot Anij, elañe rej maroñ in jatol E, im lo E, ijoke E jab etolok jen kij otemjej;

jap. 14. 17.

28 Bwe ilo E jej mour, im etetal, im ber; einwōt jet ian ro ami dri kine al r'ar ba, Bwe kij bareinwōt ro nejn.

Tait. 1. 12.

29 Inem bwe kij ro nejn Anij, e jab emōn bwe jen lemnok wāwen Anij einwōt gold ak silver ak dreka, kōmōnmōni ilo kajeoñwe, einwōt an armij lemnok.

Isa. 40. 18.

30 Im Anij e ar jab kanuij illu ilo ien ko len jaje; a kiō Ej jiroñ armij otemjej ijo ko otemjej bwe ren ukwelok ibeir:

jap. 14. 16. Luk. 24. 47. Tait. 2. 11, 12. 1 Pit. 4. 3.

31 Bwe E ar likit juōn ran, iomin ran eo E naj ekajet ro dri lōl ilo wānik kin Armij eo E ar likit E, im E ar lelok men in karel ñōn otemjej kin An kejerkakbiji E jen ro remij.

jap. 10. 42. Rom. 2. 16. & 14. 10. jap. 2. 24.

32 Im ke rej roñ kin jerkakbiji jen ro remij, jet rej kajirere kake: im bar jet re ba, Kim naj bar roñ jen yuk kin men in.

33 Im ein drein Paul ej ilok jen ibeir.

34 A jet armij rej errep na iben im tōmak; juōn iair Daionisiōs dri Areopegōs, im juōn kōra etan Dameris, im bar jet ibeir.

JAPTER 18.

ELIKIN men kein Paul ej ilok jen Athens, im itok ñōn Korint:

2 Im ej lo juōn dri Ju etan Akula, e ar lotak i Pontōs, ej kab itok jen Itali, im lio belen Prisilla, bwe Klaudiōs e ar jiroñ dri Ju otemjej bwe ren ilok jen Rom: im ej itok ñōn ibeirro.

Rom. 16. 3. 1 Kor. 16. 19. 2 Tim. 4. 19.

3 Im kin juōn wōt jermal eo air, ej ber ibeir, im jermal: bwe jermal eo air kalek im nuknuk ko.

jap. 20. 34. 1 Kor. 4. 12. 1 Tes. 2. 9. 2 Tes. 3. 8.

4 Im ej kemeleleik ilōan imōn kwelok Sabat otemjej, im karel dri Ju ro im ro dri Grik.

jap. 17. 2.

5 Im ke Sailas im Timote rej itok jen Masedonia, elap an Paul itoklimon kin nan, im kennanek dri Ju ro bwe Jisôs e dri Kraist.

jap. 17. 14. 15. Job 32. 18.

6 Im ke rej jumae, im blaspim, ej kamôkôtkit nuknuk eo an, im ba ñôn ir, Bôtôktôkemi en ion bôrômi; ña I'reo: jen ien in I naj ilok ñôn dri ailiñ ko.

jap. 13. 45. Neh. 5. 13. Mat. 10. 14. jap. 13. 51. Levai 20. 9. Ezek. 3. 18. 19. jap. 28. 28.

7 Im ej ilok jen ijo, im dreloñ iloan imôn juôn armij, etan Taitôs Jôstôs, eo ej kabuñ ñôn Anij, mweo imôn ebake imôn kwelok.

8 Im Krispôs, iroi j eo an imôn kwelok, ej liki Iroi j, kab ro nukin otemjej; im elôñ ian dri Korint, ke rej roñjake, rej tômak im baptais.

1 Kor. 1. 14.

9 Inem Iroi j ej konono ñôn Paul ilo boñ kin višôn, im ba, Kwou jab mijôk, a konono, im jab ikôñ;

jap. 23. 11.

10 Bwe Ña Ij ber ibôm, im ejelok armij e naj maroñ in kôkkure yuk; bwe elôñ armij ro Aô ilo jikin kwelok in.

Jer. 1. 18. Mat. 23. 20.

11 Im ej ber ijo iomin juôn yiô im jiljino aliñ, im katakin ir kin nan in Anij.

12 Im ien eo, ke Gallio e prokon-sôl in Akeia, dri Ju ro rej jimor kâlok ñôn Paul, im añintok e ñôn jikin ekajet,

13 Im ba, Le in ej karel armij bwe ren kabuñ ñôn Anij jab ekar ñôn kien.

14 Im ke Paul e nañin walôñi loñin bwe en konono, Gallio ej ba ñôn dri Ju ro, Elañe men in men eo enana ak elap jerawiwi, O dri Ju ro, emôn bwe in meanwôr ñôn kom:

jap. 23. 29. & 25. 19.

15 A elañe men kein men in kajitôk kin nan ko im ât ko, im klemi, komin môke lale; bwe I jab kônan ekajet kin men ko.

16 Im ej kokok ir jen jikin ekajet.

178

17 Iuem ir otemjej rej jibwe Sostinis, iroi j an imôu kwelok, im dreñlokwe iman jikin ekajet. Im men kein men in jekron iben Gallio.

1 Kor. 1. 1.

18 Im elikin men in eto an Paul berwôt ijo, inem ej likit jimjân jimjâten, im jerôk jen ijo ñôn Siria, im Prisilla im Akula iben; e ar kwormat bôran in Senkria; bwe juôn an muri ñôn Anij.

Bwin. 6. 18. jap. 21. 24. Rom 16. 1.

19 Im ej itok ñôn Episôs, im likit irro ijo; a ej dreloñ iloan imôn kwelok, im kemeleleik iben dri Ju ro.

20 Ke rej kajitôk iben bwe en orlok ien an ber ibeir, e jab kônan;

21 A ej likit ir, im ba, Elañe Anij e kônan, I naj bar jeblak ñôn kom. Im ej jerôk jen Episôs.

jap. 19. 21. & 20. 16. 1 Kor. 4. 19. Hib. 6. 3. Jem. 4. 15.

22 Im ke emwij an to i Seseria, im wônliñlok, im yokyokwe eklisia, ej wônliñlok ñôn Antiok.

23 Im elikin an ber ijo jet ien, ej ilok im etetal jime i ene Galetia im Prija, im kakajur dri kalor otemjej.

Gal. 4. 14. jap. 14. 22.

24 Im juôn dri Ju, etan Apolôs, e ar lotak i Alexandria, e dri meletet, im e kajur ilo nan in Jeje ko, ej itok ñôn Episôs.

1 Kor. 1. 12. & 3. 5. 6. & 4. 6. Tait. 3. 13.

25 Armij in e ar katak kin ial in Iroi j; im kin an bôplolin, elap an konono im katakin men ko an Iroi j, e jela baptais an Jon wôt.

Rom 12. 11. jap. 19. 3.

26 Im e jino an konono beran iloan imôn kwelok: ke emwij an Akula im Prisilla roñjake, rejro bôk e ñôn ir, im kemeleleik im kalikarlok ial in Anij ñôn e.

27 Im ke e kônan ilok ilujen Akeia, jimjân jimjâten rej kaberan e im jeje ñôn ro dri kalor bwe ren bôk e: ke e mottok elap an jibôñ ro r'ar tômak kin joij;

1 Kor. 3. 6.

28 Bwe elap an kaikôñ dri Ju ro,

ilo bwillij, im ej kwalok kin Jeje ko bwe Jisös e dri Kraist.

jap. 9. 22. & 17. 3.

JAPTER 19.

IM ke Apollös ej ber i Korint, im emwij an Paul driblok ene ko ioij, ej itok ñön Episös im lo jet dri kalor;

1 Kor. 1. 12. & 3. 5, 6.

2 Im e ba ñön ir, Ien ami tömak kom ar böck Jitöb Kwojarjar ke? Im re ba ñön e, Jab. Kim ar jab roñ bwe emwij letok Jitöb Kwojarjar.

1 Samuel 3. 7. jap. 8. 16.

3 Im e ba ñön ir, Inem ilo ta kom ar baptais? Im re ba, Ilo baptais an Jon.

jap. 18. 25.

4 Inem Paul e ba, Jon e ar baptais kin baptais in ukwelok, im ba ñön armij, bwe ren liki Eo e naj itok elikin, E in Jisös.

Mat. 3. 11. Jon 1. 15. jap. 13. 24. 25.

5 Ke rej roñ men in, rej baptais ilo etan Iroi Jisös.

jap. 8. 16.

6 Im ke emwij an Paul likit pein ioir, Jitöb Kwojarjar ej itok ioir; im rej konono kin lo ko im drikanij.

jap. 2. 4. & 6. 6. & 10. 46.

7 Im rein otemjej enañin joñoul im ruo man rön.

8 Im ej dreloñ iloan imön kwe-lok, im ej konono beran iomin jilu aliñ, im kemeleleik im karel kin men ko an ailiñ in Anij.

jap. 17. 2. & 28. 23.

9 A ke jet rebin, im jab bokake, a rej konono nana kin Ial eo iman mejen jar eo, ej ilok jen ir, im ej kamökelok lair ro dri kalor, im ran otemjej ej kemeleleik ilo skul an Turannös.

2 Pit. 2. 2. jap. 9. 2. & 22. 4. & 24. 14.

10 Im ein men in drein iomin ruo yiö; inem ir otemjej rej jokwe i Esia rej roñ nan in Iroi Jisös, dri Ju ro im ro dri Grik.

jap. 20. 31.

11 Im Anij ej kömönmön jet men in bwilöñ relap kin pein Paul:

Mark 16. 20.

12 Bwe rej böcklok ankerjep ko ak köl ko jen eubwinin ñön ro re nañinmij, im nañinmij ko air rej ilok jen ir, im jitöb renana re jutöcklok jen ir.

2 Kin 4. 29.

13 A jet dri Ju, dri etetal, dri kajutöcklok, rej kajeofi bwe ren kir etan Iroi Jisös ion ro jitöb nana rej ber ibeir, im ba, Kim kanöjnj kom kin Jisös eo Paul ej kwalok kake.

Mat. 12. 27. Mark 9. 38. Luk 9. 49.

14 Im jiljilimjuön man nejin Siva, dri Ju, juön pris elap, rej kömöñ ein drein.

15 Im jitöb enana e uak im ba, Ij kili Jisös, im I jela Paul; a wön kom?

16 Im armij eo jitöb enana iben ej käik ir, im e kajur jen ir, im anjo ioir, einwöt re ko jen mwéo re kelwau im kinijnij.

17 Im dri Ju ro otemjej, im bareinwöt ro dri Grik rej jokwe i Episös re jela men in; im lelñofi e buñ ioir otemjej, im etan Iroi Jisös ebuñbuñlok.

jap. 2. 43.

18 Im elöñ ian ro r'ar tömak rej itok, im kwalok, im kajela kin kömöñ ko air.

Mat. 3. 6.

19 Im elöñ ian ro r'ar kömömu rej aini buk ko air, im tili iman mejen armij otemjej; im rej bwini wön-air, im lo e limñoul tausan mötön silver.

20 Ein drein an kanuij laplok im kajurlok nan in Anij.

jap. 6. 7. & 12. 24.

21 Ke emwij men kein, Paul ej bebe ilo buruen, möjen an driblok Masedonia im Akeia, en ilok ñön Jerusalem, im e ba, Elikin aö ber ijo, emön bwe in bareinwöt lo Rom.

Rom 15. 25. & 20. 22. jap. 18. 21. & 23. 11. Rom 15. 24-28.

22 Im ej jilkinlok ñön Masedonia

Timote im Erastös, ruo ian ro r'ar jiböñ e; a ej berwöt i Esia iomin jet ien.

jap. 13. 5. Rom 16. 23. 2 Tim. 4. 20.

23 Im ilo ien in elap jänene kin Ial eo ewalok.

2 Kor. 1. 8. jap. 9. 2.

24 Bwe juön eman etan Demitriös, dri jermal kin silver, eo ej kömön-mön im silver ko an Diena, ej bök jab erik wönan jermal fiön dri jermal ro;

jap. 16. 16, 19.

25 Ej kokweloklok ir, im dri jermal ro einwöt, im e ba, Löma, kom jela bwe kin jermal in jej bök mweler.

26 Im komij lo im roñ, bwe jab ilo Episös wöt, a ilo enaßin aolepen Esia, Paul in e ar karel im kejeor elöñ armij, im ba, men ko pä ko rej kömönmöni re jab anij:

Sam 115. 4. Isa. 44. 10-20. Jer. 10. 8.

27 Im e jab ar jermal wöt enaßin joko; a bareinwöt tempel an Diena, anij elap, e naj men in jekron, im e naj buñ jen wuj eo an, eo aolepen Esia im löi rej kabuñ fiön e.

28 Im ke rej roñjake men kein, rej obrök kin illu, im rej lamij, im ba, Elap Diena an dri Episös.

29 Im aolepen jikin kwelok eobrök kin keroro: im ke emwij air jibwe Geiös im Aristarkös, ro dri Masedonia, im rejro karwön Paul, rej jimor tör fiön iloan imön kuri.

Rom 16. 23. 1 Kor. 1. 14. jap. 20. 4. & 27. 2. Kol. 4. 10. Paul. 24.

30 Im ke Paul e könan drelofiok fiön armij rön, dri kalor re jab kötlök e.

31 Im jet ian ro dri Esiark, ro jeran Paul, rej jiliklok fiön e, im akwelap bwe en jab dreloñ iloan imön kuri.

32 Inem jet rej lamij kin juön nan, im jet ein juön; bwe jar eo rej airwaro; im elöñ iañ re jaje etke rej kweloklok.

33 Im jet rej kekake Alexander jen jar eo, dri Ju ro rej iunlok e. Im Alexander ej böprae kin pein,

180

im e könan kajime an armij lemnok kin e.

1 Tim. 1. 20. 2 Tim. 4. 14. jap. 12. 17.

34 A ke rej kili bwe e dri Ju, ir otemjej, ainikeñ wöt juön, iomin ruo auö rej lamij, Elap Diena an dri Episös.

35 Im ke emwij an dri jeje kökejeklokjen armij ro, e ba, Komeo, dri Episös, wön armij eo e jaje kijkan jikin kwelok an dri Episös e dri lale tempel an Diena elap, im men in e eo e ar buñ jen Jupiter?

36 Inem, bwe ejelok armij ej maroñ in konono nae men kein, emön komin kejeklokjen, im jab kömön jabrewöt e jämör.

37 Bwe kom ar añintok armij rein, ro r'ar jab kwot jen tempel ko, im re jab kajirere kake anij eo ami.

38 Inem elafie Demitriös, im ro dri jermal iben, eor men ko air nae jabrewöt armij, ebellok jikin ekajet ko, im eor prokonsöl: emön ren kinaklok dron.

39 A elafie komij kajitök kin men ko jet, naj kajime ilo jaran ekajet eo.

40 Bwe je naj uöta bwe ren kajitök iber kin men in keroro ran in, bwe ejelok unin: im kin e je naj ban uak kin jar in.

41 Im ke emwij an ba men kein, ej kötlök jar eo.

JAPTER 20.

Im ke emwij airwaro in, Paul ej kirtok ro dri kalor, im kowe ir, im ej drioiñ bwe en ilok fiön Masedonia.

1 Kor. 16. 6.

2 Im ke emwij an driblok ene ko, im lelok fiön ir elöñ nan in kowe, ej itok fiön Gris.

3 Im ej ber ijo iomin jilu aliñ. Im ke dri Ju ro rej noj air bebe nae e, ke e nañin jerok fiön Siria, ej bebe bwe en jeblak im driblok Masedonia.

jap. 9. 23.

4 Im Sopeter nejñ Pirrös, dri Beria, ej karwön e fiön Esia; kab

Aristarkōs im Sekōndōs ian dri Tessalonika; kab Geiōs dri Derbe, im Timote; kab Tikikōs im Tropimōs ian dri Esia.

jap. 16. 1. & 19. 29. & 21. 29. Ep. 6. 21. Kol. 4. 7. 2 Tim. 4. 12, 20. Tait. 3. 12.

5 A iriōñ re kar ilok mokta im rej kōtar kim i Troas.

6 Im kim jerōk jen Pilippai elikin ran ko ran in bred jab leven, im itok ñōn ibeir i Troas ilo ran ken ka lailim; kim ber ijo iomin jiljil-imjuōn ran.

Eks. 12. 14. & 23. 15. jap. 16. 8.

7 Im ilo ran eo mokta ilo wik, ke kim kweloklok kin ruj bred, Paul ej kemeleleik ñōn ir, e pojōk bwe en ilok ilju: im ej kaitoklok an kwalok ñōn lukwōn boñ.

jap. 2. 42, 46. 1 Kor. 10. 16. & 11. 20. & 16. 2. Rev. 1. 10.

8 Im elōñ lamp i bo eo, ijo kim ar kweloklok ie.

jap. 1. 13.

9 Im juōn likao etan Eutikōs ej jijōt ilo windo, im elap an kiki: im ke eto an Paul kwalok, ej kiki mitōñ, im buñ jen bo eo ken ka jilu, im rej kwotōk e emij.

10 Im Paul ej wōnlōllok im buñ ion, im jiburlep e im ba, Komin jab linō, bwe an mour ej ilo e.

1 Kin 17. 21. 2 Kin 4. 34. Mat. 9. 24.

11 Im ke ej bar wōnliñlok, im emwij an ruji bred, im mōña, im eto an konono, ñōn rantak, ein drein an ilok.

12 Im rej afintok likao emour, im jab erik air mōnōñō.

13 Im kim ar ilok mokta ion wa, im jerōk ñōn Assos, am lemnok kim naj ekōtōk Paul ijo; bwe ein drein an likite, im e mōke kōnan etal i ene.

14 Im ke ej ion kim i Assos, kim ekōtōk e, im itok ñōn Mitiline.

15 Im kim jerōk jen ijo, im itok ilju ikijen Kaiōs, im ilju kim bo i Semos; im ilju kim itok ñōn Mailitōs.

16 Bwe Paul e ar bebe e naj jerōk im kijone Episōs, bwe e jab kōnan ber jet ien i Esia: bwe ej kijorur,

bwe elañe ej maroñ, en ber i Jerusaleim ilo ran in Pentekost.

jap. 2. 1. & 18. 21. & 19. 21. & 24. 17. 1 Kor. 16. 8.

17 Im jen Mailitōs ej jiliklok ñōn Episōs, im kirtok elder ro an eklisia.

18 Im ke rej itok ñōn e, e ba ñōn ir, Komeo, kom jela, jen ran eo mokta ke I ar itok ñōn Esia, kijkan aō ber ibemi ien otemjej,

jap. 18. 19. & 19. 1, 10.

19 Im jerbal ñōn Iroj ilo elap etā buruō, im kin elōñ dren in kemjal, im iñtan ko, rej walok ñōn iō kin an dri Ju ro kejar iō,

20 Im ekijkan I ar jab drebij jen kom jabrewōt men in kakajuror, a I ar kwalok ñōn kom, im katakin kom ilo bwilij, im jen mweo ñōn mweo,

21 Im kennan ñōn dri Ju ro, im bareinwōt ñōn ro dri Grik, ukwelok ñōn Anij, im tōmak ar Iroj Jisōs Kraist.

Mark 1. 15. Luk 24. 47. jap. 2. 38. & 18. 5.

22 Im kiō, lo, elap kaur iō bwe in ilok ñōn Jerusalem, im I jaje men ko re naj walok ñōn iō ijo:

jap. 19. 21.

23 Ijoke Jitōb Kwojarjar ej kennan ñōn iō ilo jikin kwelok otemjej, im ba tomere ko im iñtan ko rej kōtar iō.

jap. 21. 4, 11. 1 Tes. 3. 3.

24 A ij lemnok aō mour men in jekron im jab aurōk iba, bwe in kamwijlok ial eo aō, im jerbal eo I ar bōk jen Iroj Jisōs, bwe in kennan gospel an joi in Anij.

jap. 21. 13. Rom 8. 35. 2 Kor. 4. 16. 2 Tim. 4. 7. jap. 1. 17. Gal. 1. 1. Tait. 1. 3.

25 Im kiō, lo, I jela bwe kom otemjej, ro I ar etetal ibemi im kwalok ailiñ eo, kom jamin bar lo meja.

26 Kin men in ij kennan ñōn kom ranin, bwe ña I'reo jen bōtōktōkin armij otemjej.

jap. 18. 6.

27 Bwe I ar jab drebij jabrewōt, im I ar kwalok ñōu kom aolepen bebe an Anij.

Luk 7. 30. Ep. 1. 11.

28 Inem komin kejbärok kom im lale aolepen bwij eo Jitöb Kwojar-jar e ar likit kom dri kaki ilo e, bwe komin najirik eklisia an Iroi, eo E ar wiaik kin bötöktök eo An.

1 Tim. 4. 16. 1 Pit. 5. 2. Ep. 1. 7, 14. Kol. 1. 14. Hib. 9. 12. 14. 1 Pit. 1. 19. Rev. 5. 9.

29 I jela bwe elikin aö ilok kiru wulf ko re kanuij lej, re naj dreloñ ibemi, im jab tiriamokake bwijin.

Mat. 7. 15.

30 Bar einwöt jet iami re naj ju-tök, im konono men ko r'ankeke, bwe ren karel ro dri kalor ilokair.

1 Tim. 1. 20. 1 Jon 2. 19.

31 Kin men in komin ekil, im kememej, bwe iomin jilu yiö, ran im boñ e ar jab mwij aö kowe kom otemjej ilo dren in kemjalal ko.

jap. 19. 10.

32 Im kiö, ij lelok kom ñön Anij, im ñön nan in joi eo An, eo e maroñ in kalek kom, im lewoj jolit eo ñön kom iben ro otemjej rokwojar-jar.

jap. 9. 31. & 26. 18. Ep. 1. 18. Hib. 9. 15.

33 Ejelok silver, ak gold, ak nuk-nuk an armij I ar ankwonaki.

1 Samuel 12. 3. 1 Kor. 9. 12. 2 Kor. 7. 2. & 11. 9. & 12. 17.

34 Aet, komeo, kom jela, bwe pä kä peiö r'ar jermal kin aikwij ko aö, im kin ro r'ar ber iba.

jap. 18. 3.

35 Im I ar lewoj ñön kom joñok kin men otemjej, kijkan kin ami jermal, ein drein emöñ komin jiböñ ro re möjino, im kememej nan ko an Jisös, ekijkan An ba, Mönömö in lelok elap jen bök.

Rom 15. 1. Ep. 4. 28. 1 Tes. 4. 11. & 5. 14. 2 Tes. 3. 8.

36 Im ke emwij an konono ein drein, ej bukwelölö im jar ibeir otemjej.

jap. 7. 60.

37 Im ir otemjej elap air jöñ, im buñ ion kenwan Paul, im mejen-maike.

38 Im tiriamo elap jen men otem-jej kin nan ko e ar konono, bwe re jamin bar lo mejen. Im rej kar-wön e ñön wa.

JAPTER 21.

IM ke emwij am ilok jen ir im je-iök, kim ar itok jime ñön Kos, im ran eo ilju ñön Rodes, im jen ijo ñön Petera:

2 Im ke kim ar lo juön wa ej jerök ñön Pinisia, kim uwe im jerök.

3 Im ke emwij am lo Salprös, kim likit e i anmiñ, im jerök ñön Siria, im tökak i Tair: bwe ijo wa eo ej äkto an koböp.

4 Im kim lo ro dri kalor, im ber ijo iomin jiljilimjuön ran; im re ba ñön Paul kin Jitöb, bwe en jab wönliñlok ñön Jerusalem.

jap. 20. 23.

5 Im ke ejemlok ran ko, kim ar ilok im etal, im ir otemjej kab ro beleir im ro nejir rej karwön kim, ñön ien eo kim ar elikin jikin kwe-lok; im kim bukwelölö ion kabbe, im jar.

jap. 20. 36.

6 Im ke emwij am yokyokwe dron, kimij bar uwe ion wa, a rej bar jeblak ñön mo ko imweir.

Jon 1. 11.

7 Im ke emwij am jerök jen Tair, im tökak ñön Ptolmeis, kim yokyokwe jimjän jimjäten, im ber ibeir iomin juön ran.

8 Im ran eo ilju kimij ilok, im itok ñön Seseria: im dreloñ illoan imöñ Pilip dri ewanjel, eo ian ro jiljilim-juön, im kimij ber iben.

Ep. 4. 11. 2 Tim. 4. 5. jap. 6. 5.

9 Im emen jiroñ nejin armij in, ro virjin, im rej drikanij.

jap. 2. 17. & 19. 6.

10 Im ke kim ber ijo iomin jet ran, juön dri kanan, etan Agebö, ej wönlöltak jen Judia.

jap. 11. 28.

11 Im ke ej itok ñön ibem, ej bök köñör eo an Paul, im ej möke liabe pein im nein, im ba, Jitöb Kwojar-jar e ba men in, E naj ein drein an dri Ju ro liabe armij eo an köñör in, im re naj ketök e ñön pein ro dri aillñ ko.

jap. 20. 23.

12 Im ke kim roñjake men kein, kim, im kab ro rej ber ijo, akwelap

ñōn e bwe en jab wōnliflok ñōu
Jerusalem.

13 Inem Paul e uak, Ta eo ami kō-
mōn kin ami jōñ im bukwe buruō?
bwe I pojōk jab bwe ren liabe iō
wōt, a bareinwōt bwe in mij i Jeru-
salem kin etan IroiJ Jisōs.

jap. 20. 24.

14 Im ke e jab kōnan bokake,
kim ar drebij loñim, im ba, En ber
wōt aukil an IroiJ.

Mat. 6. 10. Luk 11. 2.

15 Im elikin ran ko kim kwotōke
men ko am, im wōnliflok ñōn Je-
rusalem.

16 Jet ian dri kalor i Sesia rej
karwōn kim, im rej añintok ibeir
tok juōn e dri kalor jen eto, etan
Mnesōn dri Saiprōs, eo e naj lale
kim.

17 Im ke kim ar tōbar Jerusalem,
jimjān jimjāten rej bōk kim im
loñliñ.

jap. 15. 4.

18 Im ran eo ilju kimiōñ Paul
kim dreloñ ñōn iben Jemes; im
elder otemjej rej ijo.

jap. 15. 13. Gal. 1. 19.

19 Im ke emwij an yokyokwe ir
ej bwebwenato kin men otemjej an
Anij kōmōnmōn iben dri ailiñ ko
kin an jerbāl.

Rom 15. 18, 19. jap. 1. 17. & 15. 12.

20 Im ke rej roñjake, rej nebar
IroiJ, im ba ñōn e, Jeim im jātīm,
kwoj lo elōñ tausān dri Ju ro rej
tōmak; im ir otemjej re kijijeto
kin kien:

jap. 22. 3. Rom 10. 2. Gal. 1. 14.

21 Im r'ar roñ kin yuk, bwe kwoj
katakin dri Ju otemjej iben dri
ailiñ ko bwe ren illok jen Moses,
im ba emōn bwe ren jab mōjit ro
nejir, im jab bokake mōuit ko.

22 Inem e naj it? bwe emol re naj
roñ kin am itok.

23 Inem kwon kōmōnmōn men
in kimij ba ñōn yuk. Emen armij
ibem, nan in muri ñōn Anij ibeir;
24 Kwon bōk iriōñ, im karreo yuk
ibeir, im kōlā wōnāmīōñ, bwe ren
kwōrmat bōrair; im ir otemjej re
naj jela bwe men ko r'ar roñ kin

yuk, re jab mol; a bwe kwe kwoj
bareinwōt etal jinewōt, im bokake
kien.

Bwin. 6. 2, 18. jap. 18. 18.

25 A kin dri ailiñ ro rej tōmak,
kim ar jejelok im lelok am bebe
bwe ren kejbārok ir jen men in ka-
tok ñōn ekjōp ko, im jen bōtōktōk,
im jen men ko remij kin kul bu-
rueir, im jen lūñ.

jap. 15. 20. 29.

26 Inem Paul ej añintok armij ro,
im ilo ran eo ilju ej mōke karreo e
ibeir im dreloñ illoan tempel, bwe en
kwalok bwe ejelit ran ko an karreo
ñōn ien eo naj katok kin men in
katok kin ir otemjej.

jap. 24. 18. Bwin. 6. 13.

27 Im ke jiljilimjuōn ran ko re
nañin joko, dri Ju ro dri Esia, ke
rej lo e illoan tempel, rej kejānene
armij otemjej im likit peir ion,

jap. 26. 21.

28 Im lamiJ, Armij in Israel, Ko-
min jibōñ. Armij in eo ej kata-
kin armij otemjej i ene otemjej im
jumae armij rōn, im kien, im jikin
in; im bar jet, e ar añintok ro dri
Grik na illoan tempel, im kauanaik
jikin kwojarjar in.

jap. 24. 6.

29 Bwe mokta r'ar lo Tropimōs,
dri Episōs, iben illoan jikin kwelok,
im r'ar lemnok Paul e ar añintok e
illoan tempel.

jap. 20. 4.

30 Imaolepen jikin kwelok ej jeu-
rur, im armij rej tōr im jimor kwe-
loklok: im rej jibwe Paul, im ke-
kake e jen tempel: im emōkōj air
kil aur ko.

jap. 26. 21.

31 Im ke rej bukot bwe ren mōn
e, nan ej ilok ñōn kapen elap an jar
an tōrinae, bwe aolepen Jerusalem
e jeurur:

32 Im emōkōj an añintok ro dri
tōrinae im senturiōn ro, im tōrlōl
ñōn ir: im ke rej lo kapen elap im
ro dri tōrinae rej likit air dreñlo-
kwe Paul.

jap. 23. 27. & 24. 7.

33 Inem kapen eo elap ej kebake,
183

im jibwe e, im jiroñ bwe ren liabe kin ruo tomere; im ej kajitök wön e, im ta eo e ar kömöne.

jap. 20. 23.

34 Im jet rej lamij kin juön, im jet ein juön, ian jar eo: im ke e ban kanuij jela kake kin air keroro, e jiroñ bwe ren añinlok e na iloan imön bar.

35 Im ke ej ber ion ken uwe ej einwöt ro dri törinae rej kwotöke kin an jar eo kobaj e.

36 Bwe elöñ ian jar eo rej lore, im lamij, Jolok e.

Luk 23. 18. Jon 19. 15. jap. 22. 22.

37 Im ke re nañin kadreloñ Paul iloan imön bar, e ba ñön kapen eo elap, Emön ke in konono ñön yuk? E ba, Kwo jela ke kajen Grik?

38 Kwo jab dri Ijpt eo ran ko mokta e ar kabata ibeir im añinlok emen tausan armij ro dr'uror ilo ene jemaren ke?

jap. 5. 36.

39 A Paul e ba, Ña dri Ju lotak ilo Tarsös, i Silisia, dri jikin kwelok e jab erik: im ij akwelap ñön yuk, kwon kötlok iö bwe in konono ñön armij rön.

jap. 9. 11. & 22. 3.

40 Im ke emwij an kötlok e, Paul e jutök ion ken uwe, im boprae kin pein. Im ke elap air iköñ, ej konono ñön ir ilo kajen Hibru, im ba,

jap. 12. 17.

JAPTER 22.

A RMIJ, kom jeiö im jätiö, im ro jema, komin karoñjake aö nan in kemeleleik ij kwalok ñön kom klö.

jap. 7. 2.

2 Im ke rej roñ bwe ej konono ñön ir ilo kajen Hibru, elaplok air karofilokjen; im ej ba,

3 Ña dri Ju, lotak ilo Tarsös, jikin kwelok i Silisia, a I ar katak ilo jikin kwelok in iturin neen Gameliel, ar katakin iö jimewöt kin kien ro jimar, im I ar kijejeto ñön Anij, einwöt kom otemjej ranin.

jap. 21. 39. 2 Kor. 11. 22. Pil. 3. 5. 2 Kin 4. 38. 1 jap. 5. 34. & 26. 5. & 21. 20. Gal. 1. 14.

4 Im I ar matörtör Ial in ñön mij,

184

ij liabe im ketök man ro im köra ro ñön iloan prisön ko.

jap. 8. 3.

5 Im bareinwöt pris eo elap ej kennan kin iö, kab elder ro otemjej: jen ir I ar bareinwöt böc letter ko ñön jimjān jimjāten, im ilok ñön Damaskös, bwe in añintok ro ar liabe ir ñön Jerusalem, bwe ren mön ir.

Luk 22. 66. jap. 9. 2. & 26. 10, 12.

6 Im ke I ar ilok ie lok, im kebak Damaskös, enanin beriolap, emököj an juön maram elap romak jen löñ ituriö.

jap. 9. 3. & 26. 12.

7 Im ij buñ ion brij, im ij roñ ainiken ej ba ñön iö, Saul, Saul, etke kwoj matörtör iö?

8 Im I ar uak, Iroj, wön Kwe? Im E ba ñön iö, Ña e Jisös dri Nazeret, eo kwoj motörtöre.

9 Im ro r'ar ber iba, r'ar lo maram eo, im rej lelñöñ; a re jab roñ ainiken Eo e ar konono ñön iö.

Dan. 10. 7.

10 Im I ar ba, Iroj, ta eo in kömönmöne? Im Iroj e ba ñön iö, Kwon jerkak, im ilok ñön Damaskös; im ijo naj kennanek yuk men ko otemjej likit ñön yuk bwe kwon kömönmöni.

11 Im ke I ban lolokjen kin wuj in maram eo, ro r'ar ber iba rej tel iö kin peir, im ij itok ñön Damaskös.

12 Im juön Anenaiös, emön mwilin kin kien, im dri Ju otemjej rej jokwe ijo rej nebar e,

jap. 9. 17. & 10. 22.

13 Ej itok ñön iba, im jutök ituriö, im ba ñön iö, Jätiö Saul, kwon lolokjen. Im ilo auö eo ij reilok ñön e.

14 Im e ba, Anij an ro jimar E ar likit yuk bwe kwon jela ankil An, im lo Eo Ekwojarjar, im roñjake ainiken jen loñin.

jap. 3. 13. & 5. 30. & 26. 16. 1 Kor. 9. 1. & 15. 8. 1 jap. 3. 14. & 7. 52. 1 Kor. 11. 23. Gal. 1. 12.

15 Bwe kwo naj An dri kennan

ñõn armij otemjej kin men ko kw'ar loi im roñjaki.

jap. 23. 11. jap. 4. 20. & 26. 10.

16 Im kiõ etke kwoj rumij? kwon jerkak, im baptals, im kwolilok jerawiwi ko am, im kabuñ kin Etan.

jap. 2. 38. & 9. 14. Hib. 10. 22.

17 Im ke I ar jebłaktok ñõn Jerusalem, im ke I ar jar iloan tempel, ij ber ilo trans,

jap. 9. 28. 2 Kor. 12. 2.

18 Im ij lo An ba ñõn iõ, Kwon kijorur im mőkõjlok jen Jerusalem: bwe re jamin bøk am kennan kin Iõ.

19 Im ij ba, Iroij re jela bwe I ar prisõn im drefłlokwe iloan imõn kwelok otemjej ro rej liki Yuk:

Mat. 10. 17.

20 Im ke r'ar lutøk dra'n dri kennan eo Am, Stipen, I ar jutøk ijo, im bøk ñõn burueir, im lale nuk-nuk ko an ro r'ar mõn e.

jap. 7. 58. & 8. 1. Rom 1. 32.

21 Im E ba ñõn iõ, Kwon ilok: bwe I naj jilkinlok yuk etolok ñõn ro dri ailiñ.

jap. 9. 15. & 23. 17. Rom 1. 5. & 11. 13. & 15. 16.

22 Im rej roñjake mae nan in, inem rej koutiej ainikeir, im ba, En joko lein jen löl; bwe e jab emõn bwe en mour.

jap. 21. 36. & 25. 24.

23 Im ke rej lamij, im julok nuk-nuk ko air, im julifłlok brij,

24 Kapen eo elap e jiroñ bwe ren añintok e na iloan imõn bar, im ba bwe ren kajitõkin e kin drefłlok; bwe en jela etke elap air lamij im einwõt nae e.

25 Im ke emwij air lukwoj e kin kilin kiru ko, Paul e ba ñõn senturiõn eo e jutøk ijo, Emelim ke ami drefłlok juõn armij, dri Rom, im jañin liakelok e?

jap. 16. 37.

26 Ke senturiõn ej roñjake men in, ej ilok im kennanek kapen eo elap, im ba, Ta eo kwo nañin kãmõne? bwe armij in dri Rom.

27 Inem kapen eo elap ej itok, im

ba ñõn e, Kwon kennanek iõ, kwe dri Rom ke? E ba, Aet.

28 Im kapen elap e uak e, Kin elap wõnan I ar bøk bwe in dri Rom. Im Paul e ba, A ña ij lotak im ein drein.

29 Inem emõkõj an ro re nañin kajitõkin e ilok jen e; bareinwõt kapen elap em'jøk, elikin an jela bwe e dri Rom, im bwe e ar lukwoj e.

30 Ke ilju, bwe e kõnan kanuij jela etke dri Ju ro r'ar kinaklok e, ej kõtlok e, im jiroñ pris ro relap im dri bebe otemjej bwe ren kweloklok, im ej añinlöl Paul, im kajutøk e imair.

JAPTER 23.

IM Paul ej kalimjeke dri bebe rõn, im ba, Komeo, jeĩõ im jãtiõ, I ar ber im kãmõn ilo aõ bøklikõt emõn wõt iman mejen Anij ñõn ranin.

jap. 24. 16. 1 Kor. 4. 4. 2 Kor. 1. 12. & 4. 2. 2 Tim. 1. 3. Hib. 13. 18.

2 Im Anenaiõs, pris eo elap, e jiroñ ro rej jutøk iturin bwe ren ubrare loñin.

1 Kin 22. 24.

3 Inem Paul e ba ñõn e, Anij e naj ubrare yuk, kwo worwor emouj: im kwoj jijõt im ekajete iõ kin kien, im jiroñ bwe ren ubrar iõ jab ekar ñõn kien ke?

Dut. 25. 1, 2. Jon 7. 51.

4 Im ro rej jutøk iturin re ba, Kwoj kajirere kake pris eo elap an Anij ke?

5 Inem Paul e ba, Kom jeĩõ im jãtiõ, I ar jaje bwe e pris eo elap: bwe ar jeje, Kwon jab konono ena-na kin iroij eo an dri ailiñ ro am.

jap. 24. 17. Eks. 22. 28. Ekl. 10. 20.

6 A ke Paul ej kili bwe jet dri Saddusi, im jet dri Parisi, ej lamij ilo bebe eo, Kom jeĩõ im jãtiõ, ña dri Parisi, nejn dri Parisi: rej kajitõkin iõ kin kejatrikrik im jerkakbiji an ro remij.

jap. 24. 15, 21. & 26. 5, 6. & 28. 20. Pall. 3. 5.

7 Im ke emwij an Paul ba ein drein, juõn akwail e walok iben

Parisi ro im Saddusi ro: im jar eo ejibil.

8 Bwe Saddusi ro re ba, ejelok jerkakbiji, im ejelok enjel ak jitöb: a Parisi ro rej kwalok men kein ruo.

Mat. 22. 23. Mark 12. 18. Luk 20. 27.

9 Im juön keroro elap e walok, im skraib ro ian Parisi ro re jutök, im akwail, im ba, Kim jab lo nana iben armij in: a ta eo elañe juön jitöb ak juön enjel e ar konono ñön e?

jap. 5. 30. & 22. 7. 17, 18.

10 Im ke elap akwail, kapen elap, e mijök kin air naj kokkure Paul, im e jiroñ dri törinae bwe ren wön-löl, im bök e jen ir kin kajur, im añintok e na iloan imön bar.

11 Im boñin eo tokelik, Iroi e jutök iben im ba, Paul, kwon beran: bwe einwöt kw'ar kennan kin Iö i Jerusalem, ein drein bareinwöt kwo naj kennan ilo Rom.

jap. 18. 9. & 27. 23, 24.

12 Im ke erantak, jet ian dri Ju rej koba, im möke liabe ir kin juön kanöjnjij, im ba re jamin möña ak irak ñön elikin air mön Paul.

jap. 25. 3.

13 Im elöñ jen eñoul rej koba ilo nan in kanöjnjij in.

14 Im rej itok ñön pris ro relap im elder ro, im ba, Kim ar möke liabe kim kin juön kanöjnjij elap, bwe kim jamin erjoñ jabrewöt ñön ien eo kim naj mön Paul.

15 Inem kiö, kom kab dri bebe, komin ba ñön kapen elap, bwe en añinlölak e ñön kom einwöt bwe kom kōnan bar kajitökin e elap jen mokta: a kim, ñe ej ebak, kimij pojök bwe kimin mön e.

16 Im ke möñren Paul ej roñ kin air kejar e, ej ilok im dreloñ iloan imön bar im keunanek Paul.

17 Im Paul ej kirtok juön ian senturiön ro ñön e im ba, Kwon añinlok likao in ñön kapen elap; bwe eor nan iben e kōnan kennanek e.

18 Inem ej bök e, im añinlok e nōn kapen elap, im ba, Paul, dri

prisōn, e ar kirtok iö, im akwelap ñön iö bwe in añinwoj likao in ñön kwe, bwe eor nan iben e kōnan konono ñön yuk.

19 Inem kapen elap ej kapjere pein, im möke ilok iben lok, im kajitök, Ta eo kwo kōnan ken-nanek iö?

20 Im e ba, Dri Ju ro burueir wöt juön kin air akwelap ñön yuk bwe kwon añinlölak Paul ran eo ilju ilo bebe eo, einwöt bwe re kōnan bar kajitökin e elap jen mokta.

21 Inem kwon jab bokake ir: bwe elöñ jen eñoul armij iair rej kejar e, im r'ar möke liabe ir kin juön kanöjnjij elap, bwe re jamin möña ak irak ñön elikin ien eo re naj mön e: im kiö re pojök, im kōtar juön nan in kalimur jen yuk.

22 Inem kapen elap ej kōtlok likao eo, im jiroñ e, Kwon jab ken-nanek jabrewöt armij kin am kwalok men kein ñön iö.

23 Im ej kirtok ruo ian senturiön ro, im ba, Kapoj rubuki dri törinae bwe ren ilok ñön Sesaria, im jiljil-imjuöñoul ro rej uwe ion hors, im rubuki ro rej bök möri, ñe ken ka druatimjuön auö ilo boñ;

24 Im kapojök kiru ko, bwe ren kajijöt Paul loir, im añinloke im wōnake ñön Filix iroi.

25 Im ej jeje letter einwöt in:

26 Klaudiös Lisiös ñön Filix, iroi emön potata, Yokwe yuk.

27 Dri Ju ro r'ar jibwe armij in im re nañin mön e: inem ij itok kin jaran törinae, im lomoren e, bwe I ar roñ bwe e dri Rom.

jap. 21. 33. & 24. 7.

28 Im ke I kōnan jela men eo r'ar kinaklok e kake, I ar añinlok e ñön air bebe:

jap. 22. 30.

29 Im ij lo bwe rej kinaklok e kin kajitök ko ilo kieir, a ejelok ruön bwe in mön ak liabe.

jap. 18. 15. & 25. 19. & 23. 31.

30 Im ke emwij kennanek iö kij-kan dri Ju ro kejar armij in, emö-köj aö jilkiuwoj e ñön yuk im

bareinwöt jiroñ ro dri kinaklok
bwe ren ba nae e iman mejöm.

jap. 24. 8. & 25. 6.

31 Inem dri törinae, einwöt ar jiroñ ir, rej bök Paul, im aäinlok e ilo boñ ñön Antipetris.

32 A ke ilju rej likit ro rej uwe ion hors bwe ren ilok iben lok, a rej jeblak ñön imön bar:

33 Ke rej itok ñön Seteria, rej lelok letter eo ñön iroi, rej bareinwöt lelok Paul ñön e.

34 Im ke emwij an iroi konono ilo letter in, ej kajitök ene öt eo ej jen e. Im ke e jela bwe e dri Silisia;

jap. 21. 39.

35 E ba, I naj roñ men ko jet kin yuk, ñe dri kinaklok yuk rej bareinwöt itok. Im e jiroñ bwe ren lale e iloan imön Heröd.

jap. 24. 1, 10. Mat. 27. 27.

JAPTER 24.

IM elikin lailim ran, Anenaiös pris eo elap ej wönlöltak kab jet ian elder ro, im juön eman e wäjeberik etan Tertöllios, im rej kinaklok Paul ñön iroi eo.

jap. 21. 27. & 23. 2, 30, 35. & 25. 2.

2 Im ke emwij air kirtok e, Tertöllios e jino an kinaklok e, im ba, Bwe kin yuk elap alnemön ej ibem, im kin am lale mokta kwoj kajime nana ko ñön ailiñ in,

3 Kimij bök men in ien otemjej, im ijo ko otemjej, O Filix emöu potata, kin kamolot otemjej.

4 A bwe in jab kamök yuk kin bar jet, ij akwelap ñön yuk bwe, ilo am joi, kwoñ roñjake eiet amuij nan.

5 Bwe kim ar lo armij in e dri nana, im e dri biuktöki bata iben dri Ju ro otemjej i aolepen lö, im e dri tel elap ilo jar an dri Nazerin.

jap. 17. 6. & 21. 28. 1 Pit. 2. 12, 15.

6 Bareinwöt ej kajeon bwe en kananaik tempel eo: im kim ar jibwe;

jap. 21. 28. Jon 18. 31.

8 Jen eo, kin am kajitökin e, kwo

naj maroñ in jela men kein otemjej, kim kinaklok e kake.

jap. 23. 30.

9 Im dri Ju rej bök ñön buruen, im ba, ein drein men kein otemjej.

10 Im ke emwij an iroi romeje bwe en konono, Paul ej uak, Bwe ij jela kin am iroi in ekajet ñön dri ailiñ in iomin eloñ yiö, elap aö löñliñ im uak kin iö möke:

11 Bwe kwo maroñ in jela bwe e jab eloñ jen joñoul im ruo ran jen ien eo I ar wönlöltak ñön Jerusalem bwe in kabuñ.

jap. 21. 26.

12 Im r'ar jab lo iö iloan tempel im akwai iben jabrewöt armij ak biuktöki jar eo, jab iloan imön kwelok ko, jab ilo jikin kwelok;

jap. 25. 8. & 28. 17.

13 Im re jab maroñ in kamol ñön kwe men kein rej kinaklok iö kaki kiö.

14 A ij kwalok men in ñön yuk, bwe ilo Ial eo re ba ebwir, ein drein ij kabuñ ñön Anij an ro jema, im tömak men otemjej ekar ñön kien ak jeje ilo dri kanan ro:

jap. 9. 2. 2 Tim. 1. 3. 1 jap. 26. 22. & 28. 23.

15 Im ij kejatrikrik iö ilo Anij kin men in, im bareinwöt ir rej kötmene, bwe ro remön im ro renana re naj jerkakbiji.

jap. 23. 6. Dan. 12. 2. Jon 5. 28, 29.

16 Im ilo men in ña ij bareinwöt kajeon bwe en aö bökliköt emön im ejelok notan ñön Anij im ñön armij ien otemjej.

jap. 23. 1.

17 Kiö elikin jet yiö I ar itok bwe in böktok mweien tiriamo ñön dri ailiñ eo aö, im men in jurtak.

jap. 11. 29, 30. & 20. 16. Rom 15. 28. 2 Kor. 8. 4. Gal. 2. 10.

18 Ilo men kein jet dri Ju jen Esia r'ar lo iö I'reo iloan tempel, jab iben jar, jab ilo iruij:

jap. 21. 26. 27. & 28. 21.

19 Im emön ren ber ijin iman mejöm, im kinaklok, elañe re jela jabrewöt notaö.

jap. 23. 30. & 25. 16.

20 Ak, rein rej ber ijin, emön ren

ba, kōmōn ōt enana rej lo, ke I ar jutōk iman mejen bebe eo,

21 Elaņe jab kin ainikiō in wōt, ke I ar jutōk iolapeir im lamij, Kin jerkakbiji an ro remij rej kajitōkin iō iman mejemi ranin.

jap. 23. 6. & 23. 20.

22 A Filix, bwe elaplok an jela kajen Ial eo, ej bōprae ir, im ba, Ņe Lisiōs, kapen elap, ej wōnlōltak, I naj bebe kin men ko ami.

23 Im ej jirofi senturiōn eo bwe en bar Paul, im kwalok joij fiōn e, im jab bōprae ro jeran űe rej jerbal fiōn e.

jap. 27. 3. & 23. 16.

24 Im elikin jet ran, Filix kab lio belen Drusilla, eo dri Ju, rejro itok, im ej jiliklok fiōn Paul bwe en itok, im rofi jen e kin tōmak Kraist Jisōs.

25 Im ke ej kemeleleik kin kwojarjar, im jādōr, im ekajet eo ej itok, Filix e lelfiōfi im uak, Kwon ilok kiō; űe juōn ien emōn iba, I naj kirtok yuk.

26 Im bareinwōt ej kōtōmene bwe Paul e naj lelok mōnni fiōn e. Kin men in ej jiliklok fiōn e elōfi lok alen, im komaō iben.

Eks. 23. 8.

27 A ke ruo yiō ejemlok Porsiōs Festōs ej binej jenkwon Filix; im Filix ej likit Paul im lukwoje, bwe e kōnan kabuñburuen dri Ju ro.

jap. 12. 3. & 25. 9.

JAPTER 25.

INEM ke Festōs ej itok ilo ene eo, elikin jilu ran, ej wōnlifiōk jen Sесeria fiōn Jerusalem.

2 Inem pris eo elap, im leātōktōk an dri Ju ro rej kinaklok Paul fiōn e, im akwelap fiōn e,

jap. 24. 1.

3 Im kōnan men in joij nae e, bwe en jiliklok fiōn e bwe en itok fiōn Jerusalem, im rej noj air bebe bwe ren mōn e ilo ial.

jap. 23. 12.

4 A Festōs e uak bwe rej bar Paul i Sесeria, im e mōke nañin ilok fiōn ijo mōkōj.

5 Inem, e ba, Emōn ro iami rej maroñ, ren wōnlōllok iba, im kinaklok armij in, elaņe eor nana iben.

jap. 18. 14.

6 Im ke emwij an ber ibeir jab elōfi jen dualitōk ak joñoul ran, ej wōnlōllok fiōn Sесeria; im ran eo ilju ej jijōt ion jikin ekajet, im ej jirofi bwe ren añintok Paul.

7 Im ke emottok, dri Ju ro, r'ar wōnlōltak jen Jerusalem, rej jutōk im kabol e, im rej bōktok elōfi im rebin nan in kinaklok Paul, men ko re jab maroñ in kamoli;

Mark 15. 3. Luk 23. 2, 10. jap. 24. 5, 13.

8 Ke Paul ej uak kin e mōke, im ba, I ar jab kōmōmōn jirik wōt enana nae kien dri Ju ro, jab nae tempel, jab nae Sizar.

jap. 6. 13. & 24. 12. & 28. 17.

9 A Festōs, ke e kōnan kabuñburuen dri Ju ro, e uak Paul, im ba, Kwo kōnan wōnlifiōk fiōn Jerusalem, im ekajet yuk ijo kin men kein imaō ke?

jap. 24. 27.

10 Inem Paul e ba, Ij jutōk i jikin ekajet an Sizar, ijo emōn ekajet iō; ejelok nana I ar kōmōn nae dri Ju ro, im ein drein am bareinwōt kanuij jela kake.

11 Bwe elaņe űa juōn enana, ak eor ruō bwe in mij, I jab kajitōk bwe in mour; a elaņe ejelok juōn ian men kein emol, men ko rej kinaklok iō kaki, ejelok armij ej maroñ in ketōk iō fiōn ir. Sizar en dri ekajet iō.

jap. 18. 14. & 28. 19.

12 Inem ke emwij an Festōs bebe iben ro dri ekajet, e uak, Kwōj ba ke Sizar en ekajet yuk? kwo naj ilok fiōn Sizar.

13 Im elikin jet ran, kiñ Agrippa im Bernis rejro itok fiōn Sесeria, im yokyokwe Festōs.

14 Im ke r'ar ber ijo iomin elōfi ran, Festōs ej kwalok men ko an Paul fiōn kiñ eo, im ba, Filix e ar likit juōn armij dri prisōn;

jap. 24. 27.

15 Eo ke I ar ber i Jerusalem, pris

ro relap im elder ro an dri Ju r'ar kennanek ið kake, im re kõnan nan in liakelok nae e.

16 I ar uak ir, E jab mõnit an dri Rom bwe ren ketõk jabrewõt armij, mokta jen e im dri kinaklok rej kweloklok jelmae dron, im likit e bwe en uak ir kin men eo enana r'ar kinaklok e kake.

17 Inem ke r'ar kweloktok ijin, e jab rumij að jijõt ran eo ilju ion jikin ekajet, im jiroñ bwe ren añintok armij eo.

18 Ke dri kinaklok rej jutõk, re jab bõktok nan in kinaklok kin men ko renana I ar lemnok kaki:

19 A eor air nan in kajitõkin e kin air kabuñ wõt, im kin juõn Jisõs eo emij, a Paul e ba E mour.

jap. 18. 15. & 23. 20.

20 Im bwe I ar jaje ekijkan in kajitõk kin men kein, I ar ba, Emõn ke kwon ilok ñõn Jerusalem im ekajet yuk kin men kein, ak jab?

21 A ke Paul e ar ba bwe en beriwõt ñõn ekajet eo an Augõstõs, I ar jiroñ bwe ren kejbãrok e ñõn ien eo I naj jilkinlok e ñõn Sizar.

22 Inem Agrippa e ba ñõn Festõs, Bareinwõt ña Ij kõnan roñ armij in. E ba, Ilju kwo naj roñjake.

jap. 9. 15.

23 Im ilju ke emwij an Agrippa itok im Bernis kin elap wuj, im rej dreloñ illoan jikin roñjake, iben kapen ro relap, im leãtõktõk ro an jikin kwelok eo, Festõs e jiroñ bwe ren añintok Paul.

24 Im Festõs e ba, Kiñ Agrippa, im armij otemjej ijin ibem, komij lo armij in, kin e aolepen jar an dri Ju ro rej kajitõk iba i Jerusalem, im ijin, im lamij e jab emõn bwe en ber im mour ñõn jirik.

jap. 22. 22.

25 A ke I ar lo ejelok nana e kar kõmõn bwe en mij, im e ar mõke ba bwe Augõstõs en ekajete, I ar bebe bwe in jilkinlok e.

jap. 23. 9, 20. & 26. 31.

26 Ejelok men eo emol iba bwe in

jejelok ñõn að iroj kin e. Kin men in ij añintok e imami, im elaptata imam, O kiñ Agrippa, bwe ñe emwij kajitõkin e, en or men ko iba bwe in jeje.

27 Bwe ij lemnok, e jab emõn bwe in jilkinlok juõn dri prisõn, im jab kwalok men ko ar kinaklok e kaki.

JAPTER 26.

INEM Agrippa e ba ñõn Paul, Emelim bwe kwon mõke konono kin yuk. Inem Paul ej erlo-kwe pein im uak kin e:

2 Ebuñburuð, Kiñ Agrippa, bwe ij uak ranin kin ið ñõn yuk kin men ko otemjej, dri Ju ro r'ar kinaklok ið kaki:

3 Elaptata bwe I jela elap an metlet kin mõnit otemjej, im nan in kajitõk ko iben dri Ju ro: kin men in ij akwelap ñõn yuk bwe kwon jab kiral kin am roñjake ið.

4 Að ber im kõmõn jen ke I ar inono, r'ar iben dri ailiñ eo að jen jinoin i Jerusalem, im dri Ju ro otemjej re jela kajeir;

5 Ro r'ar jela ña jen jinoin, elañe re kõnan kennan, bwe ij mour dri Parisi an jar ebin otem bin ilo amuij kabuñ.

jap. 22. 3. & 23. 6. Pil. 3. 5.

6 Im kið ij jutõk bwe ren ekajet ið kin kejatirikrik in kallmur eo Anij e ar lelok ñõn ro jimam;

Jen. 3. 15. Rom 15. 8. Tait. 2. 13.

7 Joñoul im ruo am bwijin, ke elap air jerbak ñõn Anij boñ im ran, rej kõtõmene bwe re naj tõbrõk kallmur eo. Kin kejatirikrik in, O kiñ Agrippa, dri Ju rej kinaklok ið.

Jem. 1. 1. Luk 2. 37. Pil. 3. 11.

8 Etke men in elap jen am maroñ im tõmak e, elañe Anij ej kejerkak-biji ro remij?

9 Emol I ar lemnok iba, emõn in kõmõn elõñ men ko nae etan Jisõs dri Nazeret.

1 Tim. 1. 13.

10 Aet, I ar kõmõn ein drein i Jerusalem: im elõñ ian ro remõn I ar kil ir na illoan prisõn, kiu nan I ar

bōki jen pris ro relap: im ke ar mōn ir, I ar koutiej ainikiō nae ir.

jap. 8. 3. & 9. 14, 21. & 22. 5.

11 Im elōñ alen I ar kokkure ir iloan imōn kwelok otemjej, im karel ir bwe ren blaspim: im bwe e kanuij elap aō uriekak nae ir, I ar matōrtōr ir ñōn jikin kwelok ko an ro drua.

jap. 22. 19.

12 Ilo men kein, ke I ar ilok ñōn Damaskōs kin nan im jeje jen pris ro relap,

jap. 9. 3. & 22. 6.

13 Ke beriolap, O kiñ, I ar lo ilo ial maram jen lōñ, elap an jatōlttil jen al, ej romak ituriō im ro r'ar etal iba lok.

14 Im ke kim otemjej ar buñ ion lōl, I ar roñ juōn ainiken ej konono ñōn iō, im ba ilo kajin Hibru, Saul, eke kwoj matōrtōr Iō? enana am kaitak neōm ilo men ko rekōñ.

15 Im ij ba, Iroiñ wōn Kwe? Im E ba, Ña Jisōs eo kwoj matōrtōr E.

16 A kwon jerkak, im jutōk kin neōm: bwe Ij weaktok ñōn yuk kin men in, bwe In likit yuk dri kaki im dri kennan kin men kein kw'ar loi, im kin men ko I naj weaktok ñōn yuk kaki:

jap. 22. 15.

17 Im kōtlok yuk jen armij ro, im jen dri alliñ ko, Ij jilkinlok yuk ñōn ir,

jap. 22. 21.

18 Bwe kwon kebellok mejeir, bwe ren oktōk jen marok ñōn maram, im jen kajur an Setan ñōn Anij, bwe ren bōk jurlok jerawiwi ko, im air jolit iben ro remōu kin air liki Ña.

Isa. 35. 5. & 42. 7. Luk 1. 79. Jon 8. 12. 2 Kor. 4. 4. 1 Tes. 5. 5. 2 Kor. 6. 14. Ep. 4. 18. & 5. 8. 1 Pit. 2. 9. jap. 20. 32.

19 Kin men keiu, O kiñ Agrippa, I ar jab kiblia ñōn višōn eo jen lōñ.

20 A I ar kwalok mokta ñōn ro i Damaskōs, im i Jērusalem, im ilo aolepen ene Judia, im ñōn dri alliñ ko, bwe ren ukwelok ibeir im ok-

190

tōk ñōn Anij, im kōmōnmōn jerb-al ko rekar ñōn ukwelok.

jap. 9. 20, 22, 29. & 11. 26.

21 Kin men kein, dri Ju ro, ke r'ar lo iō iloan tempel, rej kajeon bwe ren mōn iō.

jap. 21. 30, 31.

22 Inem, kin aō bōk jibōñ jen Anij, ij jutōk ñōn ranin, im kennan ñōn ro redrik im ro relap, im ba men ko wōt dri kanan ro im Moses r'ar ba e naj itok;

Luk 24. 27, 44. jap. 24. 14. & 28. 23.

23 Ekijkan Kraist e naj iñtan, im E, kin jerkakbiji an ro remij, naj kwalok maram ñōu armij ro, im ñōn dri alliñ ko.

1 Kor. 15. 20. Kol. 1. 18. Rev. 1. 5. Luk 2. 32.

24 Im ke ej konono ein drein kin e, Festōs e ba, im elap ainiken, Paul, kwoj uriekak; am meletlet elap ej ukot yuk ñōn uriekak.

2 Kin 9. 11. Jon 10. 20. 1 Kor. 1. 23. & 2. 14. & 4. 10.

25 A Paul ej ba, I jab uriekak, O Festōs emōn potata; a ij kwalok nan ko remol im ko rejime.

26 Bwe kiñ ne e jela men kein, ñōn eo ij bareinwōt wujlep im konono; bwe ij lemnok ejelok ian men kein etino jen e; bwe men in ar jab kōmōne ilo etino.

27 Kiñ Agrippa, kwoj tōmak ro dri kanan ke? I jela kwoj tōmak.

28 Inem Agrippa e ba ñōn Paul, Ilo jirik, kwoj karel iō bwe in dri Kristian.

29 Im Paul e ba, Ij jar im kajitōk iben Anij, bwe jab kwe wōt, a bareinwōt ir otemjej rej rōnjakiō ranin, kom nañin einwōt, kabekanuij einwōt ña, elañe ejoko tomere kein.

1 Kor. 7. 7.

30 Im kiñ eo e jutōk, im iroi eo, im Bernis, im ro rej jiljōt ibeir.

31 Im ke rej lālok jen e, rej konono iben dron, im ba, Ejelok an armij in kōmōu ekar ñōn mij ak liabe.

jap. 23. 29. & 25. 25.

32 Inem Agrippa e ba ñōn Festōs, Kwo naj kar maroñ in kōtlok ar-

mij in, elañe e ar jab ba En ekajet ið Sizar.

jap. 25. 11.

JAPTER 27.

IM ke emwij bebe bwe kimin jerök ñõn Itali, rej lelok Paul im bar jet dri prisõn ñõn juõn etan Juliõs, senturiõn an jar an Augõs-tõs.

jap. 25. 12, 25.

2 Im kim ar uwe ion juõn wa'n Adramitiõm, eo en tellok ñõn ene ko i kabbe in Esia, im jerök, Aristarkõs dri Masedonia jen Tessalonika ej uwe ibem.

jap. 19. 29.

3 Im ran eo ilju kim bo i Saidon. Im Juliõs ej kõmõnmõn joi j ñõn Paul, im kõtlok e bwe en ilok ñõn ro jeran im kakije ibeir.

jap. 24. 23. & 28. 16.

4 Im ke emwij am jerök jen ijo, kim tellok ñõn jebalur in Saiprõs, bwe enana kõto.

5 Im ke emwij am jerök ion lojit eo ikijen Silisia im Pampilia, kim itok ñõn Maira, jikiu kwelok an Lisia.

6 Im ijo senturiõn ej lo juõn wa'n Alexandria e jerök ñõn Itali: im ej ekõtök kim na ion.

7 Im ke erumij am tellok elõñ ran, im nañin ban itok ikijen Naldõs, bwe enana kõto, kim ar tellok ñõn jebalur in Krit ikijen Salmone:

8 Im ke ebin am jerök iturin, kim itok ñõn juõn jikin etan Lam Emõn; ebake juõn jikin kwelok etan Lasia.

9 Im ke elap ien emotelok, im enana ien jerõkrik, bwe emotelok ien jitlok, Paul ej kowe ir,

10 Im ba ñõn ir, Lõma, I jela bwe jerök in e naj nana im elõñ joko, jab kin kobõp wõt im wa, a barein-wõt kin an armij mour.

11 A senturiõn ej eoroñ kapen im armij eo wa'n wa eo, elap jen men ko Paul e ar konono kaki.

12 Im bwe lam eo e jab emõn kin ber ie ilo aũõnãñ, elõñ rej bebe bwe

ren jerök jen ijo, elañe re maroñ in tõbar Pinix, im ber ijo iomiu aũõnãñ: lam eo i Krit ej jitõñ eañ im rear kab rök im rear.

13 Im ke erik kõto itok irök, rej lemnok bwe r'ar bök air kõnan, im rej tõbi ankör im jerök ebake Krit.

14 A e jab eto, im juõn kõto elap, etan Eurakwilo, e buñ ion jen e.

15 Im ke ej let wa, im e jab maroñ in jerök ñõn kõto, kim ar likite im belok wõt.

16 Im ke kim ilok ñõn jebalur in juõn ailiñ, etan Klauda, elap am jermal kin ektök boat eo.

17 Ke emwij air ektök e, rej kõmõnmõn men in jibõñ ko, im mör-mire wa; im bwe rem'jök bwe re naj itak ilo bok etan Sirtis, rej dreore ken kõmõn wijila ko, im ein drein belok.

18 Im ke kanuij elap am jibeliklik kin lañ eo, ran eo ilju rej jino air äkbiñ jen wa;

19 Im ran eo ken ka jilu r'ar jolok kin peir men ko mweien wa.

Jona 1. 5.

20 Im ke iomiu elõñ ran, al im iju ko rejoko, im e jab erik lañ iom, kõtõmene otemjej bwe kim naj mour ejoko.

21 A elikin an eto air jitlok, Paul e jutök iolapir, im ba, Lõma, emõn elañe kom ar bokake ið, im jab jerök jen Krit, im bök nana in im men ko rejoko.

22 Im kið ij kowe kom bwe komin beran; bwe e jamin joko juõn mour iami, a wa wõt.

23 Bwe ilo boñ e jutök na iba juõn enjel in Anij, Eo ña An, im Eo ij jermal ñõu E,

jap. 23. 11. Dan. 8. 18. Rom 1. 9. 2 Tim. 1. 3.

24 Im e ba, Paul, kwon jab mijök; kwo naj jutök iman mejen Sizar: im lo, Anij e ar lewoj ñõn yuk ir otemjej rej jerök ibõm.

25 Kin men in, Lõma, komin beran; bwe ij liki Anij, bwe e naj walok einwõt ar ba ñõn ið.

Luk 1. 45.

26 A je naj itak ilo juõn ailiñ.

jap. 28. 1.

191

27 A ilo ken ka joñoul im emeu boñ, ke kim betobātōk ilo lomalo Edria, enañin lukwōn boñ dri jermal i wa rej lemnok bwe rej kebak juōn ene:

28 Im rej joñe na bōken, im jela roñoul ñeñen: im ke rej ilok jirik, rej bar joñe na bōken, im jela joñoul im lailim ñeñen.

29 Inem rem'jōk bwe bwelen re naj itak ilo dreka, rej jolok emen koliklik jen lokwōn wa, im kōnan en rantak.

30 Im ke dri jermal i wa re nañin to jen wa, ke emwij air drorlōl boat ñōn lojit, einwōt bwe re kōnan jolok koliklik ko jen man wa,

31 Paul e ba ñōn senturiōn im ñōn dri tōrinae, Elañe rein re jab ber ilōan wa, kom jamin mour.

32 Inem dri tōrinae rej bukwe to ko an boat, im kōtlok bwe en belok.

33 Im ke enañin rantak, Paul ej akwelap ñōn ir otemjej bwe ren mōña, im ba, Ranin ran eo ken ka joñoul im emen kom kōtari im ber ilo jitlok, im jab bōk kijemi.

34 Kin men in ij akwelap ñōn kom bwe komin bōk kijemi; bwe men in ñōn ami mour: bwe e jamin joko juōn kolōn bōr jen jabrewōt iaml.

1 Kin 1. 52.

35 Im ke emwij an konono ein drein, ej bōk bred im jar ñōn Anij imair otemjej: im ke emwij an ruji, e jino an mōña.

1 Samuel 9. 13. Mat. 15. 36. 1 Tim. 4. 3, 4.

36 Inem ir otemjej rej beran, im rej bareinwōt bōk kijeir.

37 Im kim otemjej i wa eo, rubuki jiljilimjuōnñoul im jiljino armij.

Jap. 2. 41. & 7. 14. Rom 13. 1. 1 Pit. 3. 20.

38 Im ke emwij air mōña im māt, rej ākbil jen wa, im julok wit na i lojit.

39 Im ke erantak, re jaje ene eo: a rej lo juōu lam emōn bikōn, im rej bebe elañe rej maroñ in kaitak wa na ion.

40 Im ke emwij air kōtlok kolik-

lik ko, rej likiti na i lojit, im jelate jibwe ko, im jerōk wijla eo iman ñōn kōto, im tellok ñōn bārijit.

41 A ke rej itak i juōn ene ijo jibkra, rej kaitak wa eo ion bok: im man wa eotōk, im ber bin otem bin, a lokwōn wa erup kin elap no ko.

2 Kor. 11. 25.

42 Im dri tōrinae rej bebe bwe ren mōn dri prisōn, ñe r'ab aōlok im ko.

43 A senturiōn eo, kin an kōnan lomoren Paul, ej bōprae ir jen air bebe: im jiroñ bwe ro re jela aō ren kālōk mokta, im ilok ñōn ene;

44 Im ro jet, jet ion ra ko, im jet ion men ko jet jen wa eo. Im ein drein ir otemjej rej ilok ñōu ene im mour.

JAPTER 28.

IM ke emwij am tōkāk im mour, inem kim jela bwe etan ailiñ eo Melita.

Jap. 27. 26.

2 Im dri pegan rōn e jab erik air kōmōnmōn joiñ ñōn kim; bwe rej kejo kijeek, im bōk kim otemjej, bwe e wut im bwe e bio.

Rom 1. 14. 1 Kor. 14. 11. Kol. 3. 11.

3 Im ke emwij an Paul ae juōn bōkōn kani, im likit e na ion kijeek, juōn vaiper ej itok jen bwil, im ej errep ilo pein.

4 Im ke dri pegan rōn rej lo vaiper ej i pein, rej konono iben dron, im ba, Emol armij in dr'uror, eo meñe ej mour jen lojit, wānik e jab kōtlok e bwe en mour.

5 A ej kowutlok serpent eo ilo kijeek, im ejelok jorran iben.

Mark 16. 18. Luk 10. 19.

6 A rej kōtōmene ñe en bōj, ak buñ im mij kiōkiō: a elikin eto air kōtōmene, im lo ejelok jorran iben, rej ukot air lemnok, im ba, e juōn anij.

Jap. 14. 11.

7 Ebak ijo ene ko an iroiñ in ailiñ eo, etan Pōbliōs; eo ej bōk kim, im e joiñ im lale kim iomin jilu ran.

8 Im jemen Pōbliōs ej babu im

nañinmij kin bwil im kin ilok lo-
jen: Paul ej dreloñ ññon iben, im
jar, im likit pein ion, im kemour e.
Mark 16. 18. jap. 19. 11, 12. 1 Kor. 12. 9, 28.
Jem. 5. 14, 15.

9 Ke emwij an kōmōnmōn men
in, bareinwōt rojet ilo ailiñ eo, eor
nañinmij ibeir, rej itok, im ej ke-
mour ir:

10 Ir bareinwōt elap air wijtake
kim; im ke kimij jerōk, rej letok
men ko jabrewōt kim aikwij.

Mat. 15. 6.

11 Im ilokwōn jilu aliñ, kim jerōk
ilo juōn wa'n Alexandria, e kar ber
ilo ailiñ eo iomin ien eblo, etan ka-
kōllen Lōmaro Bo.

12 Im kim ar bo i Sirekus, im ber
ie iomin jilu ran.

13 Im jen ijo kim jerōk im jeje,
im itok ññon Rijiōm: im ilokwōn
juōn ran kōto in rōk e buñ, im kim
itok ran eo ilju ññon Putioli:

14 Ijo kim lo jimjān jimjāten, im
rej akwelap ññon kim, bwe kimin
ber ibeir iomin jiljilimjuōn ran; im
ein drein am itok ññon Rom.

15 Im jen ijo, ke jimjān jimjāten
rej roñ kin kim, rej itok bwe ren
ion kim ññon Jikin wia an Appiōs,
im Jilu Tavern; ke Paul. ej lo ir, ej
kamolol Anij im e beranlok.

16 Im ke kim dreloñtok Rom, rej
kōtlok Paul bwe en mōke jokwe
iben dri tōrinae eo ej lale e.

jap. 24. 23. & 27. 3.

17 Im ilokwōn jilu ran, Paul ej
kokweloktok leātōktōk an dri Ju
ro: im ke emwij air kweloktok, e
ba ññon ir, Lōma, jeiō im jātīō,
meñe ejelok nana I ar kōmōnmōn
nae armij ro, ak nae mōnit ko an
ro jimar, a ar ketōk iō dri prisōn
jen Jerusalem ññon pein ro dri Rom:

jap. 24. 12, 13. & 25. 8.

18 Ir ke emwij air ekajet iō re kō-
nan kōtlok iō bwe in ilok, bwe eje-
lok ruō bwe in mij.

jap. 26. 31.

19 A ke dri Ju ro rej konono im
jumae men eo, I ar lemnok emōn
in ba, En ekajet iō Sizar; jab bwe

[Marshall Islands.] 7T

jabrewōt iba in kinaklok kake ailiñ
eo aō.

jap. 25. 11.

20 Inem, kin men in, emwij aō
akwelap ññon kom, bwe komin lo
iō im konono iba: bwe kin kejatri-
krik an Israel tomere in ej drebij
iō.

jap. 26. 29. Ep. 3. 1. 2 Tim. 1. 16.

21 Im re ba ññon e, Kim ar jab bōk
letter ko jen Juñia kin yuk, im eje-
lok jimjān jimjāten rej itok rej
kwalok ak konono jabrewōt enana
kin yuk.

22 A kim kōnan roñ jen yuk am
lemnok; bwe kin jar in, kim jela
ijo ko otemjej rej konono nae e.

Luk 2. 34.

23 Im ke emwij air likit ññon juōn
ran, elōñ rej itok ññon e ijo ej ber ie;
ej kemeleleik ññon ir im kennanek
ir kin ailiñ in Anij, im ej kowe ir
kin Jisōs, jen kieu Moses im jen dri
kanan ro, jen jiboñ ññon jota.

Luk 24. 27. jap. 17. 3. & 19. 8. & 26. 6, 22.

24 Im jet rej tōmak men ko ej ko-
nono kaki, im jet re jab tōmak.

jap. 14. 4. & 17. 4.

25 Im ke e jab burueir wōt juōn
ibeir, r'ar ilok, elikin an Paul
konono juōn nan, Emōn an Jitōb
Kwojarjar konono kin Aisaia dri
kanan ññon ro jimami,

26 Im ba, Kwon ilok ññon armij
rein, im ba, Ilo ami roñjake kom
naj roñ, im jaje kake; im ilo ami
lo kom naj lo im jaje kajen;

Isa. 6. 9. Jer. 5. 21. Ezek. 12. 2. Mat. 13. 14.
15. Rom 11. 8.

27 Bwe buruen armij rein re bēna-
wia, im lojiliñir rej roñjamōn, im
mejeir rekilik; ñe r'ab lo kin me-
jeir, im roñjake kin lojiliñir, im
jela kin burueir, im ukwelok im in
kemour ir.

28 Inem komin jela, bwe mour in
jen Anij, Ej jilkinlok e ññon dri
ailiñ ko; im re naj bareinwōt eo-
roñ e.

Mat. 21. 41, 43. jap. 13. 46, 47. & 18. 6. & 22.
21. & 28. 17, 18.

30 Im ej jokwe iomin aolepen ruo

193

yiō iloan mweo ej kōlā wōnan jo-
kwe, im bōk ir otemjej rej dreloñ
ñōn iben,
31 Im ej kwalok ailiñ in Anij, im

katakin men ko kin IroiJ Jisōs
Kraist, kin elap beran, im ejelok eu
ej bōprae.

jap. 4. 31.

LETTER AN PAUL ÑŌN DRI ROM.

JAPTER 1.

PAUL, korijeran Jisōs Kraist,
emwij kir e bwe en dri jilik,
im kamōkelok ian ñōn gospel an
Anij,

Jerb. 22. 21. 1 Kor. 1. 1. Gal. 1. 1. 1 Tim.
1. 11. & 2. 7. 2 Tim. 1. 11. 1 Jerb. 9. 15. &
13. 2. Gal. 1. 15.

2 Eo E ar kalimur kake mokta
kin dri kanan ro An, ilo Jeje ko
rokwojarjar,

Tait. 1. 2. jap. 3. 21. & 16. 26. Gal. 3. 8.

3 Kin Nejin, eo E ar lotak jen
inen Devid ekar ñōn kōniek,

Mat. 1. 6, 18. Jon 1. 14.

4 Im ba kin E bwe E Nejin Anij
ilo kajur, ekar ñōn Jitōb ōn kwo-
jarjar, kin jerkakbiji an ro remij;
aet Jisōs Kraist ar IroiJ,

Jerb. 13. 33. Hib. 9. 14.

5 Kin E kim ar bōk joij im jermal
an dri jilik ñōn bokake tōmak iben
dri ailiñ otemjej kin etan :

jap. 12. 3. & 15. 15. 1 Kor. 15. 10. Gal. 1. 15.
& 2. 9. Ep. 3. 8. Jerb. 6. 7. Jerb. 9. 15.

6 Ibeir kom bar einwōt, ro Jisōs
Kraist e ar kir ir :

7 Ñōn ro otemjej i Rom, jitenburu
iben Anij, emwij kir ir bwe ren dri
kwojarjar: Joij ñōn kom im aine-
mōn jen Anij Jemer im IroiJ Jisōs
Kraist.

1 Kor. 1. 2. 3. 1 Tes. 4. 7. 2 Kor. 1. 2. Gal. 1. 3.
8 Moka, ij kamolol aō Anij ilo
Jisōs Kraist kin kom otemjej, bwe
ami tōmak e buñbuñ i aolepen lōl.

1 Kor. 1. 4. Pil. 1. 3. Kol. 1. 3. 4. 1 Tes. 1. 2.
Pail. 4. jap. 16. 19. 1 Tes. 1. 8.

9 Bwe Anij aō dri kennan, Eo ij
jermal ñōn E ilo aō ilo gospel an
Nejin, ekijkan e jab jokwōr aō ba
kin kom,

jap. 9. 1. 2 Kor. 1. 23. Pil. 1. 8. 1 Tes. 2. 5.
1 Jerb. 27. 23. Jon 4. 23. 24. Pil. 3. 3.

104

10 Im ien otemjej ilo jar ko aō ij
akwelap, bwe in iwij ñōn kom ien
in, elañe ij maroñ in etal im jeram-
mōn kin jabrewōt ial, ilo ankil an
Anij.

jap. 15. 23, 32. 1 Tes. 3. 10.

11 Bwe elap I kōnan lo kom, bwe
in lewoj ñōn kom jabrewōt men in
yokwe an Jitōb, bwe komin bin ;

jap. 15. 29.

12 Einwōt in, bwe jen ainemōn
ibemi, kij otemjej kin tōmak an
dron, ami im kab aō.

Tait. 1. 4. 2 Pit. 1. 1.

13 Im ro jeiō im jātīō, I jab kōnan
bwe komin jaje, bwe elōñ alen I ar
lemnok bwe in iwij ñōn ibemi, (im
ar bōprae iō ñōn ien in) bwe in bōk
eor lle ibemi, im einwōt iben dri
ailiñ ko jet.

jap. 15. 23. Jerb. 16. 7. 1 Tes. 2. 18. Pil. 4. 17.

14 Ña dri muri ñōn ro dri Grik, im
ñōn ro dri pegan ; ñōn ro re melet-
let im ñōn ro re jab meletlet.

1 Kor. 9. 16.

15 Ein drein, einwōt aō maroñ, I
pojōk bwe in kwalok gospel ñōn
komeo komij ber i Rom.

16 Bwe I jab jok kin gospel: bwe
ej kajur an Anij ñōn lomor iben ro
otemjej rej tōmak, iben dri Ju mok-
ta, im bareinwōt iben dri Grik.

Sam 40. 9, 10. Mark 8. 33. 1 Kor. 1. 18. &
15. 2. Luk 2. 30-32. Jerb. 3. 26. jap. 2. 9.

17 Bwe ilo e wānik an Anij ewalok
jen tōmak ñōn tōmak: einwōt em-
wij je, A dru wānik e naj mour kin
tōmak.

jap. 3. 21. Hab. 2. 4. Jon 3. 36. Gal. 3. 11.
Pil. 3. 9. Hib. 10. 38.

18 Bwe illu an Anij e walok jen